

十一朝東華錄學要



092166

穆宗毅皇帝

庚午同治九年二月辛丑。

諭內閣左宗棠奏提督剿賊大勝中礮陣亡懇請優卹予
諡建祠一摺廣東陸路提督劉松山於正月初十督進軍剿甘肅石家莊回匪攻克
該逆新修各寨斃匪一千餘名復進攻馬武寨忽有援賊二千名排列營前十五日
劉松山會同金運昌迎剿斃馬步悍賊約千名餘匪竄遁攻破外卡各軍一鼓齊登
劉松山策馬督攻甚急忽寨中飛子洞中左脅受傷甚重即時陣亡劉松山由勇丁
轉戰湖南等處十餘省剿平粵捻巨寇謀勇兼優無愧名將此次西征回匪策馬前
行躬冒鋒鏑該逆聞風膽落方冀攻克金積堡掃蕩而前肅清邊圉不料中道陣亡
覽奏曷勝悼惜劉松山著照提督陣亡例從優議卹加恩予諡入祀京師昭忠祠並
於陝甘等省立功地方建祠所部陣亡各員查明一併附祀該提督各省戰績並著
宣付史館立傳其遺櫬回籍時著沿途地方官妥為照料以示朝廷軫念忠勤至意
尋予祭葬世職諡忠壯 諭左宗棠奏提督劉松山陣亡後該軍統率需員查有布


東華錄聖要

卷一百十一

同治九年

商務印書館印行

政使銜候選道劉錦棠膽略尙優軍情翕服堪以接統請賞加京銜等語劉錦棠著
賞加三品卿銜接統劉松山舊部用資鎮率 諭總理各國事務衙門奏俄國擬差
員商議邊界事務請飭妥辦一摺據稱該國東悉畢爾總督欲於本年春間差員前
往齊齊哈爾吉林等處與該將軍面議邊界事宜請飭該將軍等相機妥辦等語吉
林黑龍江等處本無議定通商口岸該國意圖貿易屢次堅求同治五年間已有輪
船駛入松花江上游之事且有在黑龍江夾心灘種地刈草各情此次復欲派員往
議邊界事務如其循理按約自不妨酌量允行若係違理背約之求定當力為維持
嚴行禁阻著富明阿德英體察情形俟該國委員到時務須婉言開導不得稍有遷
就至相待之禮不妨示以優容一切相機而行妥善辦理 以沈桂芬署吏部尙書
察杭阿兼署工部左侍郎 戊申 諭恩麟德奏錄呈庫爾喀國王表文請議給
總噴箕藏格巴都爾王銜一摺該總噴箕藏格巴都爾在廓爾喀國內辦理一切事
務是否可靠朝廷未及周知如賞加王銜之後該處番民是否翕服日久與中國體
制有無窒礙不至夜郎自大之處著恩麟德泰切實查明據實具奏所有應給該總
噴箕王銜及頒給敕書各件均俟該大臣等覆奏到日再降諭旨 主子 諭內閣



男 衛 章 恭 校

協辦大學士湖廣總督李鴻章著帶兵先赴陝西督辦陝省援剿事宜俟陝西肅清仍即馳赴貴州督辦軍務。甲寅以靈桂著兵部尚書萬青莖兼署兵部尚書。丙辰諭軍機大臣等前因奎昌奏澗陳塔城分界實在窒礙情形當交總理各國事務衙門議奏茲據奏稱該大臣所陳六難兩弊雖非全屬虛詞而塔城所屬地方豈可任其淪陷請飭該大臣恪遵前旨先行派員前往查勘並著酌擬辦理等語前派奎昌將塔城分界事宜妥爲會辦嗣因俄人在哈巴爾阿蘇私立鄂博復經諭令按照圖冊詳細查勘有無侵占若如該大臣此次所奏各情未免因難退縮其患何可言勝即著奎昌迅派明白曉事之員先行查明該國所立牌博是否與同治三年明誼所定紅綫相符。如其中有被侵占之處並著繪圖貼說迅速奏聞酌覈辦理。諭總理各國事務衙門奏法國使臣藉兵要挾漸不可長請飭各省遇有外國案件持平速結並飭地方官於傳教事件先事防維列入考成及請飭江蘇福建迅辦英國未結各案各摺片。上年法國使臣羅淑亞因四川等省教案未結自行出京攜帶兵船赴安徽江西等省不過數月各案俱結該使臣見在回京傳教各案牽涉民人即係地方官分內應辦之事著各該將軍督撫通商大臣等嚴飭所屬遇有中外交涉

東華錄要

卷一百一十一 同治九年

一

商務印書館印行

事件即認真查辦持平迅結。況見在英國使臣威妥瑪鈔錄上海新聞紙以羅涉亞催辦各省積案有效爲詞則該國未結各案豈可聽其延遷著文煜英桂下寶第馬新貽丁日昌將臺灣販運樟腦等案尅日辦結毋貽該國使臣口實嗣後各該省遇有交涉案件並著各該將軍督撫飭屬勒陷完結以弭後患至傳教一事流弊固多而地方有司如能先事圖維經權互用未嘗不可杜其干預著各該將軍督撫大臣等密飭地方官遵照前次總理衙門通行成案悉心體察豫爲經理儘能辦理妥協即准其與催科撫字一例考成以冀挽回積習用弭釁端。戊午諭軍機大臣等定安奏高武軍剿賊疊勝金順奏官軍攻拔王家疇附巢賊壘暨剿辦北路竄逆情形各一摺王家疇莊踞逆恃有外援疊於正月十一十七等日糾黨竄撲均經金順張曜督隊擊退其馬步援賊亦經官軍奮力截剿被創敗逃辦理甚爲奮勉即著金順會同張曜督率各軍步步進逼攻拔堅巢至金順所奏上年十二月間攻克附巢四壘情形業據定安奏到大略相同官軍奮勇爭先深堪嘉尚第軍士陣亡至一百二十餘名受傷至六百餘名實深隱念金順等務當於勇往之中寓慎重之意庶精銳不至漸耗沙金托海以西賊蹤出沒無常各營軍火糧餉時形梗阻定安已飭保

英馬隊馳赴舍太一帶駐紮。並由宋慶派撥五營。令劉廷督帶。由哈拉寨啓隊。即著定安飭令劉景芳一軍。即日西進。會同各軍將北路竄匪悉數芟鋤。疏通糧路。並督飭馬陸等沿河各隊。嚴加防範。毋稍疏虞。三月丁卯朔。實授英翰安徽巡撫。已諭軍機大臣等。都興阿等奏續查游民滋擾朝鮮啓。費原委。並添派官兵拏辦一摺。前因朝鮮國碧潼城管小坡兒鎮地方。突被邊外游民前往搶劫。燒毀民房各情。當經諭令都興阿等將滋事根由。查明妥辦。茲據奏稱本年正月間。有朝鮮人夫十三名。用牛爬犁十三張。由渾江口過江割草。被該處墾地游民拏獲。匪徒吳思會等將其十三人斃命。朝鮮復有人過江燒毀墾地窩棚。該匪等率領人衆。攻破朝鮮小管平城。焚燒民房二十餘處。擄掠軍器財物。潛回前陽石柱子等處盤踞。又將朝鮮過江人傷斃數名。見派員前往查辦等語。渾江口一帶地方。多與朝鮮接壤。防範尤應嚴密。今該匪等膽敢過江焚掠。傷斃多人。該將軍等自應遵奉前旨。催令奕艾迅速馳往。相機妥辦。並檄飭豐恩等酌帶馬隊官兵。就近出岫廠邊門各處。曉諭墾地游民。毋任匪徒勾結。吳思會各犯。見在盤聚石柱子等處。都興阿等務飭豐恩等會同奕艾。將各犯按名拏獲。盡法懲治。至嗣後如何嚴禁奸民過江滋擾之處。並著

東華錄學要 卷一百一十一 同治九年

三

商務印書館印行

該將軍等酌度辦理。都興阿等業經飭令奕艾將派員往查。並見在辦理情形。知會朝鮮義州官吏。即著禮部傳知該國王。申明邦禁。約束近邊人民。嗣後遇有過江滋擾。互相仇殺者。亦須設法懲辦。以期日久相安。毋稍懈弛。壬申。以喬松年爲倉場侍郎。癸酉。諭軍機大臣等。劉典奏官兵追剿竄回疊勝。陝省見無回蹤。並馬正剛一股殲除殆盡。及剿擊北山回土各匪獲勝各摺片。回曾馬長瀾等股勾結游勇。由北山竄入內地。官軍追剿情形。業經劉典先後馳奏。茲據奏稱劉端冕各軍。在韓城等處擊賊獲勝。賊由臨渭一帶搶渡渭河。均經水師擊敗。高陵之賊。經魏紀鋈等率隊敗之。張佑庭李輝武諸軍。又於醴泉武功各境追剿疊勝。該逆渡涇之後。分路潛逃。附入游勇。亦已悉數衝散。其奔竄甘境者。僅數百人。劉典見飭在陝各營。於陝甘毗連處所。嚴密設防。馬正剛一股。亦經劉端冕等追殺殆盡。據逃出難民供稱。馬正剛已被槍斃各等語。此次回匪紛竄陝疆。圖絕甘軍糧道。劉典督飭諸軍追剿。疊獲勝捷。該省已無賊蹤。辦辦尙屬得手。刻下金積堡賊巢。甘軍圍攻正緊。其折竄甘境各匪。難保不勾煽餘黨。復謀東犯。率掣進剿諸軍。左宗棠當督飭在甘將士。將金積堡相機攻取。並檄飭派出援陝之軍。將折回餘匪。攔頭截擊。務絕根株。近日甯靈

一帶軍情若何。著隨時據實具奏。劉典亦當嚴飭各處駐營。力加防範。馬正剛是否槍斃。仍著確切查明。此起零匪。究係逃竄何處。並著飭令在防將弁。隨時偵探。以期搜捕無遺。清澗等處踞匪。既經總兵田玉廣等殲除淨盡。而定邊西境及花馬池一帶。復有回蹤。並由安邊竄來逃勇一二百名。在蔣家寨一帶盤踞。甯條梁附近之呂家寨。亦有逃勇一二百名。是榆綏一帶。防務尚未可鬆。著劉典即飭成定康等加意防維。毋稍鬆勁。惟陝省前次肅清之後。凡地方騷擾。半係土匪游勇。勾結回逆。此次安邊等處逃勇。究由何營散出。其從前管帶究係何人。著左宗棠劉典分飭各路帶兵官弁。設法擒拏。並查明該管營官從嚴參辦。一面將各處游勇妥籌安插。分別遣散。以靖地方。辛巳。諭軍機大臣等。金積堡逆匪。經劉錦棠等軍擊敗後。乘間鈔掠河西運道。復經金運昌會同湘軍夾擊。殺賊甚多。二月初二日以後。劉錦棠等在馬家灘板橋等處。追剿馬步各賊。疊獲勝仗。該逆欲引馬連渠水以困官軍。劉錦棠等分道並進。賊向金積東門敗走。各軍平卡而還。見在劉錦棠等以吳忠堡至下橋一帶。爲形勢所必爭。移兵屯紮。以爲扼要地步。著左宗棠即飭劉錦棠等。將金積外掇。力圖遏截。以期拔取堅巢。峽口地方緊要。雷正綰築壘既遲。又不派隊填紮。以致

爲賊所踞。實屬咎無可辭。雷正綰著革職留任。周蘭亭張福齊率軍先退。亦難辭咎。均著撤銷勇號。拔去花翎。並革職暫留軍營差遣。該處爲秦漢兩渠上游。必須趕緊奪回。方能制賊。雷正綰見紮何家堡。周蘭亭見紮四百戶。尙屬進兵要路。左宗棠務飭該提督等整理營伍。設法進攻。至前次定邊安定爲賊襲踞。既據查明金運昌暨簡敬臨張福齊等軍前進各節。尙屬有因。即著暫行毋庸置議。會傳理在營是否得力。並著隨時查看。該大臣見擬由靖遠造船配礮。乘河流盛漲。駛攻峽口。所籌甚是。著即分檄各路將士。次第規取。制賊死命。陝回毗連處所。時有回蹤。游勇亦復滋擾。劉典仍當懷遠疊次諭旨。嚴飭在防各營。會同甘軍相機堵擊。丁亥。諭劉嶽昭岑毓英奏攻克麗江等城及馬街等處賊巢。會商澂江新興軍情各摺片。中路官軍克復彌渡賓川及紅巖馬街各賊巢。北路官軍攻克麗江劍山南路一軍。並將緬甯廳城收復。此次各營將弁。疊克城池。剿辦極爲得手。在事出力文武員弁。著劉嶽昭等查明彙案保奏。新復之賓川彌渡。逼近大理。尙有鎮南姚州雲南縣三城未下。著該督撫激勵將弁。乘勝進攻。迅圖克復。其永昌等處之賊。並著督飭各軍。分路進剿。以期次第廓清。劉嶽昭岑毓英親赴中關。察看地勢。會籌進攻之策。即著將澂江府

城迅速攻克。掃蕩逆氛。劉嶽昭回省後。所有省城布置機宜。並著妥爲籌辦。乙未。諭總理各國事務衙門奏。貴州遵義教案。請飭迅結一摺。黔省遵義教案。前經李鴻章派令道員余思樞前往籌辦。迄今尙無端倪。該使臣羅淑亞以李鴻章改赴陝西。恐貴州教案。又復延閣。屢次催請迅結。李鴻章係原派查辦大臣。見雖未能入黔。此案仍須該督一手經理。著即飭令道員余思樞。會同黔省派出各員。迅將應行查辦事件。認真查覈。但能折服其心。自不至仍前狡執。該使臣羅淑亞亦有不令教士任意婪索之語。並因新使臣蘭盟將到。亟望此案速結。一切籌辦機宜。該督即可密飭余思樞妥爲辦理。至此案雖由李鴻章派員往辦。曾璧光係該省大吏。豈得置身事外。著即嚴督派出各員。悉心會辦。逐層確查。覈實持平。以自立於不敗之地。夏四月己亥。諭都興阿等奏。拏獲滋擾朝鮮匪犯正法。並飭搜捕餘匪一摺。匪徒楊嗣汝等滋擾朝鮮地界。經都興阿等派員將匪首楊嗣汝拏獲正法。並將已斃之劉克明等二犯戮屍。見在搜拏餘匪。即著都興阿清凱麟書恩錫飭令豐恩等督率兵弁。務將在逃要匪。按名嚴拏。盡法懲治。此次該匪等越境滋事。訊因朝鮮民人過江在先。並著都興阿等將起釁根由。咨會該國查明辦理。嗣後兩國邊境。務須會同巡

東華錄彙要 卷一百一十一 同治九年

五

商務印書館印行

緝。毋令秀民滋事。擾害地方。古尼音布等見已出境。即飭令該員等相度情形趕緊籌辦。甲辰。諭內閣。刑部尙書譚廷襄持躬端謹。練達老成。由庶吉士改授部曹。歷任監司。疊膺疆寄。旋以侍郎洊擢尙書。並命在總理各國事務衙門行走。數歷中外。宣力有年。均能恪盡厥職。昨因患病賞假。方冀調理就痊。長資倚畀。遽聞溘逝。悼惜殊深。著加恩追贈太子少保銜。賞給陀羅經被。派員勒奠。卹帶領侍衛十員。即日前往奠醊。照尙書例賜卹。任內一切處分。悉予開復。應得卹典。該衙門察例具奏。伊子戶部候補主事譚寶琛著俟服闋後。以本部員外郎補用。譚寶璜著賞給舉人。俟服闋後准其一體會試。其靈柩回籍時。著沿途地方官妥爲照料。用示篤念耆臣至意。尋予祭葬。諡端恪。調鄭敦謹爲刑部尙書。以沈桂芬爲兵部尙書。龐鍾鏗爲左都御史。彭久餘爲吏部右侍郎。丙午。諭總理各國事務衙門奏。美國使臣蒲安臣病故。見籌辦理情形。鈔錄志剛等奏稿各摺片。美國使臣蒲安臣。前經派充出使各國大臣。與志剛孫家穀前往。有約各國。辦理中外交涉事務。該使臣周歷英法美德暨瑞丹和布諸國。遠涉重洋。不辭勞瘁。辦事諸臻妥協。本年正月間。行抵俄國病故。殊堪憫惻。該使臣身後事宜。業由志剛等妥爲照料。兼撥銀兩。經理喪事。著加恩賞

給一品銜。並賞銀一萬兩。由出使經費項下撥給。交該使臣家屬祇領。以示優待之意。蒲安臣業經身故。出使事宜。甚關緊要。著該衙門飭令志剛等督同左協理柏卓安右協理德善悉心商酌。妥爲辦理。癸丑。論軍機大臣等。甘肅兩等處竄回。經湯聘珍各軍先後擊敗。而賊之前隊竄至甯州。又經魏光燾等追擊。擒斬甚多。陝回禹得彥仍由鹽茶廳一帶竄走。其西竄之崔三一股。由隴州竄張家川後。復由秦安北竄。至莊浪隆德之間。左宗棠已調徐文秀等率隊追剿。惟見在各路回股。每於陝甘交界處所。東奔西竄。牽掣官軍。而甘之河狄。尤爲逆衆逋逃之藪。左宗棠稔圖善務。當檄飭甘陝各軍。分投剿洗。迅將禹得彥崔三各逆。設法殲除。以孤賊勢。金積堡踞回。疊經官軍痛剿。勢甚窮蹙。二月二十日後。劉錦棠等軍。又將山水溝賊壘三座。暨王銀棚賊壘攻破。馬化澂復詭詞乞撫。該逆詭譎異常。見當圍困糧盡。正可乘機計取。著左宗棠檄飭劉錦棠等。酌量情形。妥籌剿辦。馬阿渾等股。因爲陳軍剿敗。回竄甘境。魏光燾於打家河毛渠井等處。痛加剿擊。所踞逆黨無多。仍著左宗棠分飭魏光燾等。跟蹤追剿。迅速殄除。因原鹽茶及環慶各處。客土回匪。節經周紹濂等剿擊。實尤大挫兇鋒。惟該處山谷盤互。回民種類亦繁。左宗棠務飭在事文武。時加

搜緝。剿撫兼施。毋任匪徒乘機煽惑。以消隱患。丁巳。諭內閣。崇實吳棠奏援滇川軍克復魯甸廳城。生擒逆逆。遵將出力員弁開單請獎一摺。雲南逆匪李本忠竄踞魯甸廳城。提督唐友耕督率官軍。分路進攻。疊破賊巢。當將廳城克復。生擒逆首李本忠及賊黨多名正法。昭魯漸次肅清。在事出力各員。自應量予獎勵。唐友耕越境援剿。疊著戰功。此次迅克堅城。擒斬要逆。實屬異常出力。唐友耕著賞穿黃馬褂。以示優獎。另片奏請將隨同克復城池之知府英文等失守處分。免其置議等語。昭通府知府英文。畧魯甸通判吳廣通。帶練隨剿。雖有微勞足錄。惟未能先事豫防。究有應得之咎。未便遽予免議。英文吳廣通均著革職留任。以觀後效。五月庚午。命崇實赴貴州會同曾璧光查辦教案。壬申。諭總理各國事務衙門奏。英國使臣威安瑪請於沿海水底暗設通綫。謹將辯論各節。據實密陳一摺。洋人以貿易爲本。時慮中國舟車遲滯。欲以外國之銅綫諸法。試行於中國。上年議修英約時。英國使臣阿禮國卽以此事屢次瀆請。均經總理各國事務王大臣嚴詞峻拒。見在該國使臣威安瑪復請由廣州汕頭廈門福州甯波各海口水底暗設銅綫。通至上海。並稱前議通綫之法。俱係陸路明設。此次係在海底暗設。其綫端一頭。在船隻內安放。

卽在灣船埠口海面停泊。與從前所論迥殊。似與中國毫無虧損等語。該衙門見將沿海水底暗設數字揭清。該使聲稱安綫之處。如有民人損傷。地方官無須追償修費。已由該使轉飭同商遵辦。著南北洋通商大臣暨沿海各督撫。飭各關道地方官嚴密稽查。遇有洋人安設銅綫之處。止准在沿海洋面水底。其綫端止准在船隻內安設。卽在沿海埠口向來停泊各洋船碼頭之外近海處所停泊。儻有將綫端牽引上岸。不遵定章辦理者。卽照會領事官。立時查禁。以杜流弊而絕效尤。戊寅。諭軍機大臣等。金積堡踞匪。經劉錦棠督隊進攻。該逆出巢抗拒。我軍分路攻擊。立將賊壕平毀。其西竄大壩分水嶺三關規糧之賊。又經我軍擊退。卽著左宗棠飭令劉錦棠聯絡金順張曜。派出各軍。乘賊勢窮蹙之時。分投截剿。毋令他竄。花定等處賊匪。經金運昌派提督王鳳鳴擊剿獲勝。復親督隊伍。將金積堡附近賊壘攻破。並著飭令金運昌。迅速進剿。毋稍鬆勁。金積一賊登耳。卽云巢堅糧足。何以頓兵如許之久。屢攻未下。本日據奏中路南路均獲勝仗。未知賊勢若何。殊深厪繫。李鴻章指日抵陝秦隴交界處所。已諗扼要分紮。該大臣惟當振刷精神。嚴檄劉錦棠等乘勝進攻。一面飭南路各軍掃蕩而西。進規河狄。使賊彼此不能相顧。迅奏膚功。至該大臣

各營後路。既有淮軍進紮。左宗棠尤當與李鴻章和衷共濟。各泯畛域之見。俾兩省聯爲一氣。庶防剿合籌更資得力。己卯。諭軍機大臣等。劉崑奏援黔各軍攻拔新城。見約川軍會剿一摺。席寶田一軍。自攻克施洞口等處逆巢後。先將涼傘地攻破。乘勢直薄新城。賊衆奔潰。立將新城克復。各路援賊疊被官軍擊敗。並焚毀糞板等處賊壘。蕭榮芳亦督軍疊破苗寨多處。剿辦尙爲得手。席寶田見已約川軍會師巖門。合力夾擊。卽著崇實吳棠飭令道員唐炯。迅督所部。由濠橋前進。與席寶田各軍聲勢聯絡。並著劉峴檄令席寶田。剋期會同進剿。掃蕩清江北岸。以次規取台拱。毋稍鬆勁。前據劉峴奏川軍須由重安江下擊。肅清施黃。又據崇實等奏攻克黃飄白保。已約楚軍會擊。巖谷籠巖門司等處。見在新城既克。川楚兩軍聲氣漸通。正當乘此聲威。通力合作。不得彼此觀望遷延。致失機會。曾璧光亦當就黔省兵力。會合川楚各軍。迅速剿辦。盡殄苗氛。辛巳。諭軍機大臣等。李宗羲奏毅軍在蒙境剿賊獲勝一摺。回目于得沅帶領賊衆。由金積堡竄出。在察漢淖爾盤踞。提督蔣東才督軍進剿。行抵胡魯蘇廟。生擒賊匪多名。旋至窩爾鬼溝。該逆列隊拒戰。遊擊黃義之等首先衝擊。賊馬四路圍裹。蔣東才將賊擊敗。沿途擒斬甚多。該逆復來襲營。官

軍乘勝掩殺。山坳伏賊與前股敗逆出拒。經礮隊將其賊首轟斃。賊衆潰逃。又經各營追殺。步賊盡被殲除。所餘馬賊向西南狂奔。受傷亦已過半。見在五勝旗內。據報已無賊蹤。蔣東才撤回神木。惟逆首于得沅尙無實在下落。此股賊匪。既屬兇悍異常。難保不向合各路回匪。復圖竄擾。仍著李宗羲迅查宋慶。檄飭蔣東才等勤加偵探。並於沿邊處所豫籌防範。如有匪蹤竄近。卽相機截剿。毋稍疏虞。前據定安奏烏紳旗境尙有回匪滋擾。該將軍務飭扎那噶爾第等偵明賊蹤。分投堵擊。一面咨令宋慶與各軍聯絡聲勢。妥籌布置。以遏寇氛。壬午。裁安徽蒙城縣訓導。改設渦陽。以亳州義門巡檢隸渦陽。移亳州州同於丁固寺集。爲分防州同。庚寅。諭軍機大臣等。崇厚奏津郡民人與天主教起釁。見在設法彈壓。請派大員來津查辦一摺。據稱天津地方。有匪徒迷拐人口。牽涉法國教堂情事。經崇厚與法領事豐大業等約定於五月二十三日。令天津道府縣帶同匪犯武蘭珍親往天主堂。面見教士謝福音。並帶該犯指勘所歷地方房屋。與該犯原供不符。亦卽帶犯而回。旋據教士謝福音至崇厚處商量。以後查辦之法。商妥去後。是日未刻。忽聞有教堂之人。與觀看之人。口角爭毆。正在派武弁前往彈壓。法領事豐大業忽來署中。神氣兇悍。帶有洋

槍二桿。後跟一外國人。手執利刃。出言不遜。將洋槍向崇厚施放。幸未被中。該領事將桌上物件。信手砍損。咆哮不止。崇厚以其時民情洶洶。恐激成事變。勸令該領事不可出去。豐大業竟飛奔出署。天津縣知縣在彼彈壓。當面勸阻。該領事卽對其放槍。將該縣知縣家人打傷。百姓激於衆忿。將該領事臺毆致死。並焚毀教堂等處房屋。見在民情稍戢等語。仍著崇厚督同地方文武。將該民人等設法開導。妥爲彈壓。毋令衆聚再滋事端。曾國藩病尙未痊。本日已再行賞假一月。惟此案關係緊要。曾國藩精神如何。支持著前赴天津。與崇厚悉心會商。妥籌辦理。匪徒迷拐人口。挖眼剖心。實屬罪無可道。既據供稱牽連教堂之人。如查有實據。自應與洋人指證明確。將匪犯按律懲辦。以除地方之害。至百姓聚衆將該領事毆死。並焚毀教堂。拆毀仁慈堂等處。此風亦不可長。著將爲首滋事之人。查拏懲辦。俾昭公允。地方官如有辦理未協之處。亦應一併查明。毋稍回護。曾國藩等務當體察情形。迅速持平辦理。以順輿情而維大局。壬辰。諭內閣。崇厚奏津郡民教起釁爭毆。自請治罪。並將地方官分別嚴議革職一摺。此案天津民人。因迷拐幼孩匪徒。有牽涉教堂情事。懷疑起釁。復因法國領事豐大業在崇厚署中施放洋槍。並向天津縣知縣放槍。忿激羣

殿。致將豐大業斃命。並焚毀教堂。崇厚辦理通商事務。不能綏靖地方。天津道周家勳有表率之責。未能先事豫防。天津府知府張光藻。天津縣知縣劉傑。辦理不善。以致釀成巨案。均屬咎無可辭。崇厚周家勳劉傑張光藻。著先行交部分別議處。仍著曾國藩於抵津後。確切查明。嚴參具奏。至迷拐人口匪徒。及爲首滋事人犯。均應查拏懲辦。並著曾國藩會同崇厚。徹底根究。秉公辦理。毋稍徇徇。乙未。命三口通商大臣兵部左侍郎崇厚。爲出使法國欽差大臣。以大理寺卿成林。署三口通商大臣。吏目爲司獄。戊戌。諭奎昌奏起程赴塔。塔勒辦立界事宜。一摺。奎昌接准俄國來咨。定於五月二十九日。會勘塔城牌博。見已帶領司員弁兵等。由科起程。馳赴瑪呢圖。囑圖勒汗地方。按期與俄使會勘。並先期派員查看。俄國已立牌博。有無侵占。所籌尙是。著即將塔城立界事宜。按照圖約。會同俄使詳細履勘。毋任暗中侵占。所需經費。事竣覈實報銷。奎昌因起程赴塔。已將參贊大臣印務。移交文碩接管。所有科布多應辦事件。即著文碩妥爲經理。癸卯。諭軍機大臣等。曾國藩奏起程赴津籌辦情形。一摺。曾國藩擬將誤斃俄國人命。及誤毀英美兩國講堂。先行議結。不與

法國牽混。所見甚是。著即會同崇厚。妥爲商辦。以免輟轄。丁未。諭軍機大臣等。劉嶽昭岑毓英。奏克復威遠廳城。南路肅清。一摺。雲南普洱府屬之威遠廳。久爲逆首馬標竊踞。屢攻未下。經劉嶽昭岑毓英。飭令迤南各軍。會同土練分路進攻。力戰年餘。始將廳城克復。其田四濫一股。在四疊崖一帶。恃險抗拒。亦經官軍破其巢穴。生擒逆首田四濫正法。南路肅清。惟馬標一犯。在逃未獲。仍著該督等。嚴飭所屬。密速查拏懲辦。田四濫餘黨。並著妥爲解散安插。免致滋生事端。威遠爲大理後路。與迤西聲息相通。該處賊股業已殲除。地方安謐。正可乘此聲勢。分路進規迤西。使杜逆腹背受敵。攻剿更易得手。即著該督等。相機籌辦。以期早日蕩平。移湖北武昌城守營分防金口。鎮洲二汛。外委各一。於省城。黃州。協陽城。把總於黃安縣城。黃安縣外。委於黃陂站。巴河口。塘外。委於麻城縣之兩路口。改道士汛。外委。隸興國營。裁道士汛。守備。把總。額外。委各一。李家渡。額外。委二。金口。鎮洲。李家渡。兵丁。共一百二十八名。己酉。命彭玉麟。迅赴江南。會同沿江各督。撫。整頓長江水師。庚戌。諭軍機大臣等。陝回禹得彥。崔三等。股疊經官軍擊敗。漏逸無多。傅先宗等。復擊賊於鞏昌等屬。伏羌。甯遠。禮縣一帶。均已肅清。正宜乘此聲威。節節掃蕩。著左宗

棠飭令南路各軍迅由渭源進剿。以規河狄。峽口要隘爲賊所踞。尤當迅飭雷正綰等力圖攻拔。以奪金積之勢。其陳林一股。竄擾花定一帶。經金運昌劉錦棠各軍擊敗。陳逆受傷而遁。見在陝回疊經受創。金積賊勢漸孤。左宗棠務當飭令劉錦棠等穩慎進取。力拔堅巢。該逆被圍緊急。難保不遣黨四出。圖擾後路。並著嚴飭瓊慶等處防軍。會合陝北各軍。嚴密布置。遇賊卽擊。毋稍疏懈。省城附近及西路一帶。時有匪蹤竄擾。著穆圖善隨時酌量情形。力籌防剿。左宗棠亦當妥籌兼顧。甲寅。建奉天岫巖廳文廟學宮。設訓導一。文學額四名。武學額二名。庚申。諭內閣。曾國藩崇厚奏查明天津滋事大概情形一摺。據稱研訊教民迷拐人口一節。王三雖經供認授藥與武蘭珍。然尙時供時翻。亦無教堂主使確據。仁慈堂查出男女一百五十餘名口。均稱其家送至堂中參養。並無被拐情事。主挖眼剖心一條。經曾國藩於抵津時親加推問。百姓無能指實。詢之天津城內外。亦無遺失幼孩控告之案。此等情形。如湖南江西揚州天門及直省之大名廣平。皆有檄文揭帖。厥後各處結案。總未將檄文揭帖之虛實。剖辨明白。津民平日熟聞各處檄文揭帖之言。已信爲實。而又因外國堂門終年扁閉。教堂仁慈堂皆有地窖。爲去潮溼置煤炭之用。治病者被留不出。並收留無依人口及疾病將死之人等情。書疑莫解。本年四五月間。適有拐匪用藥迷人之事。牽涉教堂。該民人見領事官豐大業對官放槍。遂致萬口譁謔。同時並舉。其實挖眼剖心戕害生民之說。多屬虛誣。毫無實據等語。此案疊諭會國藩會同崇厚持平辦理。見據該督等奏報此事均係謠傳。津人致疑之由。昭然共見。至匪徒迷拐幼孩人口。例禁本嚴。著刑部於此等兇犯到案時。卽議以加等治罪。嗣後各直省地方如挈有迷拐人口匪徒。亦著照刑部所議。從重處治。諭軍機大臣等。會國藩崇厚奏查明天津滋事大概情形一摺。該督等見給該使照會。於緝兇修堂等事。均已力爲應允。想該使自不至再生異詞。日來辦理情形。能否迅就了結。並著隨時馳奏。以直隸天津疏防民教起釁。革知府張光藻知縣劉傑職。下部治罪。辛酉。諭劉岷奏。官軍疊克苗寨。收復巖門司城池北岸大致肅清一摺。撥黔各軍。自蹋平涼繳屯賊巢。及拔取新城後。卽約川軍會師巖門。經席寶田督飭鄧真發等軍。分路進攻。將亮擺高山各寨焚毀。官軍乘勝轉戰。陣斬逆酋多名。並將白洗等處援賊痛擊。先後計毀平數十苗寨。五月初十日。席寶田飭唐本有等分攻巖門。賊匪大敗。立將巖門司城池克復。適川軍亦克囊谷隴。川楚兩軍。勢已聯絡。自見巖門以下

東華錄學要 卷一百一十一 同治九年 十 商務印書館印行

白洗以上數百里間。悍苗斬除淨盡。大致肅清。其高碑花灘等處巖洞。亦經席寶田飭軍進剿。清平所屬之螃蟹數寨。川軍亦可進取。所有此次援黔出力人員。著准其附於攻克施洞口案內彙請獎敘。刻下北岸各軍。雖屬得手。而南岸地勢廣袤。苗寨尙多。即使攻拔台拱。其丹江入寨一帶賊巢林立。且去貴陽省垣猶遠。必須合軍進剿。方無後塌之虞。仍著劉峴檄飭席寶田將未克巖洞迅速攻拔。一面督令唐本有等及果毅各營與川軍併力南圖。川軍既與楚軍會合。著吳棠飭令唐炯迅率所部相機夾擊。並著將各該軍餉項源源撥給。毋令稍形困乏。黔邊援軍四集。曾璧光亦當振刷精神。就該省見有兵力。督飭在事將士。分投剿擊。共殄寇氛。諭劉嶽昭岑毓英奏官軍攻克姚州城池。擒斬首逆。餘賊殲除淨盡一摺。姚州首逆馬金保藍平潰等。皆與杜逆同時搆亂。著名兇悍之賊。此次官軍力拔堅城。擒斬逆首。從此杜逆黨與漸孤。進剿當易得手。著劉嶽昭岑毓英督飭李維述一軍。迅拔鎮南州城。卽與楊玉科等軍相機分路前進。以期早日肅功。另片奏激江竹園剿賊獲勝等語。激江賊匪。經岑毓英督率各軍。於龍潭校場蘿蔔村及西山村一帶攻破賊營。賊礮數十座。陣斬賊首多名。其竹園賊匪。亦經總兵張保和等督軍進攻。連破營壘二百餘處。

東華錄彙要

卷一百一十一

同治九年

十一

商務印書館印行

賊賊二千餘名。東西兩山夷寨。望風歸順。竹園下壩地方。均已肅清。仍著岑毓英嚴飭各軍。乘勝攻剿。迅克激江郡城。並將竹園上壩賊巢一律掃蕩。以靖邊陲。癸亥。

命工部尙書毛昶熙馳赴天津。會同直隸總督曾國藩查辦事件。秋七月。戊辰。

諭內閣。富明阿等奏。理春邊務事繁。請將該處協領賞加副都統銜。以資鎮攝等語。理春協領訥穆錦著賞加副都統銜。嗣後理春協領一缺。卽作爲副都統銜協領。永爲定制。庚午。卜寶第開缺養親。以何璟爲福建巡撫。張樹聲爲山西布政使。范梁爲山西按察使。丁丑。諭軍機大臣等。崇厚奏體察津郡見時情形。擬卽來京陛見一摺。崇厚著卽來京。其三口通商大臣一缺。著毛昶熙暫行署理。崇厚卽將關防交毛昶熙接收。津門應辦事宜。仍著曾國藩毛昶熙懷遵疊次諭旨。安速籌辦。

己卯。諭軍機大臣等。曾璧光奏黔省教案全行議結。開單呈覽。暨咨會崇實會同覈辦各摺片。貴州遵義等處教案。共有九起。見經曾璧光派委司道各員。會同該教士逐案查明。一律歸結。擬卽出示曉諭各屬。以後遇有民教交涉事件。均照條約辦理。所籌甚爲妥協。著曾璧光卽將各案如何議結詳細根由。迅速咨明總理各國事務衙門。以憑查覈。黔省教案雖已全給。而設堂行教等事。尙須妥籌辦理。該撫務當

飭令余思樞奎閣會同楊蔭棠等體察民情設法開導。母令再生枝節仍隨時咨商崇實酌覈辦理免致歧誤。並檄飭地方官嗣後務當持平辦理。母任再滋事端。丙戌。李宗羲丁憂。調何璟爲山西巡撫。以王凱泰爲福建巡撫。丁亥。調鄧廷樞爲廣東布政使。以潘霽爲福建布政使。調葆亨爲福建按察使。以林肇元爲貴州按察使。

庚寅。諭甘肅南路官軍克復渭源狄道城池。並攻拔牟佛諦堅堡。正可乘此聲勢。進規河州。左宗棠等以自秦州至狄道計程四百餘里。中隔渭源等處一片荒蕪。必須節節設防。保護運道。方能前進。察看河州賊勢。應俟甯靈肅清。由蘭州出兵。方能得手。固係持重之見。見在北路各軍。已將靈州一帶賊寨攻破多處。軍務自有起色。則進剿河州之兵。此時即當妥爲部署。著左宗棠穆圖善悉心商酌。以期迅掃賊氛。靈州迤西至金積堡。僅存賊堡十一處。王楊等逆伏誅。賊衆無糧。可擄。勢已窮蹙。著左宗棠飭令劉錦棠等。迅將胡家堡等處攻拔。盡殲醜類。中路官軍疊克馬家河灣韋州堡等處。金積堡南路關鍵。已爲我得。左宗棠務當檄飭黃鼎會同雷正綰總統中路諸軍。先將峽口要隘奪回。次第剿平金積迤西各堡寨。並與劉錦棠等約期會剿。迅克金積等堅巢。以振全局。母稍鬆懈。前有旨令李鴻章督兵馳赴近畿。業據該督奏報起程。並據奏稱北山土匪潰勇巨股。已殲。餘匪不至爲患。已咨商蔣志章酌派三五營分紮要隘等語。北山事甫就緒。李鴻章近已離陝。左宗棠仍當妥籌兼顧。母令甘回折竄陝疆。又致句結爲患。癸巳。諭軍機大臣等。前據蘇鳳文等奏叛匪奕添錫遁入越南安邊地方。當經諭令蘇鳳文馮子材飭令前敵各軍。迅速進攻。肅清邊境。見在剿辦情形究竟如何。總當督飭各軍。乘勝進剿。迅殲醜類。以靖邊陲。安南國沿邊膏腴。如胥江等處。在安南爲三省地方。其廣不過中國一郡。該國謂之東京。近年聞爲法國所占踞。有駐紮重兵。並設提督等官情事。安南陸路接壤廣西。由廣西邊界至胥江道里若干。有無山川阻隔。著蘇鳳文密派幹練有識之員。前往該處確訪一切情形。繪圖貼說。並將近日安南與法國情意是否融洽之處。據實奏聞。八月丁酉。諭內閣。魁玉奏總督猝被行刺。因傷出缺一摺。據稱兩江總督馬新貽於七月二十六日赴署。右箭道校閱事竣回署。突遇兇犯刺傷脅肋。當經隨從武弁等。將該犯即時拏獲嚴訊。僅據供稱係河南人。名張汝許。而行刺緣由。供詞閃爍。該督受傷甚重。延至次日身故等語。覽奏不勝駭異。總督衛署重地。竟有兇犯膽敢持刃行刺。實屬情同叛逆。亟須嚴行訊究。即著魁玉督同司道各官趕緊嚴訊。

務得確情。盡法懲辦。馬新貽持躬清慎。辦事公勤。由進士即用知縣。歷任繁劇。咸豐年間隨營剿賊。疊克堅城。自簡任兩江總督於地方一切事宜。辦理均臻妥協。茲因被刺遇害。披覽遺章。實深悼惜。馬新貽著賞加太子太保銜。照總督例賜卹。並入祀賢良祠。任內一切處分。悉予開復。伊子馬毓楨。著加恩賞給主事。分部行走。該督靈柩回籍時。著沿途地方官妥爲照料。應得卹典。該衙門察例具奏。用示憫念。疆臣至意。尋予祭葬。諡端敏。調曾國藩爲兩江總督。未到任前。以江甯將軍魁玉兼署。調李鴻章爲直隸總督。以李瀚章爲湖廣總督。楊昌濬爲浙江巡撫。允定安奏添設黃河水師。戊戌。調盧定勳爲浙江布政使。以錢鼎銘爲直隸布政使。調范梁爲直隸按察使。以李慶翱爲山西按察使。甲辰。命張之萬赴江甯會訊張汝詳獄。乙巳。諭軍機大臣等。奎昌奏查勘俄國已立界牌鄂博一摺。奎昌見已與俄國立界官穆魯木策傳公同履勘。由塔城所屬之瑪呢圖噶圖勒幹卡倫起。至賽哩鄂拉止。查明俄國已立牌博四處。均在原議分界處所建立。尙無侵占。已飭令弁兵等在俄國所立牌博內。建立界牌鄂博四處。辦理尙妥。惟塔爾巴哈台山嶺等處。尙有俄國已立牌博。未經勘定。該大臣見行抵霍野爾莫多地方。與俄國立界官會商往查。

東華錄要

卷一百一十

同治九年

十三

商務印書館印行

仍著按照圖約。循依繞道。詳細確切勘明。毋任暗中侵越。此次隨同立界委員明魁等。均著照所請先行賞戴翎頂。如能始終奮勉。事竣後。准與出力官兵。一併覈實保奏。分界既定。中外疆域分別。彼此可以相安。奎昌尤當督飭弁兵。將設立牌博各邊界。時加巡查。其應如何嚴定章程。以垂久遠之處。著該大臣悉心妥籌。奏明辦理。己酉。諭內閣。李鴻章調補直隸總督。著即馳赴天津。會同曾國藩。丁日昌。成林。查辦事件。工部尙書毛昶熙。著即回京供職。甲寅。諭蘇鳳文等奏。官軍攻剿叛匪。全股蕩平。暨派防鎮安邊境及籌辦苗土等匪情形各摺片。安邊河陽等處賊匪。全數殲除。剿辦尙爲得手。惟首逆梁添錫一犯。僅據賊供中礮落水。賊屍猶未撈獲。其黃崇英一犯。逃匿不知去向。亟應確實查明該逆等實在下落。迅速殄滅。毋任漏網。馮子材見駐河陽。卽著趕緊搜捕餘匪。督率入關。毋得久留夷境。致滋擾累。另股土匪屯踞保樂夷境。距鎮安不遠。蘇鳳文當嚴飭謝繼貴等實力堵剿。並著馮子材派撥勁旅。會合夾擊。毋令逸匪潛入。至柳慶邊境。時有苗匪滋擾。南大泗鎮思恩等府土匪尙多。著蘇鳳文飭令各該地方官。會同防剿各軍。認真堵擊。馮子材凱還時。於各屬應剿防處所。務當分兵布置。妥籌辦理。以靖地方。以廣西官軍剿辦越南

安邊等處賊匪蕩平。賞副將劉玉成父母二品封典。遊擊黃興仁巴圖魯名號。餘加銜升敘開復有差。己未。諭沈葆楨奏請簡派輪船統領一摺。據奏新設輪船約束操演。以及稽查聯絡。其難較戰船數倍。亟需知兵大員統率。藉資訓練。福建水師提督李成謀前隸楊岳斌外江水師。疊著戰功。著作為輪船統領。英桂沈葆楨即傳諭該提督。務當申明紀律。嚴加約束。以肅營規。兵船恃槍礮為聲威。若技藝生疏。非特不能制勝。且臨敵蒼黃。將有自焚之患。近日輪船所用槍礮。多於後膛安放手藥。英桂等即責成李成謀隨時駕駛出洋。周歷海島。勤加操演。俾該員弁等熟習風濤。悉成勁旅。輪船號數漸多。不能不分布各口。若彼此各不相習。勢必心志不齊。難期用命。李成謀身為統領。尤當將各船聯絡一氣以壯聲援。九月乙丑。諭軍機大臣等。北路劉錦棠等各軍。進逼金積老巢。疊次大獲勝仗。奪取蔡橋水口。越過賊濠立營。乘勝攻克小何家寨蔡家寨等處賊巢。大股投賊。屢經擊敗。踴毀金積附近賊卡十餘處。官軍偪賊而營。金積與王洪胡家各堡。聲息不通。河西通昌通貴賊糧亦斷。正可乘此破竹之勢。迅拔堅巢。將馬化澀及著名各逆目。悉數擒斬。以竟全功。中路雷正綰等各軍。又將張恩堡峽口奪回。連克金積西路各卡壘。險要既得。賊勢更

東華錄要

卷一百一十

同治九年

十四

商務印書館

盛。金積西門外。僅存洪樂等數堡。左宗棠已飭雷正綰黃鼎會同劉錦棠金運昌相機進剿。自不難一律肅清。見在中北兩路官軍業已聲勢聯絡。合力大舉。事機極為順利。金積已成孤立。斷難久支。是在該大臣妥為調度。迅奏膚功。以慰廑繫。戊辰。

諭軍機大臣等。劉嶽昭岑毓英奏收復新興州城見籌辦理情形。暨提督馬如龍

疊著勤勞。墊發餉銀各摺片。雲南新興州城。久被回逆占踞。經提督馬如龍督兵進剿。斷其糧路。連破玉枕山灰窰及附城逆壘多處。四面偪攻。殲斃逆眾無數。當將州

城克復。逆首田慶餘等均已擒獲。正法。剿辦尚為得手。惟就撫降眾。多係建水河西所屬之館驛東溝難民。該二處尚未肅清。難以分遣回籍。馬如龍見已派員清查戶

口。令該難民等暫居州城。並於城內及後裕鄉等處派兵駐紮。即著該督等飭令在事員弁。隨時認真彈壓。妥籌善後事宜。以期漢回相安。免致另生枝節。興化既克。自

應進剿東溝館驛等處。迅掃逆氛。馬如龍因傷發回省調治。先派都司王正坤等規取東溝館驛。該提督當趕緊調理痊愈。即時前往督剿。收復新興出力人員。俟東溝

館驛肅清。彙案請獎。至馬如龍連年剿匪。均能身臨戰陣。奮勇圖功。深堪嘉尚。此次進剿新興。於湖南撥餉未到期。復籌墊餉銀三萬兩。洵屬顧全大局。敵愾同仇。著發

去白玉翎管一支。白玉搬指一箇。火鏢一把。大荷包一對。小荷包兩箇。交該提督祇領以示優異。壬申。諭劉峴奏援黔各軍蕩平苗寨。暨川軍撤退。仍請飭令進兵各摺片。湖南援黔各軍。自攻克亮擺巖門司等城寨後。提督唐本有等復督隊攻毀花灘各巖洞及四星各寨。又將朗洞城池攻克。附近數十里賊寨。一律蕩平。八寨諸苗。已有畏威乞撫者。楚軍擬乘勝進規台拱。若川軍通力合作。進剿凱里諸寨。不難將逆苗醜類。次第掃除。乃崇實吳棠不知顧持大局。輒因省餉撤兵。唐炯一軍。遂回牛場壩安候撤。以致蠻谷隴已有賊蹤。重安黃平。復爲賊踞。實屬貽誤事機。前據該將軍等奏請截汰援黔兵丁。即諭令汰弱留強。仍飭唐炯會合席寶田等軍。合力進攻。不可遽行鬆勁。何以不候諭旨。竟撤援軍。會璧光前次奏到已嚴諭崇實等迅飭唐炯進兵。不得遷延干咎。著即懷遵前旨。檄令唐炯剋期拔隊。迅赴戎機。時已秋涼。劉峴即當催令席寶田督兵迅平台拱。任毋賊勢復張。唐炯此時應否進剿黃平。抑或即會楚軍兜剿清江南岸。著斟酌情形辦理。台拱若平。苗疆善後及進取事宜。尚須悉心經理。席寶田未可遽行離營。屆時仍著劉峴酌度奏聞。劉峴所奏唐炯致席寶田內。有川省函商黔中全撤川師月協餉五萬歸黔自辦。聞黔中意甚欣然等

東華錄要

卷一百一十一 同治九年

十五

商務印書館印行

語。黔省兵力。豈能不須協助。即敷剿辦之理。會璧光果允其議。何以前奏又請飭催川軍。唐炯所言。恐非確實。著會璧光詳細具奏。戈鑑一軍出力員弁。准劉峴先行酌保。其餘各營出力人員。著暫行存記。俟攻克台拱併案請獎。甲戌。諭內閣。前因天津府知府張光藻。天津縣知縣劉傑。於民教起釁一案。事前疏於防範。事後又不能迅速獲犯。當經降旨革職。交刑部治罪。嗣後會國藩等取具親供。並將革員等押解到部。茲據刑部奏請按照刁民滋事地方文職不能彈壓撫恤革職例上從重。擬以發往軍臺效力。並以案情重大。應如何從重改發之處。請旨等語。該府縣責任地方。乃於津民聚衆滋事。不能設法防範。致匪徒乘機焚殺。戕害多命。又未將兇犯趕緊拏獲。情節較重。且該革員等於奉旨交刑部治罪後。張光藻竟敢私往順德。劉傑亦私往密雲。任意逗留。尤屬藐玩。張光藻劉傑。均著從重改發黑龍江效力贖罪。至津民因懷疑激忿。不遵地方官彈壓。輒敢逞兇殺害至二十餘命之多。且將其仁慈堂內真女慘殺。尤爲兇殘。見經會國藩等拏獲滋事人犯。審明分別情節輕重。將馮癩子等十五犯。擬以正法。小錐王五等二十一犯。擬以軍徒。既屬情真罪當。即照所擬將馮癩子等即行處決。小錐王五等分別發配安置。經此次嚴辦之後。各直省地

方官務當曉諭居民安分守法。毋任再滋事端。遇有中外交涉事件。並須按照條約。持平妥辦。總期中外商民彼此相安。以靖地方。戊寅。諭軍機大臣等。曾國藩等奏。續訊天津案內第二批人犯分別定擬一摺。此次續拏各犯。既據曾國藩等單開。訊明情形輕重。著照該督等所擬將劉二等五犯即行正法。鄧老等四犯分別發配。安置。曾國藩等接奉此旨後。所有先後定擬正法之犯二十人。軍徒各犯二十五人。即行分別辦理。庶可迅速完案。羅淑亞派繙譯官德微理亞前赴天津。修具切結。並確查燒燬房屋被搶物件。以便議償。曾國藩等本係特簡查辦津案之員。此時該繙譯業已抵津。修堂撫恤諸事。在津易於定議。即著該督等晤商德微理亞。妥籌辦理。迅速具奏。尤崇實奏。留丁憂提督陳希祥幫辦軍務。辛巳。諭軍機大臣等。曾國藩奏遵旨赴任兩江懇請陞見。並請將主事陳蘭彬帶至江南。暨續獲正犯范泳。擬即換釋穆巴各摺片。穆巴一犯。證在既未的確。何以前奏遽擬死罪。著即日釋放。以重人命。其續獲之范泳。既屬供證確鑿。為放火燒房正兇。著照該督等所請歸案正法。曾國藩接奉此旨。即著將應辦各事。懷遵九月十五日諭旨迅速辦理。毋再稽延。曾國藩即著來京陞見。該督起身後。李鴻章著仍駐天津。勿遽回省。務將彈壓撫

綏各事宜。妥為籌辦。俟津郡中外諸事大定。再行請旨。主事陳蘭彬著准由曾國藩帶往江南差遣委用。丁亥。諭軍機大臣等。奎昌奏查勘塔城界址牌博完竣。並見籌辦情形各摺片。俄國與塔城分界處所。建立牌博。見經奎昌會同俄官續行查明。自察漢鄂博起至哈巴爾阿蘇山嶺止。共立牌博六處。連前所立四處。均與同治三年原定條約相符。業已繪圖換約。辦理尙為妥速。惟見在塔城未復。附近地方。別無臺卡。此次立界之後。俄人能否常守條約。不復侵占內地。仍當隨時偵察。以保無虞。即著福濟等按照奎昌所擬。咨會霍博克賽里之土爾扈特親王車林拉布坦。扎薩克拉克特那巴扎爾圖布欣克什克三旗。轉飭各該旗官弁隨時留心稽查。如俄人因歷時已久。復有侵占情事。即行知會福濟等隨時與之理論。竭力攔阻。不得因循廢弛。俟塔城克復。仍照舊章兩國派員會查。以符定制。辛卯。諭金積堡踞匪。於本年七月以來。經左宗棠飭令劉錦棠等分路進攻。次第克復西南西北東西賊寨。並將金積堡東關攻破中路。雷正綰等軍進剿西路賊匪。立將洪樂堡攻克。該逆悉敗退金積堡。著左宗棠飭令提督王衍慶會同劉錦棠黃鼎各軍。乘勝進攻。迅速收復金積堡。務將竄踞賊匪悉數殲除。不得久稽時日。另片奏石成器袁聚潛逃。畏

罪自斃。實足以昭顯戮。在逃之翟占元等。係首先倡亂之犯。該大臣務當飭令西路各軍。及地方州縣。嚴行緝拏。務獲懲辦。毋任漏網。其管帶各員。是否防範不力。並著查明分別辦理。唐有彥所部潰卒。務飭黃武賢妥爲安撫。涼州永元未潰之勇。左宗棠已令蕭宗幹等裁併實數。統歸王仁和鈐制。即著擇要分裝。毋令滋生事端。予甘肅軍營病故提督黃萬友祭葬世職。並予諡。陣亡總兵官趙昌昌祭葬世職。壬辰。諭據禮部奏。接准盛京禮部送到朝鮮國王咨文。內稱該國慶源府農圃社居民李東吉逃往琿春地方。蓋屋墾田。嘯聚無賴。該國民口時有犯越。皆李東吉招誘所致。琿春人與之慣熟。不肯舉發。籲懇查拏等語。該朝鮮匪徒潛入關隘。沿邊官吏。即應如數查拏。今李東吉潛住琿春。招引該國民人。逃越內地。著統福密飭琿春協領等確查該國匪犯。如在所屬境內潛匿。即行購緝。務將朝鮮匪犯李東吉等盡數拏獲。解交該國懲治。奕榕抵署任後。並著會同統福。飭屬隨時稽查。毋任匪徒再行逃匿。以肅邊防。此次朝鮮逃越人犯。已諭令吉林將軍等嚴拏解交。著禮部行知該國王遵照辦理。冬十月癸巳朔。諭軍機大臣等。總理各國事務衙門奏朝鮮民人潛逃俄界。請飭該國自行辦理一摺。前有旨諭令禮部行知朝鮮國王。將逃

赴俄界民人。悉數領回約束。毋許再有逃越。並由總理各國事務衙門咨行禮部。轉咨該國。即著該部按照前咨。迅即行令朝鮮。自行設法招徠。使已逃者懷德復歸。嗣後尤當嚴申禁令。不可復蹈前轍。並著該部行知該國王遵照辦理。至邊防必應嚴密。著奕榕統福嚴飭邊界各員弁。隨時認真稽查。如有朝鮮民人由中國地界逃至俄國者。即行查禁。毋任乘間偷越。丙申。命劉銘傳督辦陝西軍務。庚子。實授蘇廷魁河道總督。甲辰。諭軍機大臣等。崇厚等奏天津機器局告成。動用經費各款。開單奏報一摺。天津設立機器局。經崇厚飭在事人員度地庀材。隨時監視。密妥士等認真經理。見已一律告成。所用款項。既據崇厚等聲稱事由。擬舉。難以例價相繩。所有單開用過銀數。即著准其開銷。至密妥士所稱再添研藥機器三分。每年所出火藥。可增三倍。而人工所加有限。較之採買。即可節省。尙屬久遠之計。崇厚見在出差。應如何斟酌添製開拓之處。著交李鴻章妥爲籌畫。奏明辦理。辛亥。兵部等部會議兩廣總督瑞麟等條奏新設赤溪協未盡事宜。所陳改駐都司一員。千總三員。把總五員。外委八員。額外二員。記委四員。馬步守兵四百六十一名。暨改赤溪營爲水師。隸陽江鎮管轄。變通巡洋章程。以陽江鎮總兵爲上班統巡。赤溪協副將

爲下班統巡。並移新甯縣縣丞改駐廣海寨。均應如所請辦理。從之。庚申。諭內閣。前據總理各國事務衙門奏。遵議尙書毛昶熙請撤三口通商大臣條陳。當諭令李鴻章妥籌應辦各事宜。茲據該督酌議章程具奏。天津地方緊要。自宜因時變通。三口通商大臣一缺。著即行裁撤。所有應辦各事宜。均著歸直隸總督飭該管道員經理。卽由禮部頒給欽差大臣關防。用昭信守。並著該督於每年海口春融開凍後。移紮天津。冬令封河。再回省城。儻遇有緊要事件。必須回省料理。亦准其酌度情形。暫行回省。事竣仍赴津郡。以資兼顧。其山東登萊青道所管東海關。奉天奉錦道所管牛莊關。均歸該督統轄。惟中外交涉。事務較繁。自應添設道員管理。著照所請。准另設津海關道一缺。專管中外交涉各事件。及新鈔兩關稅務。並責成該道督飭府縣悉心妥辦。仍隨時稟請該督酌覈辦理。嗣後津海關道缺出。著由直隸總督揀員請補。其餘未盡事宜。著李鴻章迅速妥議具奏。上諭北路馬步各軍。經劉錦棠等督飭進剿。奮勇爭先。疊挫賊鋒。連克堅堡。殲除逆匪。余彥壽等多名。首逆馬化澂被創。中路雷正綰黃鼎徐文秀等軍。剿敗陝甘回匪。疊破堡寨。殲斃逆目鄒麻子丁玉潰等。首逆余彥祿亦因傷身斃。剿辦甚屬出力。見在金積堡東面。僅存王洪楊明兩堡。西面僅存大河中洲馬家灘四堡。餘皆一律掃除。各路官軍。復於四面紮營掘濠。漸偪漸緊。自當乘此機勢。鼓勇進攻。以收擣穴擒渠之效。至左宗棠摺內所稱金積堡城高牆厚。渠水回環。攻擊既多有傷亡。地道又未能開掘。請寬以時日。可冀奏功等語。固屬實在情形。惟當此賊氛大挫。合圍已成。總當於慎重之中。寓奮迅之意。不可稍涉畏難。至形鬆勁。河劑回逆偷渡洮河。循河南犯。經楊世俊等迎剿。獲勝仍著飭令在防各軍。遇賊卽擊。漢伯堡竄出之賊。疊經周紹濂等軍分路迎擊。擒斬甚多。其敗匪李旺堡等處者。亦經魏光燾追剿。陣斬賊目馬泳。步賊殲除殆盡。惟騎賊已向會甯靜甯紛竄。提督楊世俊等安定截剿之師。能否盡殲醜類。官運糧運。最關緊要。仍當督飭各軍。隨時確探。離剿。以護運道。毋稍疏虞。

穆宗毅皇帝

庚午。同治九年。閏十月。乙亥。諭軍機大臣等。劉嶽昭峇毓英奏官軍攻克永北等廳州城。地方一律肅清。見籌進剿一摺。永北鶴慶鎮南三城。見經克復。大理賊勢已孤。亟應乘勝進攻。迅殲醜類。卽著劉嶽昭峇毓英飭令李維述等各率所部兵勇。迅速前進。將大理府城及賊踞處所。以次剋期攻拔。毋稍遲緩。丙子。以張之萬爲江蘇巡撫。張兆棟爲漕運總督。恩錫爲江蘇布政使。戊寅。諭內閣。蘇鳳文奏。官軍由越南凱撤入關一摺。廣西逆匪吳亞終等。由太平竄擾越南。經廣西提督馮子材親統大軍馳往剿辦。當將首要各逆。殲除淨盡。並於河陽地方搜剔逸匪。越南境內一律肅清。該提督業已於本年七月間振旅入關。其所帶勇丁。亦經分別撤留。妥爲安置。廣西提督馮子材督軍剿辦。將此股賊匪悉數蕩平。實屬調度有方。深堪嘉尚。馮子材前已賞給騎都尉世職。著加恩再賞一雲騎尉世職。以示優獎。癸未。以烏城失陷。命副都統成明帶神機營官兵一千七百名。赴察哈爾防守。丁亥。召李翰章

東華錄要

卷一百二十一

同治九年

商務印書館印行

入覲。以郭柏蔭兼署湖廣總督。己丑。諭軍機大臣等。甘省中北兩路官軍。自攻克漢伯堡後。雷正綰等接攻張家泉金家堡賊寨獲勝。劉錦棠等復合力攻破楊明堡。陣斬賊目楊洪開等多名。正擬進攻王洪。適涼州大股賊匪繞竄圖援。金積恐馬家河灘各堡句引援賊。遂先將該處各小堡及附近團莊一律掃除。尙有兩大堡未下。仍當趕緊攻拔。俾援賊失所憑依。剿辦方易得手。金積見已合圍。各處匪股乘隙來援。總當加意防範。著左宗棠嚴飭前敵諸軍。穩紮力攻。並分檄各路將士。扼要堵擊。前竄米脂平羅股匪。據左宗棠覆奏探報未確。不足爲據。金積合圍。實無一賊竄出。十月以後。花定等處。未據報賊蹤。東竄陝西北山竄賊。實亦無多等語。近據蔣志章奏報草地逆回竄至綏德分擾清澗安定等處。是竄陝之賊。見尙陸續踵至。著卽飭令成定康等。隨時兜剿。力遏狂氛。平羅地方。見雖無兵可撥。如遇有緊要軍情。該大臣仍當妥籌兼顧。竄入河西之禹彥祿等一起。左宗棠奏禹彥祿卽係余彥祿之訛。前已傷斃。何以金順前後奏報王疇軍情尙有余彥祿在內。著該大臣查明具奏。左宗棠另片奏遵籌成祿出關事宜等語。前因成祿已拔陝西行。當諭該提督督軍駐紮關外。不得輕率前進。仍著成祿懷遵本月十一日諭旨。擇要扼紮。就近兼顧。肅

州。該提督營餉積欠甚多。且川陝各勇。不能得力。成祿著毋庸另募勇丁。即就見有兵力。力加整飭。與提督楊占鰲和衷共濟。遇賊即擊。並辦理屯田事宜。該軍口糧。已准提用張掖等處運省倉糧。成祿當體恤民艱。不准再有勒索苛派等情。致滋紛擾。十一月癸巳。命鄭敦謹赴江甯會鞫張汶詳獄。尋定讞。汶詳伏誅。庚子。召蘇

鳳文入覲。以李福泰署廣西巡撫。瑞麟兼署廣東巡撫。

辛丑。

諭軍機大臣等。劉

峴奏援黔湘軍疊破賊寨。克復台拱廳城。暨請飭川軍迅克清黃各摺片。貴州苗匪。齎集羊條各寨。經提督龔繼昌率隊進剿。疊克堅巢。席寶田會督諸軍。乘勝進拔。三丙革夷等巢。立將台拱廳城克復。該城西南北三面賊壘。以次鏟除。剿辦尙爲得手。惟九股河深處數寨。賊匪尙多。高坡雞擺尾等處。仍有賊寨數十。梗於台拱清江古州之間。見雖有番招登裸等寨來營乞降。席寶田已派員分往撫定。仍當將各處著名逆匪殲除淨盡。方能剿撫兼施。著劉峴檄飭席寶田。迅將九股河之台生養開等寨。次第削平。即進軍將高坡等處苗寨。分別剿辦。以期清江台拱。一律肅清。所有先後克復各城。必須將善後妥爲籌辦。始能步步進剿。劉峴仍當飭令各軍。一面派隊將甕谷隴黃飄一帶。迅圖剿洗。周達武一軍。計已入黔。著崇實吳棠飭令該提督迅

將清黃剋期收復。冀與楚軍聲勢聯絡。麻哈都勻兩城。爲逆苗仰食之地。著曾璧光即派黔軍。迅將該城收復。扼要紮守。遙爲楚軍聲援。即以自固疆圉。以湖南官軍克復貴州台拱廳城。賞提督龔繼昌。唐本有黃馬褂。餘加銜升級。有差。予陣亡參將宋兆雲等十三員祭葬。世職加等。戊申。以兩江總督曾國藩充辦理通商事務大臣。庚戌。諭軍機大臣等。金積堡陝回餘黨。會合河州援賊。由三甲集渡洮河。竄擾柳林溝等處。經官軍分投進攻。斬賊甚多。其渡渭而南之賊。復經官兵躡蹤截擊。殲除殆盡。剿辦尙爲得手。在事出力員弁。准由左宗棠擇尤彙案保奏。其零星竄逸之匪。著左宗棠督飭各營。分途搜捕。蔣志章亦當會同劉銘傳。檄飭各軍嚴密堵禦。毋任闖入陝疆。左宗棠一面飭令張家川。已撫回民李得昌。分別收輯。以孤賊勢。金積堡合圍後。逆情日形窮蹙。著左宗棠嚴飭劉錦棠黃鼎等。迅將馬家灘剋期攻拔。以便各軍節節掃蕩。會攻王洪堡。以圖金積老巢。爲掃穴擒渠之計。至投出回匪。絡繹不絕。回目馬壽清亦率眷投營。左宗棠已飭安插平涼。惟該回衆。是否真心反正。尙未可知。左宗棠務當隨時察看。加意防維。毋爲回衆所紿。前甯夏縣知縣彭慶章。甘心從逆。爲馬化澹謀主。見仍投入金運昌營。著左宗棠即飭將彭慶章解赴平涼。

嚴行訊辦。母稍寬縱。十二月辛未。諭軍機大臣等。劉嶽昭率統英奏攻克鄧川。浪穹兩城。並馬如龍傷痊進兵各摺片。鄧川浪穹兩城。久爲賊踞。經劉嶽昭等派令總兵楊玉科督兵進剿。先將浪穹縣城攻克。旋即分兵進攻鄧川。立時克復。並先後攻拔鳳羽白米莊長邑村鍊鐵橋後各賊巢。擒斬甚多。剿辦尙爲得手。楊玉科裏創力戰。實屬奮勉可嘉。見在大理北路。業已肅清。賊勢愈孤。著劉嶽昭率統英飭令該總兵將收復地方。分兵固守。毋稍疏虞。一面相度機宜。穩慎進取。並著飭令李維述等合力攻剿。馬如龍傷疾已痊。見擬出省剿賊。具見任事勇往。著劉嶽昭等趕緊籌給餉項。俾得尅日起程。將東溝等處賊巢。迅籌掃蕩。前據劉嶽昭等奏。激江業已合圍。近日攻剿情形若何。即飭岑毓英等力圖攻克。毋稍遲延。乙酉。尤福濟等奏設烏城臺站。駐班扎薩克四員。管臺台吉二員。丙戌。吏部等部議。覆直隸總督李鴻章條陳新設天津海關道。定爲衝繁疲難四字最要之缺。由外揀員請補。沿海地方均歸專轄。直隸通省中外交涉事件。統歸管理。兼令充直隸總督海防行營翼長。並以天津府城未據險要。擬於五大河以北圍築新城。以資備禦。均應如所請辦理。從之。丁亥。以楊重雅爲甘肅按察使。

東華錄

卷一百一十一

同治九年

二

商務印書館印行

辛未。同治十年春正月壬辰。諭軍機大臣等。定安金順奏攻克王疇賊巢。殲除首逆一摺。河西王疇賊巢。壘堅賊悍。經金順會同張曜督飭將士奮勇進攻。疊敗援賊。茲復於上年十二月十三日攻克堅巢。先後殲斃逆酋多名。悍賊八九千名。於天寒餉絀之時。建此偉績。甚屬可嘉。王疇已下。其河西附近各堡。自應乘勝進攻。著金順會商張曜分軍扼紮要隘。一面調治受傷士卒。整理器械。先行籌辦東北各堡。節節掃蕩。至通昌通貴各堡。前據左宗棠奏馬化澂投降後。籌辦撫局。並著金順隨時咨商左宗棠。如該堡回衆陽奉陰違。仍著該署將軍督兵進剿。見在甯靈一帶。已無陝回蹤迹。所有招集流亡。拊循瘡痍。一切善後事宜。必須實心任事之員。認真經理。甯夏道府州縣各官能否勝任。著左宗棠隨時訪察。並遴賢能守令。將地方應辦事務。悉心籌畫。止分良莠。不問漢回。務令彼此相安。毋任尋仇啓衅。左宗棠前奏余彥祿一股已繳械投誠。余彥祿亦受傷垂斃。並著左宗棠飭令劉錦棠等妥籌安插。毋令餘燼復燃。余彥祿刻下究在何處。著即查明具奏。甘省北路軍務得手。恐敗逃餘匪。乘隙四竄。或西竄甘涼。或北出邊外。著左宗棠檄圖善派兵分投截剿。並著定安督飭練金澄口各軍嚴密偵探。遇賊即擊。毋稍鬆勁。乙未。諭內閣。曾璧光奏官軍剿

平貴定等處賊巢。攻克都勻府城一摺。貴州苗逆金幹幹等占踞都勻府城。經督提督劉士奇等分軍三路節節進攻。平毀賊巢多處。斬擒悍賊多名。遂於上年十一月初九日將府城克復。剿辦尙爲得手。前署貴州提督古州鎮總兵劉士奇督軍攻剿。克拔堅城。實屬奮勇可嘉。著賞換額騰依巴圖魯名號。仍交部從優議敘。其在事尤爲出力之提督林從太。著賞穿黃馬褂。總兵何雄輝著以提督記名簡放。並賞穿黃馬褂。吳占勝賞加提督銜。並賞給信勇巴圖魯名號。戊戌。諭劉峴奏援黔各軍攻克台水等寨。見在剿辦情形一摺。席寶田一軍攻克台水等寨。戈鑑一軍攻克九節等寨。並追擊竄匪。節節獲勝。剿辦尙爲得手。此次出力文武員弁。著准其歸克復台拱寨內。彙請獎勵。見在璧擺尾猶煩兵力。凱里逆酋亦負隅抗拒。席寶田已約戈鑑會攻雞擺尾。擬俟該處克復後。以次進取高坡凱里。俾悍酋巢窟悉由楚軍一律鏟除。洵屬勇於任事。即著劉峴檄飭席寶田戈鑑等軍實力進攻。由雞擺尾掃蕩而前。迅殲醜類。昨因曾璧光周達武先後陳奏進兵之路。彼此意見參差。深恐貽誤戎機。諭令該撫等將如何進兵之處。會商具奏。刻下湘軍進剿苗疆。事機順利。黔省各軍亟應商定進兵之路。分投剿辦。庶可通力合作。以期次第廓清。其上斬下斬詔雞

東華錄

卷一百一十一

同治十年

四

商務印書館印行

甲交被巫度交等寨及烏連九連康中烏亥斬衣大田角白韜斬岡董晚九寨。先後詣營乞撫。劉峴務當飭令席寶田戈鑑妥爲安插。毋令再生反側。致滋事端。庚子。

諭軍機大臣等劉嶽昭岑毓英奏官軍攻克竹園賊巢。岑毓英奏圍攻澧江情形。及降人麥廷棟攜眷私逃各摺片。滇省彌勒縣屬竹園地方被賊久踞。經總兵張保和等會師進剿。連破上壩下壩逆巢多座。擒斬館驛等處援賊甚多。立拔竹園老巢。剿辦甚爲得手。竹園地當衝要。見雖克復。而館驛等處賊匪尙未掃蕩。該督等見檄張保和署理開化鎮篆。著即飭令迅速赴任。督率該處兵圍。乘此聲威。將田心茂克江那里日者鄉各處賊匪。相機分別剿撫。早靖東南。以便全軍西上。合圍大理。岑毓英已馳赴澧江。攻克附近賊營多座。見擬開挖地道進攻。著即督飭各營迅速拔堅城。毋稍鬆勁。壬寅。諭內閣。大學士官文持躬端謹。器量恢宏。歷承先朝知遇。由侍衛洊升將軍。蒙文宗顯皇帝優加擢用。補授湖廣總督。簡任綸扉。特命爲欽差大臣督辦軍務。與原任湖北巡撫胡林翼協力同心。和衷共濟。肅清全楚。復籌辦東征軍務。接濟餉需。不分畛域。厥功尤多。金陵之捷。加恩賞給一等果威伯。並將其本支擡入正白旗。嗣令來京供職。總理部旗事務。旋署直隸總督。敷歷中外。久著勤勞。

酒以偶染微疴。遽爾溘逝。遺章披覽。軫惜殊深。著賞給陀羅經被。派惠郡王奕詳帶領侍衛十員。卽日前往奠醴。加恩晉贈太保。照大學士例賜卹。入祀賢良祠。賞給廣儲司銀二千五百兩治喪。任內一切處分。悉予開復。應得卹典。該衙門察例具奏。其一等伯爵。著俟伊子榮綏百日孝滿後。由該旗帶領引見承襲。毋庸俟年終辦理。用示篤眷。盡臣至意。尋予祭葬。諡文恭。乙卯。以文煜兼署閩浙總督。二月壬戌。諭內閣。左宗棠等奏平毀金積堡賊巢。首要各逆伏誅。甯靈肅清。出力各員請獎一摺。甘肅回逆馬化澂等。於同治八年秋間。擁衆復叛。盤踞靈州所屬金積堡老巢。勾結陝甘各回。四出竄擾。經左宗棠派軍分投截剿。節節掃蕩。並令道員劉錦棠等進搗逆巢。疊將附近賊壘攻破。四面鎖圍。該逆勢窮乞撫。勒令平毀堡寨。呈繳軍械。猶敢遷延觀望。並於堡內埋藏洋槍洋礮一千餘件。匿不繳出。見經劉錦棠等將首逆馬化澂父子兄弟及逆黨譚生成等概行正法。洵足申天討而快人心。見在堡寨一律平毀。餘衆分別安插。其起獲銀十九萬兩零。除分賞各軍外。著左宗棠將所餘銀兩。爲遷居靈州之回衆。購辦賑糧。俾安生業。仍著督飭各軍。將各股回匪次第進剿。以期全省廓清。陝甘總督一等伯左宗棠運籌決勝。調度有方。著加恩開復降三級

東華錄要

卷一百一十一

同治十年

五

商務印書館印行

留任處分。並加賞一騎都尉世職。甯夏將軍穆圖善陝西巡撫蔣志章協籌防剿。均合機宜。稟圖善著交部從優議敘。蔣志章著交部議敘。道員劉錦棠接統湘軍。克平巨憝。著加恩賞給雲騎尉世職。並賞穿黃馬褂。所有尤爲出力之道員黃鼎著賞穿黃馬褂。提督雷正綰開復革職留任處分。並照一等軍功例從優議敘。另片奏已革布政使銜山西按察使陳湜委辦金積堡事宜。勞績卓著等語。陳湜著開復原官原銜以示鼓勵。諭左宗棠奏安插陝西就撫回衆。請增設官員以資鎮撫一摺。陝西就撫回衆一萬有奇。除該親屬認領外。共男女九千四百餘名口。均安插華亭縣化平川地方。經該督飭令道員馮邦棟前往散給賑糧。丈量地畝。按戶分撥房屋窯洞。並購給籽種酌發耕牛羸驢。督其開墾播種。辦理均屬妥協。著該督飭令總兵喻勝榮等妥爲彈壓。一面檄飭該地方官加意撫綏。毋使失所。遇有詞訟案件。止分曲直。不分漢回。總以持平辦理。毋任稍滋事端。其所請添設化平川通判化平營都司各缺。著該部議奏。尋議該督因撫馭回衆。請添通判都司各缺。係爲綏靖地方。因時制宜起見。應准如所請添設。從之。前任雲貴總督吳振械卒。予祭葬。癸亥。諭軍機大臣等。金順奏進規通貴回堡。並殲除通昌堡首惡情形一摺。河西通昌一堡。著

名首逆。殲戮殆盡。著金順會商張曜督飭官軍認真搜捕餘匪。至回目金萬良來營乞撫。該署將軍仍當隨時察看。通貴堡回逆。始則遣黨乞撫。及令其平牆繳械。則又枝梧猶豫。其非真心反正。已可概見。見經金順會商張曜。移營進逼該堡。即著激勵將弁迅速進攻。掃除醜類。該逆被剿窮蹙。難保不乘間竄出邊外。著金順與張曜督軍嚴密防維。務須就地殲除。前據福濟等奏平羅銅城堡逆匪勾結陝回千餘。欲圖裹糧北竄。並著檄令提督劉廷等扼要嚴防。截其竄路。以免蔓延。壬午。諭軍機大臣等。英翰奏拏獲逆首宋憬詩解省訊供一節。宋憬詩在東省倡亂後。反覆背叛。久稽顯戮。經英翰密派員弁在亳州之界溝集地方。將該逆拏獲。即著英翰將宋憬詩就近在皖正法。並傳首犯事地方示衆。此外有無該逆黨與。潛圖不軌。該撫務當督飭屬員隨時密查。以遏亂萌。戊子。命瑞常爲大學士。以文祥協辦大學士。庚寅。調全慶爲刑部尙書。存誠爲禮部尙書。崇綸爲工部尙書。以靈桂爲理藩院尙書。阜保爲左都御史。魁齡爲吏部左侍郎。轉延煦爲戶部左侍郎。調桂清爲戶部右侍郎。恩承爲禮部右侍郎。轉明善爲工部左侍郎。以榮祿爲工部右侍郎。三月癸巳。諭軍機大臣等。定安金順奏攻克通貴堡。擒獲首逆馬萬選。並辦理餘匪情形。

東華錄 卷一百一十一 同治十年

商務印書館印行

一摺。通貴堡大小兩寨。巢堅賊悍。日久負隅。經金順會同張曜督率官軍奮勇進剿。攻克巨巢。生擒首逆。惟敗逃餘匪。乘間竄入納家厓內。該處匪類納萬郭等。復以洗回之說。煽惑羣情。若遽行進兵。則已撫良回。勢必驚擾。適墮納萬郭等詭謀。金順見商張曜。飭令該處良回速將藏匿匪衆及頑梗不化之徒。勒限悉數驅出就戮。以免株連。所籌尙合機宜。即著該署將軍等妥爲辦理。如果有意窩藏。自外生成。即著金順會同張曜督兵進剿。毋令滋蔓。金順張曜所部攻堅破壘。勞瘁異常。俟甯夏一帶肅清。即可略予休息。以養兵力。該處有無零星回堡。需兵剿辦。並著定安金順查明具奏。丙申。諭軍機大臣等。岑毓英奏攻克激江府城。擒斬首要各逆。並克復江那土城各摺片。激江府城被賊占踞。十有餘年。此次經岑毓英督率各營員弁。奪據四面城濠。分投開挖道地。疊次環攻。於二月初一日。將激江府城攻克。生擒首逆馬利等正法。敗逃餘匪。搜殺殆盡。全境一律肅清。岑毓英督兵剿賊。親臨前敵。克奏膚功。實堪嘉尙。其在事出力文武員弁。即著劉嶽昭岑毓英查明保奏。至開化府屬之江那地方。久爲賊匪堅巢。經署總兵麟志等軍。先將探南脚側童二處攻克。斷其犄角。乘勝力拔江那。剿辦尙屬得手。即著劉嶽昭岑毓英檄飭張保和等。迅將田心茂克

賊巢一律攻拔。見在滇省東南各屬漸次底定。此後進兵機宜及如何規復大理之處。並著劉嶽昭峯毓英斟酌情形次第籌辦。戊申吏部以大學士倭仁瑞常應定何殿閣請得旨。倭仁著授爲文華殿大學士。瑞常著授爲文淵閣大學士。庚戌以四川官軍攻克雲南永北廳城出力。予副將鄧全勝等以總兵官簡放。賞土司安平康祖父父母二品封典。餘加銜升級有差。戊午諭軍機大臣等。李福泰奏剿除賓州貴縣賊巢等語。匪首廖八占踞賓州下周村地方。日久稽誅。經副將潘其泰等帶兵進剿。破其巢穴。該匪率黨逃出。旋經兵練擊斃客匪張平義等。分踞邊江縣之白鶴村。貴縣之松柏村。恃險負隅。亦經知府固魯鏗等督率兵勇分投圍攻。當將張平義等擒獲正法。兩村匪巢同時攻克。辦理尙爲妥協。惟潰逃餘匪難保不勾結黨與。復滋事端。李福泰督飭潯州府知府將貴縣土客各案認真清理。並分督兵勇搜捕餘黨。以清餘孽。前據蘇鳳文奏咨商馮子材於入關後挑留十二營撥赴南大鎮安思恩各府與原派之勇協力清除伏莽。仍著李福泰酌度情形督飭所屬文武實力籌辦。以期地方一律肅清。以甘肅克復狄道州城出力。賞副將李忠林等巴圖魯名號。餘加銜升級開復有差。夏四月庚申朔諭軍機大臣等。文煜等奏

東華錄要 卷一百二十一 同治十年

七

商務印書館印行

第六號輪船開上。第七號改造兵船情形一摺。另片奏船政大臣因病不能赴工。請旨遵行等語。閩省第六號輪船。見已購齊木料。尅日開工。即著照文煜等所擬。命名鎮海。至輪船之設。須礮位多而馬力大。方能利涉波濤。制勝較有把握。文煜等擬將第七號改造兵船。不爲無見。著即督飭在事人員。與日意格悉心講求。功歸實際。不得曠日持久。虛糜帑金。沈葆楨辦理船政。成效彰彰。見雖病未就痊。仍未可置身事外。著文煜等督飭夏獻綸等認真妥辦。並令該道等隨時稟商沈葆楨以昭慎重。沈葆楨俟服闋後。再行赴工。督率經理。丙寅諭軍機大臣等。劉峴奏援黔官軍疊破苗寨。進規凱里一摺。苗匪盤踞高坡雞擺尾等處。經席寶田派軍進剿。先將南瓦台盤兩寨攻克。逆酋金大五撲犯鎮安。當經擊退。旋將馬坡雞擺尾一帶賊寨剿平。其靈谷隴賊巢。亦一律掃除。辦理尙屬得手。所有此次出力人員。著准其附入克復台拱案內。彙請獎敘。席寶田見撥派兵會剿加巴牛場。並分軍擇要駐紮。通清江台拱之氣。扼丹江古州之要。自率大軍由排羊排雜前進。著劉峴飭令乘此聲威。力圖進取。務將丹江以東賊寨悉數蕩平。由凱里等處節節進剿。以期戡定苗疆。添設江蘇堰圩同知。駐長隄。改揚州府總捕同知爲河務同知。以湖南官軍收復貴州

新城慶門司等城出力。賞總兵官席啓昭于高勝正一品封典。餘加銜升敘有差。以湖南官軍收復貴州鎮遠施秉等城出力。賞提督曹復勝等三代一品封典。餘加銜升敘有差。甲戌。署廣西巡撫廣東巡撫李福泰卒。予祭葬。以劉長佑爲廣東巡撫。未到任前。仍以兩廣總督瑞麟兼署。以康國器暫護廣西巡撫。庚辰。諭軍機大臣等。劉嶽昭罕毓英奏剿退川省蠻匪。疏通關井餉道。見飭籌辦江防一摺。四川蠻匪自夔踞求雨堡後。分竄雲南之大關永善各地方。阻塞關井餉道。經劉嶽昭等飭令總兵李家福等。派副將劉奇義遊擊曹世貴各軍。分赴大關永善迎擊。斬賊甚夥。大關之賊。退竄筠連宜賓邊境。川軍迎頭截擊。復經滇軍尾追殲滅殆盡。永善官軍攻克求雨堡。並復蔣家沱等處碉卡。境內肅清。餉道均已疏通。剿辦尙屬得手。惟蠻性出沒無定。亟應整頓江防。以杜回竄。著劉嶽昭罕毓英督飭李家福等嚴飭沿江文武。修築碉卡。置備戰具。並檄劉奇義率勇嚴扼隘口。會同原設兵練。實力梭巡。見在滇省東南各屬次第底定。迤西大理一帶。賊勢如何。亟宜乘機規復。應由何路進兵之處。並著該督撫悉心妥籌辦理。迅速具奏。辛巳。諭內閣。大學士倭仁學術純正。志慮忠誠。受先朝知遇之隆。由翰林洊躋卿貳。特恩命直上書房。

東華錄要

卷一百一十一

同治十年

八

商務印書館印行

旋授盛京侍郎。均能恪恭盡職。朕御極之初。蒙兩宮皇太后簡用者。擢任正卿。旋晉綸扉。並命在弘德殿授讀。朝夕納誨。於茲十年。深資啓沃。前因患病。屢請開缺。疊經賞假。並賞給人蔭。以資調攝。遽聞溘逝。悼惜良深。披覽遺章。於修齊治平之道。敷陳剴切。語不及私。閱之尤深悽愴。著賞給陀羅經被。派員勒奕。勅帶領侍衛十員。卽日前往奠醊。加恩晉贈太保。照大學士例賜卹。入祀賢良祠。任內一切處分。悉予開復。應得卹典。該衙門察例具奏。伊子廣東候補同知福綸。著俟服闋後。以同知留於該省卽補。理藩院員外郎福裕。著俟服闋後。以該衙門郎中補用。伊孫戶部候補員外郎衡峻。著以本部員外郎卽補。衡瑞著賞給舉人。准其一體會試。衡齡著賞給主事。衡珊著賞給內閣中書。用示篤念耆臣至意。尋予祭葬。諡文端。甲申。賜梁耀樞三百二十三人進士及第出身有差。五月乙未。諭軍機大臣等。據左宗棠奏請禁絕回民新教。自爲思患豫防起見。惟回民散居各省。同隸編氓。各安生業。若因區別舊教新教。設爲厲禁。地方官稍不加察。書吏藉此搜求騷擾。必致回衆驚疑。轉生枝節。從前乾隆四十九年回逆田五等滋事以後。欽奉高宗純皇帝聖諭查辦此事。止當分別從逆與否邪正之殊。不必論其教之新舊。欽此。嗣於乾隆五十四年。

經勒保奏稱新教爲回教之大害。擬令靜甯等處頭人訪察稟首。復奉 聖諭。令其設法化導。不可區別新舊之名。仰見 垂訓周詳。具有深意。此次馬化澂倡亂。及身既被判誅。徒黨亦遭殲戮。正可借此剴切曉諭。俾該回衆等及早改悔。不至誤入迷途。自陷罪戾。該督見既出示所屬州縣。禁習新教。並准自悔免罪。仍著嚴飭該地方官妥爲開導。不可操之過盛。致激事端。丙申 諭軍機大臣等。馮子材康國器奏剿辦邊境土匪。克復越南木馬省城。暨籌議剿撫機宜各摺片。馮子材籌辦越南踞匪。督兵前進。取道南甯。先將宣化隆安股匪次第剿除。肅清內地伏莽。鎮安官軍會同夷兵平毀大嶺茶嶺等處賊巢。攻克木馬省城。剿辦尙爲得手。該提督見已派撥兩營駐守。並查照越南派兵。嚴防要隘。免蹈上年覆轍。又爲賊踞。卽著馮子材督兵迅赴龍州。就近察看情形。妥籌剿撫。宣化隆安餘匪。並著馮子材康國器嚴飭地方文武認真搜捕。此次出力員弁。准其擇尤保獎。蘇軾漢就撫後。仍復觀望懷疑。越南近又有股匪千數起。猶須懼以兵力。馮子材等擬俟各軍到防後。約會該國先將邊界各匪分別剿撫。卽分軍扼要駐紮。隨時相機應援。所籌尙是。惟當實力協助。不可稍分畛域。應否添募營勇之處。著卽酌度辦理。至慶泗等府屬境屢有黔苗竄擾。尤

東華錄摺要

卷一百二十一 同治十年

九

商務印書館印行

當加意嚴防。著馮子材康國器迅飭孔憲隆潘其泰越境進兵。協同黔軍掃除獨山荔波各匪。進規古州。擣其巢穴。免致侵軼爲患。平樂密邇省城。該處有匪徒搶掠。富川恭城等處。亦有江華匪股竄入。雖均經兵勇分頭搜剿。擒獲匪首多名。尙恐外來匪徒。勾通內匪滋事。著康國器飭令曾協均迅將敗匪就地殄除。毋任逃匿。江華富川交界處所。卽著責成陳培桂約同楚軍實力搜拏。毋令餘匪乘間竄突。以固疆圉。戊戌 諭曾璧光奏。剿平下游股匪。收復八寨等城一摺。貴定平越等處賊股。既經殲除。都勻所屬平浪各賊巢。亦已攻破。惟逆首李巖腐逃往桃花五寨未獲。其定番李高脚一股。經副將何世華等擊敗。由廣西一路奔竄。李逆亦未就擒。仍著嚴飭派出各軍。分投追剿。務將著名首逆。設法擒獲。以絕根株。昨據康國器馮子材奏見。令副將孔憲隆潘其泰協同黔軍剿辦獨山荔波苗匪。此時李高脚一股竄往粵境。人數已屬無多。著馮子材康國器卽飭孔憲隆等會合黔軍。前截後追。迅將此股殘匪悉數殄除。以清邊患。苗酋聞國興等率衆投誠。收復八寨上江下江三脚各城。曾璧光見令率領原部駐守八寨。並調劉廷玉一軍。前往鈴東。仍著隨時察看情形。妥籌布置。一面趁此聲威。飭令王彥等軍由平口一帶進兵。兼爲八寨聲援。次第由都

勻麻哈各路節節進剿。早靖苗疆。辛丑。諭軍機大臣等。劉岷奏會匪闖入益陽龍陽兩城。旋即克復。見在跟蹤追剿一摺。此次會匪滋事。疊陷益陽龍陽兩城。雖經羅德煥姚華武等軍進剿獲勝。擒斬多名。將兩城先後收復。惟倡亂逆首。尚未被擒。餘匪復四散潛匿。必須實力搜捕。淨絕根株。著劉岷督飭李光燦等統帶兵勇。認真搜擊。務將劉道美劉貫三何春台等全行弋獲。不准一名漏網。其竄逃餘孽。並飭水陸各軍。嚴防竄路。四路兜擊。郭伯蔭前已商令郭松林督兵駐紮荆州。見雖兩城已復。而伏莽未淨。仍恐勾結竄突。李瀚章郭伯蔭總當與郭松林隨時咨商。嚴密巡防。毋稍鬆懈。壬寅。諭軍機大臣等。定安金順奏甯夏西岸三縣回匪剿辦完竣。請將道員汪景度簡用。定安奏西來回匪滋擾烏喇特旗界內。金順奏請將管站各員獎勵各摺片。納家屬賊巢。業經攻克。甯夏甯朔平羅一律肅清。其投出回民。業經定安金順分起發交地方官安置。靈州逃來之回。亦解交該州收管。著左宗棠張曜仍隨時密爲查察。妥爲鎮撫。毋令再滋事端。金順見應前赴烏里雅蘇台將軍新任。甯夏一帶。如尚有潛匿餘匪。著張曜統率各營。認真搜捕。陝回尙有老弱男婦五百十五名口。應否解至平涼安插。校左宗棠會商金順張曜。妥籌辦理。甯夏軍事見已完

東華錄彙要 卷一百一十一 同治十年

十

商務印書館印行

竣。金順張曜所部兵勇。應如何分別撤留。或包頭纏金一帶。有須添兵防剿之處。著定安金順張曜悉心會商。妥速籌辦。阿拉善鄂爾多斯等旗。並殺虎口等處管站各員。接遞文報。尙無貽誤。著定安查明擇尤請獎。道員汪景度已交軍機處存記。密片一件留中。西來回匪。由阿畢爾米特旗竄至白任濠查及古爾班賽坎一帶。分路搶劫。嗣有賊匪三百餘人。竄入烏喇特中公旗境內。在庫克鄂爾濟巴克那等處擄掠。續又在中公所屬之洪庫勒塔拉民屯盤踞。烏喇特旗在黃河之北。直達歸綏。無險可恃。亟應派兵兜剿。薩薩布帶隊前進。計正與賊相遇。著定安飛催該副都統親督全軍。星速進行。迎頭截擊。迅掃逆氛。並催直字營馬隊迅赴包頭之西。一面分飭駐紮纏金之卓勝營。暨大同鎮總兵馬陞。各派勁旅。由東南面節節兜剿。毋任紛竄。杜嘎爾務當偵賊所向。躡蹤追剿。與薩薩布等軍前後夾攻。爲一鼓聚殲之計。其餘各股見竄何處。著定安杜嘎爾確切查明。認真剿辦。烏城軍情緊要。非有知兵大員前往。不足以資調度。金順諳練戎機。戰功卓著。著即迅速啓程前往。妥籌防剿。以副委任。土爾扈特汗布彥鄂勒哲依圖有赴杜嘎爾軍營之說。該副都統與該汗是否素識。曾否前來謁見。來見時如何情形。著杜嘎爾即行據實奏聞。乙巳。殿兆鏞回籍

葬親。轉溫葆深爲禮部左侍郎。以邵亨豫爲禮部右侍郎。丙午。諭軍機大臣等。劉峴奏援黔各軍連拔賊寨。克復丹江凱里各城一摺。席寶田等軍攻拔排羊等一百餘寨。丹江凱里兩城。先後克復。則辦尙屬得手。見在丹江凱里一帶苗寨。雖已掃蕩。而逆首金大五包大肚均未擒獲。張臭迷等復集潰黨。盤踞雷公山。若不乘其喘息未定。迅速進剿。必致勾結黨與。復肆蔓延。席寶田見旣回軍施洞。著劉峴飭令趁此瘴癘未作。會合戈鑑剋日進兵。迅將雷公山賊巢攻拔。並將逆酋張臭迷等設法擒獲。毋任漏網。其甥蟹等境。亦當次第規復。以期早靖苗疆。八寨上江下江三脚各城。已據曾璧光等奏報收復。刻下軍事正在得手。著曾璧光迅飭各軍。由都勻麻哈各路節節進剿。聯絡楚師。掃除餘孽。以克復貴州丹江凱里二城。並攻拔排羊等處賊寨。記名布政使席寶田。得旨嘉獎。賞提督蘇元春黃馬褂。餘陞敘有差。予陣亡總兵官陳顯祥等十六員。祭葬世職加等。己酉。諭左宗棠穆圖善奏南路各軍剿賊獲勝。即左宗棠穆圖善。督飭各軍。實力防剿。務將殘匪。搜捕淨盡。毋使賊氛再有紛竄。以固南路邊防。左宗棠另片奏遵覆河州等處軍情。並進規河州。一時未能進取各情形。覽奏均悉。軍營探報。遠近不一。傳聞容有異詞。朝廷旣有所聞。即不

能置之不問。該大臣惟當仰體朝廷西顧之殷。將進兵機宜。悉心籌畫。並激勵將士。殺敵致果。迅奏膚功。用副委任。辛亥。諭軍機大臣等。李鴻章奏日本使臣將抵天津。請派大臣在津會議立約一摺。已另有諭旨。派李鴻章爲全權大臣。並派應寶時陳欽隨同幫辦矣。該大臣俟日本使臣到津後。務當督飭應寶時陳欽。悉心籌畫。杜漸防微。總期周密妥善。免致將來窒礙。是爲至要。本日簡派全權大臣諭旨一道。一併發往。如該使素有憑據。即著李鴻章另行恭錄。給予閱看。俟議約事畢。此旨仍繳還軍機處備查。癸丑。諭軍機大臣等。都興阿等奏查勘鳳巖二邊門外地段完竣。並擬畫留界限情形。繪圖呈覽一摺。鳳巖二邊地段。經都興阿等督飭協領崇善等分段查勘。北自驪陽門屬之八里甸子等處起。東至兩江匯口。轉向西南至海沿江有漏河一道。下至廟爾嶺。直至貢道北老邊牆處。接續貢道南烏津飛大孤頂子等岡。斜向西南至舊邊柵小黑山止。均擬酌展爲邊。即著照所議辦理。其貢道三角一隅之地。雖據該協領等請仍舊制。毋庸繩丈。惟大東溝一帶江海相連。時有匪徒叢聚。都興阿等務當嚴飭鳳凰城守尉等詳細查明。相機妥辦。至畫留界限。藉資間隔。原以內撫游民。外綏藩服。今則沃壤膏田。私墾已徧。遷移不易。安插亦難。殊

於邊境大有關繫。郝興阿等務當詳度情事。先事豫籌。於查辦驗廠吐清邊地完竣。設法圖維。據實奏明辦理。所有應留封禁之地。並著該將官等斟酌機宜。隨時妥辦。以昭慎重。所呈地圖。即著留中。胡肇智以病免。調胡家玉爲吏部左侍郎。轉黃倬爲兵部左侍郎。調鮑淵深爲兵部右侍郎。轉董華爲工部左侍郎。以錢寶康爲工部右侍郎。乙卯。調瑞麟爲盛京戶部侍郎。以銘安爲盛京刑部侍郎。己未。諭劉嶽昭峯毓英奏官軍攻克賓居賊巢。收復雲龍州城。並茂克賊巢。收拔情形各摺片。賓州所屬賓居賊巢。盤踞日久。經楊玉科等先後督軍進剿。力攻一年有餘。克拔堅巢。賓川州境肅清。雲龍州賊目趙炳南具稟投誠。州城亦已收復。該處軍務。既經得手。大理賊勢。自更窮蹙。惟雲南縣踞賊負隅未下。彌度地方。又有賊擾。著劉嶽昭峯毓英飭令李維述等實力進剿。迅克雲南縣城。並將彌度一帶竄賊。悉數掃蕩。毋得延緩。此次攻克賓居賊巢。及收復雲龍州城。在事出力員弁。准其查明併案請獎。其茂克賊巢。既經收拔。開化府屬已就肅清。仍著飭令張保和等乘此聲威。速將田心等處賊巢。次第攻克。以期一律肅清。六月壬戌。諭軍機大臣等。劉峴奏益陽等處會匪一律剿除一摺。據奏道員李光燦等由桃花江進剿舒塘等處。匪徒殲盡。無遺。益陽龍陽交界資江南北兩岸一律肅清。惟所稱查探著名首逆。多死於陣。語涉含糊。究竟劉道美劉貫三何春台等首逆。曾否殲斃。有無實據。抑尙在逃未獲。該犯等係起事首惡。斷不准任令漏網。著劉峴派幹員。並飭所屬地方官嚴密躡緝。務須悉數弋獲。其從逆之犯。亦當搜捕淨盡。以絕根株。該撫見將派出各軍分別撤回。酌留李光燦兩營。擇要扼紮。並派員會辦益陽等處團防。仍著飭令該員等認真防範。以遏亂萌。湖南會匪連年滋事。雖立時撲滅。而閩閩已被其害。劉峴身任封疆。當時時以緝匪安良爲念。妥爲籌辦。不得因循粉飾。致負委任。所有此次李光燦等軍剿匪出力。著准其暫行存記。俟清查完竣。酌量保奏。甲戌。諭軍機大臣等。劉峴奏剿除雷公山踞逆掃蕩附山各寨一摺。湖南援黔官軍。自攻克丹江凱里後。乘勝進取。連克南刀大塘塘洞各賊巢。徑趨雷公山。立平雷公坪。並克九眼塘燕子窠等寨。直登山頂。縱橫盪決。殲賊千數百名。雷公山境肅清。惟逆首張臭。逃率賊數百竄逸。該逆糧盡黨散。勢已窮蹙。著劉峴飭令席寶田督率將弁。乘隙追捕。迅速弋獲。以除巨患。並派隊由螃蟹等處轉戰而前。廓清大道。俾無梗阻。貴州各軍。已將上下江收復。調隊進次都勻麻哈之間。楚軍相距不遠。著曾璧光周達武檄催派出將領。

會合楚軍。迅將逆苗次第殲除。以靖黔疆。此次在事出力人員。著劉峴暫行存記。俟苗疆肅清。再行彙請獎勵。乙亥。諭軍機大臣等。楊昌濬奏查辦嚴州齋匪情形。一摺。浙江衢嚴二府。界連江閩。時有齋匪潮述。本年四月間。壽昌縣地方謠傳外來匪徒。暗中勾結滋事。經該縣督團緝獲徐保漢包繕幅二名。五月初八夜間。復有匪徒突入嚴州府城。即經該處文武派兵擊剿。擒斬多名。立將城內餘匪及城外匪黨搜捕。訊據賊供。此股匪徒。係江西鉛山縣人李懷東起意。劫犯搶掠。首先進城。已被陣斬。其逃散之匪。亦經先後擊獲。並訪獲積年齋匪頭目周嗣良。即朱葛亮等。地方一律肅清。辦理尙爲迅速。嚴州府屬文武各員。本有應得處分。姑念事起倉猝。登時撲滅。功過尙足相抵。著免其置議。其奮勇剿賊受傷之副將黃中理。著交部從優議敘。齋匪出沒靡常。實爲地方之害。楊昌濬仍當檄飭派出各員。會同各該地方官督率團練。隨時稽查。此股人數究有若干。窩聚究在何處。江西福建與浙江毗連處所。尤易藏奸。著文煜王凱泰劉坤一楊昌濬。一體飭屬確查。悉數兜拏。毋任匪黨藏匿。鉛山等處匪徒。疊經諭令劉坤一督率所屬。實力搜捕。該撫務當懷遵前旨。飭令所屬各員。認真辦理。務將該匪黨與訪拏淨盡。以絕根株。諭李瀚章郭柏陸奏拏獲

東華錄

卷一百一十一

同治十年

十三
商務印書館印行

穀城縣謀逆匪徒。並湘省龍益匪黨肅清等語。湖北穀城縣匪徒葉子午等。商同逸犯蔡浚漢招集河南夥黨。約期滋事。後經該縣知縣宋熙曾訪獲。並起出謀逆書信等件。著李瀚章等飭令審明後。即將各犯就地正法。並勒限緝拏逸犯蔡浚漢等。務獲淨盡嚴辦。該逆既有招集河南夥黨滋事之語。著李瀚章等知照李鶴年飭屬訪查。如有匪徒潛謀勾結。即行嚴拏懲治。郭松林見回襄陽。著知照該提督將各軍扼要駐紮。妥爲彈壓。湖南龍益滋事會匪。雖經剿散。伏莽尙多。該督撫務當督飭各該州縣力行保甲。認真稽察。以期消息無形。不得以見已撲滅。稍形疏懈。匪首劉道美劉貫三何春台等。曾否殲斃。著劉峴懷遵前旨。嚴密躡緝。斷不准任令漏網。命瑞麟爲大學士。仍留兩廣總督任。戊寅。吏部左侍郎胡肇智。予祭葬。己卯。調劉長佑爲廣西巡撫。以張兆棟爲廣東巡撫。蘇鳳文爲漕運總督。壬午。以常恩爲刑部右侍郎。丁亥。今上皇帝生。秋七月。己丑朔。諭馮子材康國器奏撥隊出關。剿賊獲勝。見籌辦理情形一摺。馮子材督軍馳抵龍州。一聞越南匪勢猖獗。即撥隊出關。分道進剿。攻克長慶府城。擒斬逆首趙雄才。擄平賊巢十餘處。禿山和樂賊巢。亦一律掃除。疏通北甯諒山餉道。剿辦甚爲得手。惟越南未能截擊。致鄧建新等

敗匪竄向太原。其蘇欄漢曾亞治等股復盤踞東湖縣一帶。句結竄擾。均屬可虞。馮子材康國器見已留營長慶等處。遙爲聲援。並調兵堵剿搜捕。所籌尙是。我兵見在雖未便窮追。仍當相機援應。屆時可以進兵。即當協力夾擊。將各股敗匪盡數剿除。以綏藩服。匪徒如此猖獗。越南何以毫無布置。任其奔竄。著即照該國嚴密堵禦。毋令該匪闖入腹地。馮子材尤當嚴飭出關將士及留防兵丁。不可稍有擾累。並隨時與該國官吏聯絡聲勢。庶彼此情意相洽。方易奏功。東潮近接欽州。恐爲廣東邊患。著瑞麟檄飭洋面師船及該地方文武一體嚴防。毋令蘇欄漢等股潛入滋擾。此次剿賊出力員弁。准其擇尤保獎。黔省四寨敗竄苗匪。業經粵軍會合黔軍擊退。李高脚一股。已敗遁丹江都勻交界之小五戎地方。著康國器飭令孔憲隆督軍嚴防邊隘。搜捕餘匪。儻再有匪黨竄入粵邊。即著併力截擊。以固疆圉。黔省下游漸次肅清。正籌及上游軍務。著曾璧光酌度機宜。知照馮子材等撥兵助剿。劉長佑抵任後。即著與馮子材和衷商辦。以資得力。疊次剿辦苗匪出力員弁。著准其擇尤保獎。壬辰。吏部以大學士瑞常瑞麟應定何殿閣請得。旨瑞常著授爲文華殿大學士。瑞麟著授爲文淵閣大學士。丁酉。諭軍機大臣等。李鴻章奏日本議約漸有端

倪。並將往返信函鈔錄呈覽一摺。日本與中土最近。又自託於同文之國。見在議立修好條規。通商章程。自不必沿襲泰西各國舊套。該督督飭應寶時陳欽與該使臣反復辯論。大致均已允服遵照。惟章程內請添凡兩國准予別國優恩及有裁革事件。無不酌照施准一條。仍是一體均霑之意。應寶時等覆該使臣信函。頗足折服其心。即著李鴻章飭令應寶時等力持定見。悉心開導。總期妥爲酌定。以示區別。而杜弊端。並將辦理情形。隨時具奏。壬寅。以涂宗瀛爲湖南按察使。乙巳。諭軍機大臣等。總理各國事務衙門奏俄國西悉畢爾地方官。由銅綫致該國駐京使臣信函。內稱七河省巡撫廓派兵前往伊犁。與達蘭察接仗獲勝。五月十七日。克復伊犁城池。生擒頭目。該國由銅綫寄信。詞意簡略。並無詳細情節。亟應先事豫籌等語。伊犁久爲賊踞。因關內未靖。兵力兼顧不遑。今俄國業已帶兵將該城收復。此事關係甚重。亟應豫爲籌畫。以弭釁端。著金順奎昌多布沁札木楚瑛榮文碩確切查明俄國官兵進紮伊犁。是否確實。烏科兩城距伊犁程途若干。是否須由塔爾巴哈台前進。沿途有無賊蹤。迅速具奏。榮全本署伊犁將軍。責無旁貸。該署將軍曾任伊犁領隊大臣。嗣復親往俄界辦理一切事件。頗屬勇往。且於該處情形。又極熟悉。著即飭

赴伊犁。晤俄國帶兵官七河省巡撫廓後。將伊犁城收回。妥籌布置。中國有人前往經理。庶俄人無所藉口。其應如何派兵前往駐守及由何路設法轉運糧餉。並著榮全會商金順奎昌多布沁札木楚瑛榮文碩迅速具奏。聞俄國並欲派兵由伊犁收復烏魯木齊。文麟等前奏烏城逆回投順。安集延逆首馬仲邁稟乞撫。擬設法羈縻。令該帕夏投誠交城。至令馬仲安得璘等赴哈派孔才赴西路相機收復。奇古濟木薩等語。見在如何籌辦。已否就緒。若能將烏魯木齊先行收復。免致又費周折。景廉久在西疆。於各該處事務熟悉。即著酌帶兵勇。規復烏魯木齊。事機緊迫。該辦事大臣等。務當綢繆未雨。先事圖功。哈密防守緊要。即責成文麟悉心籌畫。巴里坤距烏魯木齊不遠。景廉到彼後。伊勒屯務。當與之聯絡聲勢。以顧大局。所有榮全景廉所部餉需。著戶部迅撥有著之款。以資接濟。戊申。諭軍機大臣等。雷正綰等軍追捕西北逸賊。擒斬賊目李汝虎等多名。楊世俊所部截剿秦州剿回。並在渭源所屬汪家衝擊賊獲勝。將回日劉洪等陣斬。其分竄岷州之賊。亦經張仲春等督兵截擊。擒斬頗多。至階州縉匪。亦經該處員弁率隊進攻。破其卡壘。殲斃悍匪數十名。即著左宗棠嚴飭在事各軍。認真搜剿。並將在逃首逆狗齒牙馬彥濂及縉匪史學虎等

悉數擒獲。淨絕根株。左宗棠進規河州。見令雷正綰撥馬步九營。魏光燾撥步隊五營。分紮固原南北各路。以資雕剿。而護餉道。令徐文秀駐會甯。劉明燈駐安定。該督自率親兵進駐靜甯。所籌均尙周密。即著於行抵靜甯後。馳赴安定狄道一帶。察看情形。督率諸軍分道速進。擒渠掃穴。迅奏膚功。以慰屢繫。以蒯賀蓀爲浙江按察使。已酉賞榮全赴伊犁治裝銀二萬兩。並頒裕銀三萬兩。爲犒賞俄兵之用。乙卯。鄭敦謹以病免。以龐鍾璫爲刑部尙書。李鴻藻爲左都御史。調鮑源深爲戶部右侍郎。以夏同善爲兵部右侍郎。戊午。諭軍機大臣等。曾壁光奏官軍擒斬首逆疊克堅巢。都勻漸次廓清。一摺。貴州官軍。自剿賊竄匪李高脚後。總兵何世華等復將都勻積年巨匪柳添沈殲斃。乘勝掃蕩。勻那西北賊壘。立解城圍。轉戰東路。馳剿東南。踏平楓香搖家斑竹園等處村寨。擒斬甚多。招降乞撫者。不計其數。見在都勻四面漸次廓清。即著飭令各軍。將敗殘餘匪。悉數殲除。一面慎選賢能守令。辦理善後。務將招降各寨。妥爲彈壓安撫。毋令再生事端。楚軍見由甥蟹等處進剿。與黔軍相距不遠。該撫等即飭將士會合楚軍。節節兜擊。李高脚受傷逃遁。並著飭令帶兵各員及地方文武一體躡擊務獲。毋令漏網。入月。己未朔。諭軍機大臣等。左宗

棠穆圖善豫師奏碾伯剿匪獲勝。南川被匪竄擾。左宗棠穆圖善奏堵擊西甯賊匪各摺片。陝匪崔三等竄擾碾伯之勝香溝等處。並撲碾城。經官軍連日進剿。將賊擊退。平戎一帶肅清。剿辦尙爲得手。在事尤爲出力各員。著左宗棠穆圖善豫師嚴飭各軍。探明賊蹤。合力搜捕。務絕根株。逆首崔三。是否實係擊斃。該大臣等確查具奏。西甯竄匪四出竄擾。窯洞等處。雖疊經擒斬。匪勢仍屬蔓延。左宗棠等務飭派出官軍。分投剿辦。迅掃逆氛。並檄飭總兵黃武賢嚴密布置。務將威遠一帶完善之地。妥籌保全。至金縣平番及省城附近各隘。著穆圖善飭令帶兵將弁。實力巡防。毋稍大意。成祿在肅州收撫。陝回潰叛東下。甘涼二府戒嚴。著左宗棠穆圖善即飭王仁和等加意防剿。如兵力尙屬不敷。著左宗棠酌量撥兵策應。西甯南川一帶村莊。時被賊匪焚掠。豫師以兵力難分。已函商左宗棠撥軍助剿。即著該大臣酌撥得力隊伍。前往協助。豫師即飭練總張煥奎先行派隊救援。以資保衛。甯靈一帶雖經肅清。惟聞甘涼回匪句結西甯漢回。屢擾平番古浪等處。日久無可掠食。或由古浪之大靖土門。越中衛而出邊。或由鎮番竄出邊外。肅州之回。亦時由金塔寺出邊竄擾。若不豫籌堵截。恐各匪紛紛七竄。必致滋蔓難圖。刻下大軍進規河州。若以一軍分紮鎮

番金塔寺等處。斷賊出邊之路。以一軍駐紮平番。扼西甯賊匪出竄。兼護秦旺川糧道。俾大兵專力河州。免至牽掣。似於局勢較爲周密。著左宗棠酌量情形。妥籌辦理。

丙寅。諭軍機大臣等。新疆軍務。朝廷本欲俟甘省大定。次第籌辦。此時既有俄人代爲收復伊犁之事。勢難置爲緩圖。惟關外事機緊迫。劉銘傳須俟病痊。再行拔隊前進。尙恐緩不濟急。朝廷正深焦灼。茲據左宗棠覆奏。邊提督徐占彪所部十二營。由靖遠取道蘭州。前赴肅州。實能力顧大局。該軍既堪當一路之寄。著即飭令迅速前進。不得因有劉銘傳屯紮肅州之旨。稍涉遷延。一面咨催成祿。先行部署。一俟徐占彪到後。即令成祿拔隊出關。並將啓程日期奏聞。肅州防剿事宜。即責成徐占彪妥爲籌辦。將來劉銘傳到肅後。亦可商同布置。成祿見在出關。糧餉最關緊要。該軍雖有專撥之餉。深慮各省未能如期解到。左宗棠亦當代爲籌畫。隨時接濟。本年正月間。據李昌等奏稱。綏來等處民團可用。當諭左宗棠或派員出關。或飭口外鎮道妥籌安撫。該大臣究竟如何籌辦。儘所派之員。因道路梗阻。未能西行。即可隨同徐占彪大隊赴肅。並與成祿一同出關。將該處民人加意撫綏。務使各團樂爲我用。以收指臂之效。辛未。丁寶楨奏整頓山東水師事宜。從之。丙子。總理各國事

務衙門奏。日本國使臣議約事竣。來京呈貢方物。得旨。該國所呈方物。著留中。其另餽土儀一分。卽著恭親王收受。庚辰。命蘇廷魁來京。以喬松年爲河東河道總督。辛巳。調邵亨豫爲倉場侍郎。以胡瑞瀾爲禮部右侍郎。丙戌。諭軍機大臣等。李昌等奏。俄取伊犁。遵旨籌辦情形。請飭杜嘎爾赴翁音河一帶剿賊。定安奏。另股賊匪。復犯草地。派隊迎剿。薩薩布因病請假。張廷岳等奏。請派兵擊賊。並催古北口官兵暨購備鐵學各摺片。俄人代復伊犁。仍令滿漢察哈爾官員辦事。亟須大員前往經理。著榮全仍遵疊次諭旨。與奎昌多布沁札木楚會商部署啓程。榮全擬由杜嘎爾軍營抽調黑龍江頭起三起官兵五百名。交吉爾洪額統帶。吉林官兵五百名。交訥蘇肯統帶。配齊軍火器械。並將奪獲賊中駝隻。選擇膂壯者五百隻。兼程前進。限九月內到烏。並擬將在綏防剿之薩薩布所帶吉林黑龍江馬隊一千二百餘名。調至杜嘎爾營中。以補其數。見在杜嘎爾剿賊亦屬喫緊之際。該副都統能否令吉爾洪額訥蘇肯帶領馬隊赴伊。抑或另行派員統帶前往。著榮全與杜嘎爾悉心商酌。妥籌調派。聞索倫官兵見駐葦塘子地方。榮全卽可就近帶往。以壯聲威。杜嘎爾無論如何爲難。總須抽調官兵。撥交榮全帶赴伊城。不得因榮全尙有索倫官兵

可撥。遽存推諉。榮全擬帶官兵一千餘名。裹糧三箇月。約需二十萬斤。請飭由口北道歸綏道另籌款項。各先辦糧十萬斤。由臺站解赴烏城。卽著李鴻章何璟飭令各該道如數籌辦。由綏遠城張家口分道運解。並著定安慶春趕緊催提。設法趲運。以濟要需。所請添調吉林黑龍江馬隊二千名之處。該處官兵。年來徵調不少。已諭該將軍等先行挑齊。候旨備調。奎昌等所稱迤西約十數站。應設糧臺之處。著奕瑛文碩與奎昌等妥籌辦理。定安所奏賊匪竄入阿畢爾米特旗。遊牧諾彥山等處。與奎昌張廷岳等奏報。大略相同。該將軍已令侍衛永德督帶馬隊。由濟斯洪果爾馳赴烏喇特旗。會合杜嘎爾所派之兵進剿。此項官兵。本應由薩薩布統帶西進。見在杜嘎爾所部馬隊。既須撥赴伊犁。薩薩布一軍。尤當速赴杜嘎爾營中合隊。以資厚集。薩薩布病尙未愈。著定安飭令迅速調理就痊。剋日啓程。一面檄令永德先行帶隊進發。探蹤截剿。杜嘎爾前奏賊匪並不甚多。而本日奎昌等奏賊中逃出蒙古人。供稱賊約二萬。分起向西撲犯。於七月二十七日已到巴彥察罕山。逼近翁音河。又據張廷岳等奏。賊於八月初間。竄至巴勒達爾多濟爾旗界內。向東北竄擾。賊衆約六七千人。欲犯庫倫。賊蹤已至翁吉河哲林等處。各等語。賊數究有若干。見在究竄何

處。共有幾股。著杜嘎爾偵探明確。賊勢趨重何路。卽行迎頭攔擊。並著奎昌等督飭派出蒙古官兵。速赴哈爾尼敦等處。與達爾濟一軍合力堵擊。張廷岳等亦當飭令伯克瓦齊爾統率所部。實力嚴防。以遏奔突。庫倫軍情喫緊。著李鴻章迅催都司賈吉齡統帶古北口練軍。星速前進。並著慶春嚴飭各臺。妥速應付。駝隻俾得早日到防。張廷岳等奏口外駝馬疲乏。皆由不用鐵掌所致。著定安慶春於綏遠城張家口兩處。將鐵掌寬爲籌備。一面咨照各路統兵大員。需用若干。隨時領取。以利馳逐。九月。辛卯。提督馬德昭軍潰擾潼關。旋剿平之。德昭下部嚴議。甲午。命英桂留京。以張之萬爲閩浙總督。調何璟爲江蘇巡撫。以鮑源深爲山西巡撫。乙未。調溫葆深爲戶部右侍郎。黃倬爲禮部左侍郎。胡瑞瀾爲兵部左侍郎。以徐桐爲禮部右侍郎。丁酉。諭軍機大臣等。左宗棠由靜甯會甯馳抵安定。察看地勢賊情。知安定爲賊蹤出沒之衝途。而康家巖又賊蹤必由之津要。督飭徐文秀劉明燈各軍。分路進剿。疊有擒斬。乘勝合圍。將康家巖莊堡全行攻拔。殲斃賊匪二千數百名。陣斃賊首馬爾和哈然麻。官軍卽分據康家新巖等處立營。以扼衝要。見值秋深水退之時。左宗棠務當飭令前敵各營。迅架浮橋。渡過洮河。節節攻剿。迅奏膚功。穆圖善與

左宗棠籌商一切。意見相同。見已由安定旋省。卽著將省城防守事宜。妥爲布置。左宗棠請催各省協餉一摺。已諭令各該督撫迅速籌解矣。甲辰。諭總理各國事務衙門奏。奧斯馬加國換約屆期。請派員互換一摺。奧斯馬加國前立條約。聲明一年更換。見據該國使臣嘉理治呈遞照會。內稱卽日赴滬。候辦換約等語。著派恩錫將同治八年與奧國所立條約。妥爲互換。其條約各本。俟李鴻章派員齎送至江蘇時。卽著恩錫祇領。屆期前往上海辦理。恩錫於換約一事。向未經手。著曾國藩添派熟悉洋務大員。幫同辦理。以期妥協。本日諭旨一道。一併發往。如該使索看憑據。卽著恩錫另行恭錄。給予閱看。俟換約事畢。此旨仍繳還軍機處備查。

穆宗毅皇帝

同治十年冬十月戊午朔

命曹克忠接統劉銘傳軍赴肅州防剿

壬戌賜丁錦堂

等九十二人武進士及第出身有差

乙丑

命劉崑開缺另候簡用以王文韶署

湖南巡撫吳元炳署湖南布政使

己巳予山東軍營病故提督王心安祭葬卹廕

加等諡果毅丙子

諭金順簡汰兵勇迅赴烏里雅蘇台將軍任丁丑添設吉林三姓佐領一驍騎校二領催前鋒各五名披甲一百二十五名裁西丹三百名

庚辰丁寶楨因病賞假以文彬署山東巡撫

辛巳張之萬開缺養親仍以文煜兼署閩浙總督

癸未

諭內閣伊犁自同治五年失守逆回盤踞淪陷數年該處官弁軍民人等身陷賊中本有應得之罪惟念當時回氛猖獗該官弁軍民人等被其

僞脅未能自拔尙屬情有可原朝廷惠愛黎元務從寬大所有從前在伊城被陷之

官弁軍民人等均著加恩免其治罪並著署伊犁將軍榮全徧行宣示寬其既往之

愆予以自新之路該官弁軍民人等務各激發天良共保地方毋任回匪再行窺伺

十一月己丑以李鶴年爲閩浙總督錢鼎銘爲河南巡撫孫觀爲直隸布政使李

文敏爲廣東按察使癸巳諭軍機大臣等左宗棠穆圖善奏官軍攻破賊壘疊

東華錄擊要

卷一百十二

一

同治十年
商務印書館印行

獲勝仗一摺覽奏欣慰此次左宗棠等督軍渡洮連戰大捷踴躍高家集等處賊堡

斬賊萬餘並將三甲集巨巢攻破軍威丕振賊膽已寒辦理極爲得手惟由三甲集

以西至太子寺賊壘林立其眷屬死黨均聚集大東鄉負隅抗拒亟宜乘此聲威節

節掃蕩左宗棠已飭令傅先宗等先攻七甲集各壘卡直擣太子寺再回攻大東鄉

與諸軍分道並進調度甚合機宜著卽激勵各軍尅期前進盡殄逆氛以竟全功另

片奏中南兩路官軍剿賊情形亦均得手見在中路平慶鹽固一帶已就肅清馬彥

灃等逆竄併河州大東鄉一帶正可乘勢兜圍聚殲醜類毋令四出蔓延南路各軍

已將河州竄出回股追剿殆盡尙屬出力准由左宗棠彙案擇尤保獎另片奏回目

具稟投誠等語崔三禹得彥等悔罪投誠原可網開一面惟必須責令直擣河州與

賊接仗立功方准收撫此中操縱機宜該大臣等務當妥爲籌畫毋稍疏虞其投誠

之陝回楊文彥及葭臺堡回目馬應林等應如何妥爲安插之處並著察看誠僞相

機辦理

戊申陝西巡撫蔣志章卒予祭葬以翁同爵爲陝西巡撫譚鍾麟爲陝

西巡撫

西布政使。己酉。諭軍機大臣等。劉長佑馮子材奏官軍攻克舊街逆巢。首逆就擒。一摺。逆首蘇幗漢股匪齊聚廣安。經瑞麟劉長佑等各派官軍協同圍剿。先將舊街賊巢攻克。乘勝追殺。直抵海甯。蘇逆攜其養子亞鄧暨悍匪數人奔竄東興。爲官軍弋獲。東路漸清。此次出力各員。准由馮子材查明存記。彙案請獎。蘇逆既經弋獲。是否解至廣東正法。仍著劉長佑等詳細具奏。該逆養子亞鄧見在潛逃漏網。張侍麟亦敗竄十萬山中。餘黨紛紛逃回東界。亟須速行搜捕。悉數擒獲。淨絕根株。著瑞麟劉長佑馮子材分飭派出各軍。實力搜拏。以消邊患。西路瓊北二山股匪。並著劉長佑等飭令劉玉成等軍認真會剿。迅殄逆氛。十二月。庚申。直隸豐甯土匪胡良珠等肆擾。捕獲伏誅。辛酉。命刑部右侍郎常恩。工部左侍郎童華。赴熱河查辦事件。壬戌。改山東福山縣煙臺巡檢爲繁缺。臨清州王家淺巡檢爲簡缺。乙丑。添設順天府捕盜中營千總把總各一。經制外委二。額外外委一。馬步兵六十六名。歸治中營轄。辛未。予先儒張履祥從祀。文廟。癸酉。諭軍機大臣等。王文韶奏援黔各軍攻克賊巢。見圖會合黔軍進剿。一摺。湖南援黔各軍。自攻克螃蟹賊巢後。席寶田一軍。剿辦清水南岸。將黃茅嶺一帶賊巢攻破。北岸鄧善燮一軍。掃蕩而前。

東華錄 聖要

卷一百十三 同治十年

二

商務印書館印行

進紮甕谷隴。擊敗援賊。軍威已振。亟宜乘此聲勢。將清江兩岸一律埽平。見在周達武前軍已抵黃平。與甕谷隴之軍可期聯絡。王文韶已飭令龔繼昌等分營北渡。會同鄧善燮進攻黃飄白堡。著曾璧光檄飭各營協力夾攻。務將清平黃平一帶積匪盡數鏖除。疏通驛路。俟此路平定。再期開懷。肅清丹江凱里。著曾璧光王文韶分檄黔楚各軍。隨時相機合剿。以竟全功。庚辰。翁同爵丁憂。以邵亨豫署陝西巡撫。壬午。命翰林院侍讀林天齡在弘德殿行走。甲申。以張樹聲爲漕運總督。李慶翱爲山西布政使。蔣凝學爲山西按察使。調李文敏爲江西按察使。俊達爲廣東按察使。

同治十一年。壬申。春正月辛卯。

諭軍機大臣等。劉長佑馮子材奏官軍剿辦越南匪

徒。殲擒悍逆。攻克城巢。一摺。越南匪首阮四等滋擾太原。連陷從化府等城。經馮子材調派官軍分路堵剿。殲擒悍匪鄧仕昌馮二陳汝景等多名。十月初五日。各營偪攻從化府城。都司蔘簡宸等斬關殺入。該逆四百餘人。悉數聚殲。初六日。將從化府城克復。買市之賊。經遊擊李揚才等前後夾擊。該匪窮蹙夜遁。官軍跟蹤追剿。疊克銀山波類匪巢。剿辦尙爲得手。劉長佑等見檄總兵劉玉成等會剿瓊山等處賊匪。

著即督飭該將弁尅期剿辦。掃蕩餘氛。所有此次出力員弁。准其擇尤請獎。前據劉長佑等奏。俟海陽太原一帶賊匪芟除。邊隅稍定。當回師列守衝要。申嚴關禁。即著該撫等嚴飭在事將領。將剿匪事宜。迅速辦竣。撤兵入關。扼要防守。以固邊圉。而節餉需。癸巳。諭軍機大臣等。左宗棠奏。官軍連破賊壘。偏攻太子寺。獲勝。仍著督飭各營。趁此春融冰泮之時。奮勉圖功。迅將太子寺等處賊巢。攻拔。節節掃蕩。盡殄逆氛。以期肅清甘境。徐占彪抵甘州後。擬以兩營先赴高臺。俟糧運辦就。即調黃虎臣等駐涼五營接續前進。著左宗棠檄令肅宗幹。迅將購糧轉運事宜。妥爲籌辦。高臺地方。徐占彪已先撥兩營填紮。此軍一到。成祿即當督率所部。尅期出關。不准稍涉遲緩。四川委解成祿餉銀三萬兩。左宗棠見已兌解蘭州。遇便搭解。著成祿派員就近提取。由省至肅州。一帶郵政廢弛。並著檄飭臬司設法整頓。庶文報往來。不至積壓。庚子。諭軍機大臣等。劉嶽昭峯毓英奏。派軍出境剿辦威甯州橫匪。全數撲滅。餉道肅清。一摺。橫匪楊紹潰等盤踞黔省威甯州地方。經劉嶽昭等派委吳奇忠等。會同該省文武。分投剿辦。擒獲楊紹潰陳大樺。平毀賊巢。惟威甯州地方。爲滇省餉道。關繫緊要。匪首李黑四先期潛逃。誠恐糾合餘燼。蔓延爲患。仍著嚴飭在事

東華錄學要

卷一百十二

同治十一年

三

商務印書館印行

文武。實力偵緝。務期淨絕根株。並著知照曾璧光。督飭地方官。將善後事宜。妥爲辦理。一面會拏逃匪。不得任令遠颺。諭曾璧光奏克復清平等城一摺。黔省清平黃平一帶。爲苗匪齊集之所。賊巢林立。驛路中梗。見經曾璧光等派兵進剿。將清平黃平重安等城克復。驛路業已疏通。正宜乘此聲威。掃蕩苗疆。殲除羣醜。著分檄鍾有思等。將敗殘餘匪。盡數撲滅。毋令蔓延。清黃重安一路。漸就肅清。楚省援黔之軍。進攻黃飄白堡。聲勢可期。聯絡。著該撫等檄飭各營。約會楚軍。通力合作。以竟全功。辛丑。諭軍機大臣等。王文韶奏。援黔各軍。攻克黃飄白堡苗寨。疏通驛路。會合黔軍進剿。一摺。貴州苗匪聚集黃飄白堡一帶。經湖南援軍節節進剿。賊寨悉平。驛路業已疏通。湘黔各軍會合辦理。更形得手。昨據曾璧光等奏。黔軍克復清平黃平重安等城。乘勝進剿等語。見在湖南援軍。復將黃飄等處攻克。正可聯絡聲勢。迅掃逆氛。著曾璧光檄飭各營。會合楚軍。剿洗而前。肅殲醜類。北岸賊匪業經掃除。該處善後事宜。著曾璧光飭令地方文武。妥爲經理。南岸官軍連破苗寨。所有招撫降苗一節。著王文韶飭令戈鑑。妥慎籌辦。不得稍有疏虞。唐本有等軍。尅日南渡。從直涌地。五甕項節節搜剿。一俟黔軍進至兩空河香鑪山一帶。即著會同攻剿。癸卯。以譚

鍾麟暫護陝西巡撫。乙巳。湖南瀏陽縣土匪滋事。官軍剿平之。辛亥。諭內閣。兵部左侍郎崇厚著在總理各國事務衙門行走。太常寺少卿總理各國事務衙門章京夏家鑄著在該衙門大臣上行走。二月丙辰。允鮑源深奏暫留張樹聲辦理山西計典。以恩錫署漕運總督。丁巳。欽奉 慈安皇太后 慈禧皇太后。旨。皇帝沖齡踐阼。於今十有一年。允宜擇賢作配。正位中宮。以輔君德而襄內治。茲選得翰林院侍講崇綺之女阿魯特氏淑慎端莊。著立爲皇后。特諭。奉 詔旨。員外郎鳳秀之女富察氏著封爲慧妃。知府崇齡之女赫舍哩氏著封爲瑜嬪。前任副都統賽尙阿之女阿魯特氏著封爲珣嬪。命曹克忠統兵赴肅州會剿。趣成祿出關。調吉林黑龍江馬隊各五百名赴成軍祿營。丙寅。諭內閣。大學士兩江總督曾國藩學問純粹。器識宏深。秉性忠誠。持躬清正。由翰林蒙 皇帝特達之知。洊升卿貳。咸豐年間。勦立楚軍。剿辦粵匪。轉戰數省。疊著勳勞。宣宗成

文宗顯皇帝優加擢用。補授兩江總督。命爲欽差大臣。督辦軍務。朕御極後。簡任綸扉。深資倚任。東南底定。厥功最多。江甯之捷。特加恩賞給一等毅勇侯世襲罔替。並賞戴雙眼花翎。歷任兼圻。於地方利病。盡心籌畫。老成碩望。實爲股肱心膂之臣。

東華錄學要

卷一百三十一

同治十一年

四

商務印書館印行

方冀克享遐齡。長承恩眷。茲聞溢逝。震悼良深。曾國藩著追贈太傅。照大學士例賜卹。賞銀三千兩治喪。由江甯藩庫給發。賜祭一壇。派穆騰阿前往致祭。加恩予諡文正。入祀京師昭忠祠賢良祠。並於湖南原籍江甯省城建立專祠。其生平政蹟事實。宣付史館。任內一切處分。悉予開復。應得卹典。該衙門察例具奏。靈柩回籍時。著沿途地方官妥爲照料。其一等侯爵。即著伊子曾紀澤承襲。無庸帶領引見。其餘子孫。幾人。著何璟查明具奏。候旨施恩。用示篤念忠良至意。以何璟署兩江總督。恩錫署江蘇巡撫。文彬署漕運總督。戊辰。以署兩江總督何璟兼署辦理通商事務大臣。己巳。欽奉 慈安皇太后 慈禧皇太后 旨。欽天監奏選擇大婚

納采。大徵吉期各摺。皇帝大婚典禮。著於本年九月十五日舉行。七月二十六日納采。八月十七日大徵。所有應行事宜。著各該衙門敬謹辦理。允左宗棠奏添建甘肅涇州考棚。庚午。詔起彭玉麟巡閱長江水師。己卯。諭軍機大臣等。劉長佑馮子材奏官軍疊克賊巢。殄除瓊武股匪。並擊獲匪目出力各員請獎各摺片。越南匪徒。自官軍攻克從化。買市後。分股遁踞瀾滸等處。經馮子材派隊分剿。次第收復。並將逆首何三等擊獲正法。匪黨悉數殲除。即著劉長佑馮子材飭令陳朝綱迅速

進兵。務將逃匪張侍灝等盡力兜拏。毋任漏網。以清東路。並飭劉玉成陳得貴兩軍。將太原零匪會同剿洗。毋稍遲延。此次出力各員。准其擇尤保奏。越南剿匪事竣。該撫等懷憶前旨。迅將前敵各軍凱撤入關。扼要防守。以固邊圉。辛巳。諭軍機大臣等。劉嶽昭岑毓英奏官軍攻破賊踞館驛外垣。克復田心等處。殲除逆首。暨迤西官軍圍攻永平等城。獲勝各摺片。館驛田心等處。久爲賊踞。岑毓英督飭何秀林張保和等分路進攻。力破館驛西北兩門。田心等處賊巢。同時攻破。擒斬賊目多名。逆首馬侍得業經焚斃。該撫於餉需支絀之際。督飭營弁兵勇。屢拔堅巢。剿辦甚爲得手。仍著劉嶽昭岑毓英激勵各營。迅將館驛全城克復。日者鄉壤兮等處賊衆。被剿窮蹙。並著乘勢一鼓蕩平。肅清各處匪巢。以靖邊圉。此次出力各員。准由該督撫於館驛全城克復後。擇尤保獎。迤西軍務。並著分飭楊玉科李維述。迅將永平雲南等縣城。剋日攻拔。規取大理。盡殄逆氛。壬午。裁浙江水陸各營都司守備各一千總等弁四十。改設都司守備各二。對調都司守備各一。添設把總一。三月乙酉朔。諭軍機大臣等。曾璧光奏剿辦上游回匪。肅清安南。克復貞豐。進規興郡新城一摺。貞豐州城既克。上游軍事正順。亟應乘勝進攻。曾璧光見派吳德溥等帶隊馳赴興

義。著卽飭令督同該處文武。相機剿辦。力攻興義府及新城等處。迅圖克復。惟該處回夷各匪。皆百戰死黨。且地接滇疆。尤恐此擊彼竄。蔓延爲患。著劉嶽昭岑毓英挑派得力大員。管帶兵練。迅卽馳赴該處。會同合力剿辦。迅靖逆氛。諭劉長佑馮子材奏。攻剿越匪。海太肅清一摺。海陽太原肅清。劉長佑等見將各營調回。扼要防守。卽著妥爲布置。慎固封守。以靖疆圉。山宣興化餘匪。已知照越南自行攻剿。遇有緩急。仍當遙爲聲援。太轄沿邊一帶。夷匪不時出沒。劉玉成等所部暫留太轄扼守各隘。卽著飭令該員等認真防範。務臻周密。並約束兵勇。毋許滋擾地方。俟越南接戍兵到。卽行撤回。癸巳。允瑞麟奏調福建輪船赴廣巡洋。辛丑。大學士瑞常。晉贈太保。予祭葬。諡文端。入祀賢良祠。壬子。諭軍機大臣等。張廷岳阿爾塔什達奏庫倫情形。今昔不同。請量爲變通一摺。據解庫倫孤懸草地。無城無池。向未設兵戍守。遇有事務。須調取圖車兩部落官員差委。往返需時。見在事務較繁。擬將圖車兩盟之協理將軍和貝。飭令每年輪班在庫。聽候差委。該處近接俄疆。請由圖車兩盟蒙兵內。每季輪班派四百名。分駐四隅防守。與將軍和貝輪替休息。所有烏城駐班。卽責成賽札兩盟將軍和貝。按季輪替圖車兩盟。毋庸赴烏城駐班。其賽札兩盟

所屬毗連俄國之卡倫。距庫較遠。請仍歸烏城將軍管理。遇有烏庫交涉事件。彼此咨商。關照等語。所陳各情。係爲因時變通起見。惟如該大臣所奏。是否烏庫兩處均各得宜。並有無流弊之處。事當更改舊章。不厭詳求。著金順查昌志剛多布沁札木楚張廷岳阿爾塔什達統籌全局。彼此悉心會商。據實覈奏。夏四月乙卯。諭山西按察使蔣凝學速赴本任。接統防軍。辛酉。設化平川廳訓導。照磨外委各一。癸亥。諭軍機大臣等。王文韶奏援黔官軍掃除賊巢一摺。清水南岸開懷香鑑山等處賊巢。次第攻破。凱里以北。業已廓清。見在逆衆麇聚烏牙坡一帶。恃險負隅。賊勢已形窮蹙。著王文韶飭令翼繼昌戈鑑等奮力進攻。毋稍鬆勁。並飭唐本有等從凱里一路合兵進剿。四面兜圍。以收聚殲之效。曾璧光亦當督飭黔軍。會合楚師。聯絡進取。總須嚴密布置。將該逆就地殄除。不可縱令逸出。致貽後患。所有已復地方一切善後事宜。仍著曾璧光遴派妥員悉心經理。以靖苗疆。庚午。諭文煜王凱泰調撥輪船。赴牛莊海口巡緝。癸酉。尤奎昌等奏改建烏里雅蘇台石城。並整頓臺務。五月癸巳。諭軍機大臣等。肅州踞逆。經徐占彪督隊痛剿。連戰皆捷。殺斃悍賊死黨甚多。城賊恟懼。著左宗棠等即飭令該提督迅拔堅城。盡戮醜類。惟該逆負

東華錄

卷一百十二

同治十一年

六

商印書館印行

固。有年。仍當穩慎進攻。不可稍涉大意。甘肅北路零匪。經官軍疊次截剿。殲滅殆盡。惟狗齒牙及馬二利木尙在脫逃。該逆皆百戰之餘。熟諳地勢。亡命鋌走。自在意中。左宗棠等仍當檄飭各防營分道搜捕。務將狗齒牙等逆悉數殲獲。淨絕根株。甘南階成一帶竄匪。闖入白馬關。經官軍截剿。竄逸餘黨無多。該督等仍當嚴飭各將領聯絡一氣探蹤搜剿。以靖地方。乙未。諭內閣。李瀚章王文韶奏援黔各軍攻破賊巢。苗疆平定。曾璧光周達武奏下游官軍會剿大股苗匪情形各一摺。覽奏實深欣慰。貴州苗匪張臭迷等。自咸豐五年倡亂以來。嘯聚黨衆。疊陷城池。貴東貴西蹂躪殆遍。楚蜀邊境亦爲不靖。嗣經記名布政使席寶田統帶楚軍入黔援剿。貴州提督周達武亦率所部。由蜀前進。黔楚各軍節節掃蕩。疊將清水南岸開懷香鑑山等處賊巢攻克。該逆竄踞烏牙坡一帶。負隅死守。本年三月間。提督唐本有等分路進剿。連克牙塘馬遂猴子拗等處逆巢。提督翼繼昌等會合黔軍。進攻烏堡冷水溝等處踞匪。擒斬收降者甚衆。該逆乘雨出竄。官軍截擊於挂燈地方。陣斬逆酋九大白。遂將烏牙坡二十餘里內賊巢悉數踏毀。四月間。提督蘇元春等分率隊伍。由雷公坪等處搜剿。而前復斬巨酋嚴大五於陣。並將逆首僞大元帥張臭迷僞平楊王楊

大六及姜老拉潘老冒等先後擒獲逆苗全股蕩平。其逆首包大肚金幹幹等股盤踞平茶牛角坡等處。經黔軍提督鍾開蘭鄧有德等攻破。斬賊無算。並生擒包大肚金幹幹及悍黨多名。均經正法。此次黔楚各軍勦力同心。連戰克捷。遂使積年巨寇悉數殲除。苗疆底定。洵足彰天討而快人心。所有張吳迷一犯。尤爲苗逆渠魁。著王文韶即將該逆就地正法。傳首犯事地方。以昭炯戒。湖廣總督李瀚章。署湖南巡撫布政使王文韶。貴州巡撫曾璧光。貴州提督周達武。均能和衷共濟。克竟全功。著一併交部從優議敘。記名布政使席寶田。總統楚軍調度得宜。著賞給騎都尉世職。庚子。命直隸總督李鴻章爲大學士。仍留總督任。命前任山西布政使劉秉璋。前任廣東布政使文格。前任貴州布政使嚴樹森。來京陛見。甲辰。諭軍機大臣等。曾璧光等奏下游漸就廓清。籌辦調撤兵勇。安撫降苗。暨楚軍和衷共濟各摺片。黔省下游業已底定。亟應添撥兵勇。力攻上游。曾璧光等已抽調鍾開蘭率三千人馳赴新城興義助剿。著飭令該提督會同滇軍併力進攻。將該兩城迅速克復。廓清上游。毋稍鬆勁。其香爐山孤巢及零星竄匪。並著黔楚各軍乘勝剋日掃除。楚軍所撫降苗甚衆。著王文韶督飭地方文武。妥爲安插彈壓。其飢疲待哺者。亟應籌款分

東華錄學要

卷一百十二

同治十一年

七

商務印書館印行

別賑恤。曾璧光以黔省降苗益衆。未能兼顧。自保實情。即著王文韶暫由湘省籌款。就近酌給口糧。所稱生苗頑梗性成。此後擬令一律薙髮。改變服色。並不准私蓄槍礮刀械之處。均著照所議辦理。並慎選賢能牧令。將保甲義學等事宜實力舉行。以冀默化潛移。庶可一勞永逸。乙巳。諭軍機大臣等。劉嶽昭等奏攻克永平雲南縣城一摺。永平雲南兩縣。切近大理。該逆恃爲犄角。久抗官軍。此次楊玉科李維述等督兵分投進剿。先後將兩城攻克。殲除悍賊殆盡。並將曲洞漾潭賊巢攻拔。當糧餉支絀之際。該督撫能激勵將士。奮勉出力。殊堪嘉尚。岑毓英見擬將迤南軍務趕緊肅清。即赴迤西督剿。勇於任事。必能所向有功。惟杜逆久踞迤西。根深蒂固。見雖藩籬已破。恐負隅之志愈堅。該撫務當於勇往之中。加以穩慎。總期謀定後動。竟此全功。用副委任。丙午。實授王文韶湖南巡撫。吳元炳湖南布政使。庚戌。諭軍機大臣等。榮全等奏面見俄官會議情形。並俄兵直入塔境各摺片。榮全行抵色爾賓鄂普勒地方。與俄官布呼策勒傅斯奇會晤。該俄官不議及交還伊犁之事。並以請示該國爲詞。塔境之三江灣額米斯河老河口等處。又有俄兵駐紮。本日已令總理各國事務王大臣與該國駐京公使辯論。榮全見已旋回塔城。著與富和

會商布置。妥爲防範。榮全此時。自未便帶兵徑赴伊犁。惟伊犁情形。見在究竟如何。應派委員前往。隨時偵探。妥籌進止。布呼策勒博斯奇到伊犁後。有無回信。仍著榮全酌度情形辦理。榮全前議挑選索倫等項人衆。會合鄉團。規取瑪納斯城。自當速籌調度。先發制人。儘能派隊先復瑪納斯城。則烏魯木齊近在咫尺。可期與景廉之軍聯絡聲勢。景廉所部各營。已陸續拔赴古城。著即督率官軍。整頓附近民團。相機進取。務將烏魯木齊早日規復。方能居中控制。以扼西路之衝。烏城回逆與安集延彼此互攻。各不相下。其中有能去逆效順。率衆來歸者。不妨寬其既往。酌量收撫。俾爲我用。並著景廉察看情形。與榮全咨商妥辦。六月丁巳。移甘肅平慶涇道駐平涼府城。改甯夏水利同知爲甯靈撫民同知。甲子。吏部以大學士瑞麟李鴻章。應定何殿閣請。得旨。瑞麟著授爲文華殿大學士。李鴻章著授爲武英殿大學士。命文祥爲大學士。以全慶協辦大學士。調寶箴爲吏部尚書。載齡爲戶部尚書。以英桂爲兵部尚書。丁卯。諭軍機大臣等。王文韶奏援黔官軍。埽除竄匪。苗疆肅清。並分軍設防。撫恤降衆。各摺片。烏牙坡苗匪蕩平後。逆首金大五竄伏香鑪山麓。白水洞。經提督唐本有等設伏誘擒。復將漏網髮逆李七一股。悉數殄除。並擒斬著名逆首多名。其香鑪山頂踞匪。亦已殲除。苗疆一律肅清。辦理甚爲安速。所有擒斬首逆。尤爲出力各員。著王文韶先行酌保數人。以示鼓勵。此次苗疆平定。當籌一勞永逸之計。清水南北兩岸降苗。爲數甚衆。一切善後事宜。自應妥爲經畫。王文韶見派各軍分段設防。並籌撥銀兩。分別撫恤。實能力顧大局。著即飭令道員陳寶箴會同分防各營。及各該地方官。體察情形。妥籌辦理。會璧光亦當派委明幹大員。將下游一帶新復地方。應辦事宜。次第經理。以圖久遠相安。以單懋謙協辦大學士。命文輝來京。以劉秉璋爲江西布政使。己卯。以安徽河南交界地方。殲擒逆匪。賞提督牛師韓頭品頂帶。予副將徐思忠。以總兵官簡放。辛巳。諭軍機大臣等。左宗棠等奏搜捕巴家臺賊巢。生擒匪首一摺。蘇家西兒糾聚逃匪。窩伏平番紅城後山之巴家臺。恃險負嵎。經豫師函商左宗棠。穆圖善。密派兵勇前往剿捕。參將周興祿率衆攻破賊巢。守備劉定國將蘇家西兒擒獲。餘賊亦皆殲斃。即著該大臣等督飭各軍。將在逃匪黨。悉數搜捕。此外有無賊巢。仍飭隨時探剿。盡絕根株。河州等處軍情。及見在辦撫事宜。有無頭緒。並著左宗棠。穆圖善。將詳細情形。據實具奏。秋七月癸未朔。諭內閣。劉嶽昭等奏官軍攻克興義府城一摺。貴州興義府城。久被

回匪盤踞。爲滇黔兩省邊患。經該督撫等派軍會剿。疊有斬擒。本年四月間總兵吳奇忠等攻入外城。奪據礮樓。道員沈壽榕吳德溥復會督各軍晝夜環攻。該逆抵死抗拒。二十五日。滇軍設伏城南。黔軍前隊由北奮擊。賊見北門攻急。奔赴抵禦。滇軍即乘虛由南門越濠架梯而入。殲斃悍賊二千四百餘名。生擒九百餘名。當將興義府城克復。剿辦尙爲得手。即著督飭官軍。將新城賊巢剋期攻拔。以靖黔疆。丙戌。以張樹聲署江蘇巡撫。文彬仍署漕運總督。己丑。吏部以大學士文祥應定何殿閣請。得旨。著授爲體仁閣大學士。壬辰。兵部議覆原任兩江總督曾國藩續議兩江水師章程。一外海六營。分爲三起。輪流巡哨。一內洋五營。分界管轄。按期會哨。一裏河五營。各按汛地巡緝。一淞南淞北大湖左右四營。各添船三號。每號配兵十四名。一水營所遺陸汛。分撥附近各營兼管。一京口三營原轄之大沙洲。撥歸陸汛巡防。一狼山鎮屬海門營。改隸蘇松鎮管轄。一蘇松三營陸汛。原留陸兵一百名。加留四百名。千總把總外委共十員。上海留兵二百名。汛弁兩員。一江面失事處。分即照前次會議章程覈議。一應造船隻。分別派營駕駛。一裁撤千總八員。把總二十四員。改設外委三十四員。以符定制。一酌定外委薪糧。一外海六營管官衙署。各給差

兵十名。一水師提鎮兼轄陸營。例馬照舊支給。不得兼支坐船。太湖右營。保以都司爲管官。應給坐船二號。一內洋五營升拔考驗。照外海水師例辦理。裏河五營。照內河水師例辦理。一增添彙書五十三名。書識二百八十六名。一裏河水師各船需用旗職號衣等項。每年發銀製給。一加給水師提督及蘇松狼山福山三鎮總兵官巡洋經費。彙書書識五年役滿。考職送部。一外海內洋各船。共配礮位六百一十六尊。洋槍八百八十桿。一各船火藥經費。在上海蘇州各局領給。一新立各管官兵俸薪養廉等項。每年約需銀二十三萬兩有奇。不至浮於舊額。以上二十一條。均應如所奏辦理。從之。乙未。諭軍機大臣等。曾壁光等奏剿除牛角坡逸匪。並攻拔香鑪山賊巢。殲除逆首李宰腐等。下游一律肅清。一摺。黔省下游苗教各匪。疊次肆擾。勢甚猖獗。經曾壁光等會同湘軍實力攻剿。見在下游地方肅清。辦理甚爲妥速。惟苗疆甫定。營制未復。自應留兵鎮撫。以資彈壓。即著曾壁光等酌留精兵一萬五千名。分投扼紮。遇有藏匿餘匪。悉數捕獲。以期淨絕根株。毋得稍有鬆懈。上游興義郡城。已經何世華等攻克。僅餘新城賊巢未下。諒不難指日收復。並著曾壁光等飭令該總兵等會合滇軍。迅圖恢復。毋任遲緩。戊戌。諭傳諭廣東提督張曜。張曜奏官

軍剿辦竄匪。疊次獲勝一摺。甯夏西路地方。自本年四月初二至六月十三等日。疊有陝回竄擾。延及蒙境。經張曜派撥兵勇。分路剿擊。並於阿拉善各蒙古境內斃賊多名。見在和果勒厄拉等處。已無賊蹤。即著張曜督率沿邊各營。實力防守。並勤加偵探。遇有賊匪竄近。即行截擊。並飭提督孫金彪等於柳林湖各要隘。嚴密扼守。一面兼顧蒙境。毋令賊匪竄入。甯夏各回。見已歸業。該提督仍當隨時稽察彈壓。毋令滋生事端。己亥。禮部尚書存誠卒。賞銀五百兩治喪。予祭葬。諡勤恪。調靈柱爲禮部尚書。以阜保爲禮藩院尚書。英元爲左都御史。調延煦爲倉場侍郎。志和爲戶部左侍郎。恩承爲刑部左侍郎。綿宜爲禮部右侍郎。以總格爲盛京兵部侍郎。丙午。諭軍機大臣等。左宗棠等奏官軍圍剿肅州踞匪。並中西一帶。截擊竄匪情形。各摺片。逆匪久踞肅州。負隅抗拒。見經徐占彪一軍疊次圍剿。攻拔近城之塔爾灣堅巢。並掃蕩城西賊壘百餘座。擒斬著名逆目多名。剿辦甚爲得手。逆匪經此懲創。兇醜稍衰。自應乘此聲威。力圖攻克。該逆前次降而復叛。見又哀詞乞撫。難保非因攻剿緊急。暫爲緩兵之計。左宗棠見已進紮省城。著即酌度情形。妥籌調度。檄飭徐占彪督率各營。迅速圍攻。並將關內外援賊。隨時相機截剿。則孤城自不難力拔。陝

東華錄要

卷一百十三

同治十一年

十

商務印書館印行

回由涼州屬境竄出邊外。復由阿拉善旗入邊肆擾。雖經防軍擊退。惟賊蹤飄忽。去來無定。且蒙古地方。亦恐被其蹂躪。著左宗棠飭令譚拔萃會同黃鼎所部各營。探蹤截剿。並知會張曜派軍合力兜擊。悉數殲除。毋任紛竄。穆圖善著遵前旨。俟省防事宜交代清楚。再行率隊東行。並著與左宗棠會籌一切。以期共維大局。己酉。改福建淡水廳訓導爲教諭。定學額八名。永廣二名。增設噴瑪蘭廳訓導。定學額五名。永廣一名。八月。庚申。命單懋謙爲大學士。調毛昶熙爲吏部尚書。以李鴻藻爲工部尚書。桑春榮爲左都御史。調錢寶廉爲刑部右侍郎。以宜振爲工部右侍郎。

實授邵亨豫陝西巡撫。以畢道遠爲倉場侍郎。壬戌。以桑春榮爲刑部尚書。胡家

玉爲左都御史。轉彭久餘爲吏部左侍郎。調董華爲吏部右侍郎。以何廷謙爲工部左侍郎。癸亥。諭軍機大臣等。徐占彪一軍攻剿肅州逆匪。疊克枯樹四壩北崖

頭各壘卡。又朱家堡堅巢。附城賊蹤一律掃蕩。辦理尙屬得手。肅州之賊。疊經懲創。自己勢孤膽落。著左宗棠等檄飭徐占彪乘此聲威。穩慎進取。以期力拔堅城。毋得

輕率受撫。致爲賊匪所給。至成祿一軍久駐高臺。尙無行期。疊據奏稱車馬糧石均形缺乏。此軍雖難期得力。然使因糧缺譁潰。必致貽誤地方。左宗棠務當飭令甘涼

肅二道妥籌接濟。不得稍存膜視。將來此軍進止。朝廷別有權衡也。乙丑。諭軍機大臣等。錢鼎銘奏擒獲匪首李六地方肅清一摺。匪首李六雖經擊獲。訊明。是否即行正法。刻下地方雖已肅清。仍恐皖豫交界一帶。伏莽未清。若不將餘匪搜捕淨盡。難保不暗中踰伏。伺隙復發。著錢鼎銘嚴飭在事各員。認真搜緝。務將餘黨悉數捕獲。以消後患。並著飭令各該地方官。將編查保甲各事宜。實力奉行。毋稍疏懈。命康國器來京。以文格爲廣西布政使。甲戌。命鄧廷相來京。以俊達爲廣東布政使。張瀛爲廣東按察使。辛巳。吏部以大學士單懋謙。應定何殿閣請得。旨。著授爲文淵閣大學士。九月。癸未。諭軍機大臣等。劉嶽昭。岑毓英。奏官軍攻克趙州。蒙化廳城。並大理之上下兩關。請將出力陣亡各員。分別獎卹。本日已將總兵楊玉科等。照所請獎卹矣。此次楊玉科等督兵進攻趙州。蒙化廳城。並大理之上下兩關。兩旬之間。克復堅城要隘。頗爲迅速。深堪嘉獎。見在逆衆。嚮集大理。岑毓英擬親往督攻。自應如此辦法。即著該撫馳赴迤西。督同楊玉科等。將大理府城。迅圖攻克。如有願爲內應。殺賊獻城者。並著岑毓英。傳旨嘉獎。俟克復府城後。優予恩敘。使該民人。知順逆之分。不至助賊堅守。第軍營宜有專責。庶功罪無所推誘。此番攻剿。大

理。即責成岑毓英辦理。不得稍存推諉之見。其省城防守事宜。即著劉嶽昭妥籌辦理。順甯雲州二城。尙未攻克。該處爲大理後路。若督兵進剿。克復兩城。則大理賊援已斷。迤西一帶。可冀次第削平。馬如龍。向來性情勇往。著統帶所部。馳赴雲州一帶。力籌攻克。以專責成。乙未。遣惇親王奕誅爲正使。貝子載容爲副使。持節詣皇后邸。行奉迎禮。丙申。子刻。皇后由邸第升鳳輿。鑾儀衛陳儀仗車輅。鼓樂前導。由大清中門行。御道至乾清宮。降輿。上具禮服。候於坤甯宮。丑刻。行合卺禮。辛丑。欽奉。慈安皇太后。慈福皇太后。詔旨。前因皇帝沖齡踐阼。時事多艱。諸王大臣等。不能無所稟承。姑允廷臣垂簾之請。權宜辦理。皇帝典學有成。當春秋鼎盛之時。正宜親總萬幾。與中外臣工。共求治理。宏濟艱難。以仰副。文宗顯皇帝付託之重。著欽天監於明年正月內。選擇吉期。舉行皇帝親政典禮。一切應行事宜。及應復舊制之處。著軍機大臣。大學士。會同六部九卿。敬謹妥議具奏。辛亥。諭軍機大臣等。西甯回匪。始以乞撫爲緩兵之計。旋結陝回抗拒官軍。經劉錦棠等督軍進剿。疊挫兇鋒。惟逆首白彥虎等。皆積年悍賊。詭譎多端。必須厚集兵力。方能制其死命。著左宗棠。一面飭令錦棠等。實力進剿。一面添派勁旅。繼進。以期

早日歲功。西甯城內漢民閉門防守。亦當設法援應。內外聯絡。俾免疏虞。馬桂源既爲府城官民所拒。卽著令其不必入城。以釋羣疑。左宗棠仍當隨時察看情形。相機辦理。肅州官軍雖屢次攻剿獲勝。而該逆負隅如故。著左宗棠飭令徐占彪穩慎進攻。力圖克拔。並酌量添兵合圍。毋任鋌走。甘省被兵日久。亟應速籌戡定。刻下西甯肅州。均須增軍攻剿。省北一帶。亦須派營填紮。兵力不敷分布。宋慶一軍素稱得力。見在陝省北路。邊境尙屬安謐。著定安卽令該提督統帶全軍。赴甘助剿。該軍由榆林綏德一帶。取道慶陽平涼。以抵蘭州。左宗棠擬飭沿途各局。豫辦糧草。軍行當不至遲滯。宋慶接奉諭旨。卽著尅期拔隊啓程。迅赴戎機。本日並已諭錢鼎銘。將該軍月餉源源接濟矣。神木一帶。如尙須派兵填紮。卽著定安酌度布置。左宗棠見擬將譚拔萃所部官軍。調赴西甯。所有靈州花馬池一帶。卽著張曜就近分營駐紮。以資穩固。穆圖善仍當飭令駐紮甘省城北之馬步各隊。照舊駐紮。認真防剿。毋違裁撤。

冬十月。壬子朔。欽奉

慈安皇太后

慈禧皇太后懿旨。欽天監奏遵

旨選擇吉期一摺。皇帝親政典禮。著於明年正月二十六日舉行。所有應行事宜。著各該衙門敬謹豫備。命佛爾國春來京。賞嚴樹森四品頂帶。署廣西按察使。丙

東華錄要 卷一百十二 同治十一年 十二

商務印書館印行

辰。諭軍機大臣等。左宗棠穆圖善奏馬步官兵剿賊獲勝一摺。西路賊匪於七月間分股竄擾。經馬隊各軍於野孤子溝等處截剿獲勝。斃賊多名。其王家坪竄賊。亦經馬步各隊追剿。賊匪敗遁。仍著左宗棠穆圖善督飭各營。認真探剿。毋稍懈弛。前因甘省防剿緊要。穆圖善所部駐紮北山之馬隊六起。步隊四營。已諭該將軍飭令仍紮原處。勿遽撤動。銘軍見緩裁撤。穆圖善應否移紮甘肅平涼固原一帶之處。仍著該將軍懷遵前旨。與卽亨豫安商辦理。安徽布政使吳坤修卒。予祭葬。卹廕。以裕祿爲安徽布政使。孫衣言爲安徽按察使。己未。恭上

慈安皇太后徽

號曰

慈安端裕皇太后

慈禧端佑皇太后

庚午。遣使持節冊封赫舍哩氏爲瑜嬪。阿齊特氏爲珣嬪。甲戌。諭軍機大臣等。

恩麟奏遵查藏界情形。德泰奏巡閱邊境見籌辦理各一摺。布魯克巴部長稟求助銀賞俸。業經恩麟等檄諭開導。廓爾喀人已聶拉木邊界折回。藏境尙屬安靖。惟據德泰奏聶拉木邊外與廓爾喀毗連各隘口。防守空虛。擬於聶拉木左右各隘。以至定日後藏江孜各汛。添設番兵。責成噶布倫等實力整頓等語。所奏自爲慎重邊防起見。承繼見已啓程。到任後。卽著該大臣等彼此妥商。將所擬各節實力辦理。所

有添設番兵約二百名。每月應需口分。著承繼德泰知照達賴喇嘛。轉飭協理商上事務呼圖克圖羅卜藏青儂汪曲安擬章程。由達賴喇嘛咨明覈辦。並嚴飭羅卜藏青驍汪曲賢噶布倫總堪布等。將邊防事務認真整頓。其定日漢營防兵缺額。著即挑補足數。飭令實力操防。以固邊圉。承繼未到以前。仍著恩麟德泰將應辦事宜。和衷商榷。務臻妥善。丙子。以張樹聲署兩江總督。恩錫署江蘇巡撫。庚辰。命署兩江總督張樹聲兼署辦理通商事務大臣。十一月丙戌。改江蘇泰州營守備爲泰興營。陸路守備駐泰興。丁亥。尤德英等請布特哈滿洲總管一缺。加副都統銜。

諭杜嘎爾添撥馬隊五百名。赴榮全軍營調遣。己丑。諭內閣。瑞麟等奏剿辦滋事土匪。地方肅清一摺。廣東瓊州府屬土匪何亞萬等藉名荒歉。糾集萬州黎匪滋事。經瑞麟等督飭署總兵劉成元帶兵剿辦。該匪逃匿黎峒。仍敢糾衆負隅。四出劫擄。復經劉成元會督官紳兵勇。分路攻剿。當將匪首何亞萬等擒獲。並獲要犯多名。悉行正法。餘匪一律殲除。辦理尙爲迅速。仍著瑞麟等嚴飭在事員弁。協同地方官認真搜捕逃匪。務絕根株。並飭稽查戶口。禁止奸民勾結。以遏亂萌。其被擾災民。即著妥爲安撫。毋令一夫失所。辛卯。諭軍機大臣等。劉嶽昭峯毓英奏官軍攻

東華錄學要

卷一百十三

同治十一年

十三

商務印書館印行

剿館驛等處踞匪。迤東迤南肅清一摺。滇省賊擾多年。見在迤東迤南肅清。省西府州縣城。未復者尙有幾處。已復各城。尙有餘匪滋擾者。又幾處。著劉嶽昭峯毓英詳細查明。據實具奏。一面慎選賢能守令。將已復地方善後事宜。實力興辦。並整飭捕務。嚴查奸宄。以靖地方。大理賊匪負隅已久。上下關早經克復。該撫見赴前敵督剿。即著岑毓英於馳抵大理後。嚴飭該新領等妥籌進攻。迅將大理府城剋期攻拔。並將附近賊巢一律掃蕩。毋稍遲緩。乙未。諭軍機大臣等。曾璧光奏官軍攻克新城。上游肅清一摺。黔省回匪久踞新城。於十月初五日克復。生擒逆首金萬照正法。上游一律肅清。全黔底定。該省變亂垂二十年。見在軍務初平。瘡痍滿目。亟應整飭吏治。撫輯民生。著曾璧光督飭所屬。將應辦善後事宜。悉心經理。以期地方日有起色。其安插撫恤各事。並著曾璧光妥慎籌辦。毋貽後患。另片奏下江生苗滋事。當經總兵張文德率隊剿除等語。辦理尙爲妥速。所有出力員弁。准其擇尤彙請獎敘。下江地方。見在經曾璧光派隊彈壓。並著該撫飭令地方官妥爲撫綏。以安反側。辛丑。諭軍機大臣等。西甯被圍日久。此次劉錦棠督軍深入。立解城圍。並分別安插難民降衆。辦理甚妥。該處久爲賊擾。民不聊生。一切善後事宜。即著豫師會商左宗

棠悉心布置。母令失所。回族結黨甚固。醜類繁多。仍恐有不逞之徒。暗中勾結。別滋事端。亟應將伏莽一律掃除。母貽後患。並著左宗棠豫師隨時加意防範。以期綏靖地方。至叛逆馬本源等帶同土匪挈眷逃遁。已抵巴燕戎格。豈可任其遠颺。仍當設法按名代獲。明正典刑。以示懲儆。陝回是否仍踞西川。如其逃向甘州。左宗棠當飭令各軍跟蹤追剿。並檄甘涼各隊。迎頭兜擊。就地殲除。毋聽其乞撫緩師。致墮賊計。庚戌。允楊昌濬議以輪船運漕。並諭李鴻章籌備撥船轉運。十二月丙寅。延煦等奏變通剝運漕米章程。從之。戊辰。諭總理各國事務衙門奏。續與俄使辯論情形一摺。俄人代收伊犁一事。經總理各國事務衙門王大臣等與之辯論。該使臣總持先議後交之說。其派兵駐紮西湖。阻止中國官兵前往各節。詰問再三。始允轉行該國。詳細聲復。能否照辦。尙無把握。似此情形。斷非空言所能有濟。著榮全就見有兵力妥爲布置。穩紮穩進。前派英廉帶兵赴庫爾喀喇烏蘇。能否紮定。儘能先復瑪納斯。再與景廉彼此聯絡。進復烏魯木齊。庶可挽回大局。該使臣以邊界之事。須兩國邊界官商辦。將來如與榮全會晤。即著該署將軍隨時相機辯論。景廉前敵軍情若何。所調各隊及奏撥成祿處吉林黑龍江馬隊。曾否迎提至巴里坤。錫綸抵布

東華錄要 卷一百一十二 同治十一年 十四 商務印書館印行

倫托海後。所招募者已訓練成軍否。著該都統通籌全局。設法進取。毋得坐失機宜。已巳。調古北口練軍五百名。赴烏里雅蘇台助剿。庚午。諭軍機大臣等。都興阿等奏旺清門外渾江迤西地段查勘完竣一摺。旺清門外渾江迤西地段。經都興阿等督飭協領崇善等前往查勘。西自邊柵。東至渾江。南接前查地段。北至哈爾敏河口二密等處。共查出坐落六十九處。已墾熟地十萬三千一百餘畝。見已查勘完竣。即著照鳳鏗二邊門外奏定章程。於同治十三年起科。以昭畫一。至渾江迤東一帶。據奏地極寬廣。游民强悍。一時礙難查辦。即著照所請。俟三五年後再行查勘。其鳳鏗二邊門外催科事宜。並著都興阿等飭令委員等趕緊催徵。毋任拖延。乙亥。建吉林伯都訥長春兩廳學宮。設訓導各一。庫增額各二名。並添吉林省滿號合號廩額增額各一名。

癸酉。同治十二年。春正月。癸未。諭內閣。朕於三月初五日。恭奉 慈安端裕皇

太后 慈禧端佑皇太后。啓鑾。初八日。祇謁 東陵。初九日。節屆清明。朕恭詣 定陵行數土禮。並詣隆恩殿。行大饗禮。禮成後。於十二日。還宮。所有典禮。並一切事宜。著各該衙門照例敬謹豫備。丙戌。以李宗義爲兩江總督。並充辦理通商事務。

大臣。以張樹聲爲江蘇巡撫。文彬爲漕運總督。李元華爲山東布政使。長庚爲山東按察使。壬辰。常恩以病免。調廣壽爲刑部右侍郎。以成林爲理藩院右侍郎。

乙未。諭內閣。劉嶽昭會璧光奏官軍會克新城老巢。黔省上游肅清一摺。貴州新城地方。與雲南平彝等州縣接壤。逆回金萬照等營集其間。爲患兩省。經劉嶽昭等節令雲貴各軍。會合進剿。疊將賊殲攻毀。擒斬甚多。上年十月初五日。官兵會同直偏城下。攻入南門。將逆首金萬照等擒獲。正法。首要各逆。悉數殲除。當將新城克復。黔省上游一律肅清。見在全省底定。自應渥予恩施。會璧光著賞給頭品頂帶。太子少保銜。雲騎尉世職。周達武著賞給騎都尉世職。以獎勞勩。戊戌。諭軍機大臣等。總理各國事務衙門奏請派員辦理日本國換約事宜一摺。日本國通商條約。上年經李鴻章與該國使臣會同議定。茲該國使臣來津換約。著派李鴻章將上年所立條約。妥爲互換。其條規二本。卽由總理各國事務衙門。發交李鴻章祇領照辦。其觀奉國書一節。著李鴻章於換約時體察情形。妥慎酌辦。癸卯。張樹聲請將移撥南匯營之狼山鎮中營守備一缺。仍留狼山管理錢糧事宜。下部議。允之。甲辰。

東華錄彙要

卷一百十三

同治十二年

十五

商務印書館印行

踞大理府城。十有八載。地險城堅。負隅抗拒。上年五月間。官軍攻克上下兩關。賊勢漸蹙。雲南巡撫岑毓英先將近省及東南各郡次第廓清。督兵前赴迤西。規取大理。十一月初十日至二十等日。總兵楊玉科及派出各將弁開挖地道。轟陷大理東南城隅。乘勢擁入城內之土城。晝夜鏖戰。共斃賊二千餘名。奪踞蓮花池一帶賊壘。官軍攻佔土城西北隅。楊玉科復約束各軍四面合擊。自率親軍策應。施放開花大礮。轟毀賊營棚樓木柵。逆首杜汶秀見事勢危迫。於二十五日。親率死黨萬餘。接仗。楊玉科督軍兜剿。至二十六日。斃賊五六千名。該逆敗入土城內之僞城。情急服毒。其黨將杜逆獻解軍前。正法。岑毓英督軍至五里橋地方。環城審視。探知餘酋楊榮榮廷棟等仍形負固。會商楊玉科先期密派將弁暗入。分投設伏。十二月初七日。楊玉科率同太和縣知縣譚席珍直至縣署駐紮。初九日。潛入僞府。督令伏兵。奪據該逆礮樓。賊衆驚亂。岑毓英復親率各軍。與楊玉科內外夾擊。連日血戰。賊殺萬餘。賊分股由東南北三門狂竄。我軍跟蹤追擊。生擒僞大家宰馬仲山等多名。殲賊三千餘名。生擒僞大司衡楊榮僞大經略蔡廷棟等。盡法懲治。並搜獲杜逆子女杜淙揚等。分別收禁。悍黨悉數殲除。大理全郡肅清。覽奏實深欣慰。逆酋杜汶秀首級。卽著於

犯事地方懸竿示衆。毋庸獻馘來京。其年未及歲之逆子杜淙揚杜廣揚杜城揚三名及幼女一人。著在該省嚴行監禁。並著刑部查明例案。咨行該督撫照例辦理。雲南巡撫岑毓英。當兵餉支絀之時。激勵衆心。親臨前敵。攻克堅城。渠魁授首。實屬謀勇兼裕。調度有方。深堪嘉尚。著賞穿黃馬褂。並賞給騎都尉世職。雲貴總督劉嶽昭與岑毓英和衷共濟。克奏膚功。著開復革職留任處分。交部從優議敘。記名提督開化鎮總兵楊玉科。著賞給騎都尉世職。並賞給白玉翎管一支。白玉搬指一箇。小刀一柄。大荷包一對。小荷包兩箇。所有單開之總兵段瑞梅等。均著交軍機處記名。遇有提督缺出。請旨簡放。乙巳。欽奉

慈安端裕皇太后

慈禧端佑皇

太后懿旨。皇帝賓紹丕基。於今十有二載。春秋鼎盛。典學有成。茲於本月二十六日。躬親大政。欣慰之餘。倍深兢惕。因念我朝。列聖相承。無不以敬。天法。祖之心。爲勤政愛民之治。況數年來。東南各省。雖經底定。民生尙未久安。滇隴邊境及西北路軍務未肅。國用不足。時事方艱。皇帝日理萬幾。當敬念惟。天惟。祖。宗所以付託一人者。至重且鉅。祇承家法。夕惕朝乾。於一切用人行政。孳孳講求。不可稍涉怠忽。視朝之暇。仍當討論經史。深求古今治亂之原。克儉克勤。勵精圖治。此則垂簾

東華錄要

卷一百三十二

同治十二年

十六

商務印書館印行

聽政之初心。所夙夜跂望而不能或釋者也。在廷王大臣等。均宜公忠共矢。勿避怨嫌。本日召見時業經諄諄面諭。其餘中外大小臣工。亦當恪恭盡職。痛戒因循。宏濟艱難。弼成上理。有厚望焉。丙午。上親政。率王以下大學士六部九卿。詣慈甯

門行慶賀禮。

二月庚戌朔。

諭軍機大臣等。

前因喬松年奏籌辦黃運兩河情

形。文彬丁寶楨奏請仍挽復淮徐故道。並御史游百川奏河運並治宜詳籌妥辦等情。當經降旨。交軍機大臣會同六部九卿妥議具奏。茲據遵議會奏。請派大員前往山東查勘各等語。黃河自銅瓦廂決口改道北行後。泛濫山東境內。久爲漕運民生之害。見在淮徐故道既難規復。豈可聽其自然。不爲修治。喬松年前奏堵合霍橋決口築隄東水。使由張秋八里廟一口下注入海。旁流分注。藉以濟運。所擬辦法。究竟是否可行。有無窒礙。必須籌畫萬全。方可興辦。此事關繫重大。固不可日久因循。亦未便輕率從事。李鴻章曾在山東剿辦捻匪。於黃運兩河情形閱歷既久。自必熟悉。著該督將喬松年等所奏。悉心體察。從長計議。應如何妥籌辦法。期於漕運民生。兩有裨益。及辦理有無把握之處。據實詳細具奏。戊午。祭大社。大稷。加上

慈安端裕皇太后徽號曰

慈安端裕康慶皇太后

慈禧端佑皇

太后徽號曰。慈禧端佑康頤皇太后。御慈甯宮。上率諸王大臣行慶賀

禮。諭軍機大臣等。大通逆日馬進祿等鼓惑叛弁馬壽詭謀煽變。經劉錦棠督軍進剿。攻破向陽堡逆巢。並將著名逆酋。悉數擒斬。剿辦尙屬得手。叛員馬本源等久踞巴燕戎格。徧詣各軍求撫。仍持兩端暗行勾結。必須迅速剿辦。左宗棠已派陳湜等軍由河州前進。著即飭令實力攻剿。並嚴扼米拉溝等處竄路。以期一鼓殲除。大通一帶回匪。仍著飭令劉錦棠等乘勝進兵。剿撫兼施。速籌戡定。平番碾伯一帶防剿事宜。著豫師督飭所部。與左宗棠派出各營。聯絡策應。毋稍鬆懈。肅州城西賊堡。經官軍用地雷轟破。城內賊勢已蹙。惟回情狡詐。未可輕聽乞撫之詞。致墮詭計。見在陶生林等軍計已抵肅。兵力較厚。著左宗棠飭令徐占彪激勵將士。奮力圍剿。迅拔堅城。毋任日久盤踞。丁卯。改山東文登協中軍都司爲陸路文登營都司。隸登州鎮總兵官統轄。庚午。諭軍機大臣等。劉嶽昭岑毓英奏攻克蒙化廳屬大小圍埂。岑毓英奏查明參將梁士美被仇刺殺辦理情形。擬派楊玉科進攻順甯等城。各摺片。蒙化廳屬賊黨。見已悉數殲除。事機順手。自應乘此聲威。迅將未復各城。力圖攻拔。岑毓英前派總兵段瑞梅蔡標等分攻順甯雲州二城。兵力尙單。著即責成

東華錄彙要

卷一百十三

同治十二年

十七

商務印書館印行

提督楊玉科親帶所部馳往。督同段瑞梅等併力進攻。肅清邊圉。大理府城一切善後事宜。著該撫懷遵前旨。酌度辦理。其騰越廳城。卽飭令李維述速籌規取。毋稍延緩。千總沈朝輔向助參將梁士美跋扈驕恣。旋因爭權懷怨。主使將梁士美刺殺。並誘殺紳士多人。聚衆謀爲不軌。拒抗官軍。實屬罪不容誅。業經格殺。洵足以申國法而快人心。其下手兇犯沈有能等。仍著該督撫飭屬嚴拏。毋任漏網。三月。壬午。張建基以病免。以林之望爲湖北布政使。癸未。上奉。慈禧端裕康慶皇太后

慈禧端佑康頤皇太后啓鑾謁。東陵。丁亥。清明節。上謂。定陵行數土禮。率

王以下文武大臣詣。隆恩殿行大饗禮。禮成。詣明樓前行辭謁禮。上奉。

慈禧端裕康慶皇太后。慈禧端佑康頤皇太后回鑾。庚寅。上奉。

慈禧端裕康慶皇太后。慈禧端佑康頤皇太后還宮。丙申。諭榮全奏伊

犁兵民盼救。並陳伊犁等處情形一摺。俄人之在伊犁者。見有一千餘衆。日向索倫

錫伯蒙漢人等勒索銀糧。蒙漢人等窘苦盼救甚殷。纏頭色得克等亦願反正歸誠。

榮全當隨時妥爲拊循。以便相機進取。至榮全接濟錫伯銀兩。俄官來咨不令管理。

榮全咨覆。謂錫伯係中國所轄之人。應由中國接濟。俄國無庸管理。義正詞嚴。所辦

榮全咨覆。謂錫伯係中國所轄之人。應由中國接濟。俄國無庸管理。義正詞嚴。所辦

甚。是。惟當將調兵集團及疏通道路運解軍火各事宜妥爲布置。用赴事機。俄商前往瑪納斯貿易。中途殺傷五十餘人。是否回匪冒名槍劫。著榮全確切查明。據實具奏。趙興體與瑪納斯回匪互殺。賊勢似可稍蹙。第首逆馬伏元漏網。而投誠之說。又未可深信。榮全仍當妥慎籌辦。隨時咨商景廉。激勵士卒。設法進兵。速將烏魯木齊及瑪納斯等處戡定。庶可併力西進。較之徵調內地兵勇。難易遲速。判若天淵。該署將軍想能體會此意也。丁酉。諭內閣。此次祇謁。東陵。謹於。定陵進東。擇有吉壤。復恭奉。慈安端裕康慶皇太后。慈禧端佑康頤皇太后親臨閱

視。敬奉。懿旨。普祥峪善陀峪卽定爲萬年吉地。欽此。朕仰體。慈懷。自應擇吉興工。普祥峪著派醇親王協辦。大學士全慶總管內務府大臣都統春佑工部右侍郎榮祿。善陀峪著派醇親王左都御史英元總管內務府大臣吏部左侍郎魁齡總管內務府大臣工部左侍郎明善前往敬謹辦理。己亥。以英元差務較繁。改派尙書英桂恭修。善陀峪萬年吉地工程。命前塔爾巴哈台參贊大臣富和赴烏魯木齊勦剿。甲辰。諭軍機大臣等。劉長佑奏越南國勢未能自強。援軍難以兼顧。一摺。越南近日情形。益加貧弱。黎裔等患近在國中。濱海地方。又爲法國蠶食。其

東華錄

卷一百十二

同治十二年

十八

商務印書館印

勢岌岌。幾難自存。越南前次變亂。業經調兵深入援應。以示懷柔。若長恃中國兵力。其勢斷難兼顧。兵法以逸待勞。自應先防後剿。不宜舍己從人。劉長佑閱歷較深。於此中機宜。必能洞悉。著隨時會商瑞麟統籌全局。慎固邊防。越南如有緩急。邊境防軍。即可遙爲聲援。相機進止。並著檄令覃遠璋等加意設防。嚴杜奸徒勾結。毋稍疏懈。馮子材入省會商後。如何情形。卽著詳細具奏。丁未。諭內閣。劉嶽昭等毓英奏官軍攻克順甯府城。並錫臘等處賊巢。及圍攻雲州獲勝一摺。雲南順甯賊匪。於官軍未到之先。出撲大小中山各營。經提督段瑞梅率師援剿。自正月二十八日至二月初七日。連日鏖戰。連破賊營碉樓三十二座。殺賊八百餘人。提督楊玉科分兵往攻錫臘。牽制賊勢。當將錫臘攻克。段瑞梅等復將橋頭山等處賊營木壘棚樓八十餘座。概行平毀。殺賊二千餘人。並將鳳山虎山攻克。乘勝直抵城下。開空地。晝夜圍攻。楊玉科督飭段瑞梅等分攻各門。一面架梯登城。一面由轟陷處衝入。節節掃蕩。至二十五日。將順甯府城收復。逆首馬得中等均已焚斃。雲州一路。於正月二十六及二月初二等日。疊經官軍剿擊。攻破附城河灣村賊營五座。其猛郎一帶賊巢。亦經次第攻破。剿辦甚爲得手。卽著激勵將士。迅將雲州騰越兩城奮力攻復。掃

除餘孽。以靖邊疆。移浙江烏程縣丞於楊濱橋。與大錢司巡檢。分管漣港事宜。夏四月。己巳。諭軍機大臣等。巴燕戎城克復後。陳湜飭令該處回族呈繳馬械。並將青科莊悍回懲創。以次戡定。卡勒等莊。見駐甘都工河岸。俟循化上四工回族縛獻醜類。盡繳馬械。諸事辦妥。再赴循化次第辦理。即著左宗棠等督飭陳湜。認真籌畫。慎以兵威。撫其馴順。以期一勞永逸。綏靖邊陲。白彥虎等逆由西甯出竄。圖援肅州。經楊世俊等軍探蹤截擊。疊挫賊鋒。該逆復與肅城踞賊夾撲圍城營壘。經徐占彪等督軍擊退。並襲破塔爾灣賊巢。賊膽益寒。紛紛潰竄。見在白彥虎已被槍傷。亟應乘此機勢。迅速殲除。其散竄南山各岔口者。左宗棠已飭甘州各防營搜緝。並咨商宋慶飭令分駐各營。就近捕斬。想可淨絕根株。至竄向大罕灘黑山峽之賊。人數雖不甚多。亦應一律追捕。仍著該督飭派官軍探蹤剿擊。悉數殲除。毋留餘孽。肅賊無援。必形窮蹙。左宗棠當飭令徐占彪等。盡力攻剿。速拔孤城。不得久稽時日。辛未。以瑞聯為熱河都統。調志和為盛京戶部侍郎。榮祿為戶部左侍郎。以訥仁為工部右侍郎。

東華錄摺要

卷一百十三

同治十二年

十九

商務印書館印行



東華錄摺要卷二百十三終

穆宗毅皇帝

癸酉同治十二年五月己卯。以王大經爲湖北按察使。

庚寅。

諭軍機大臣等。劉嶽

昭岑毓英奏官軍攻克雲州城池。剿辦川滇邊界匪徒情形。各一摺。記名提督楊玉科等於克復順甯後。進攻雲州。力戰月餘。先後斃賊甚多。旋於四月初二日攻破城池。逆酋悍賊悉數殲除。剿辦甚爲出力。見在雲州既克。軍威愈振。騰越等處之賊。自必聞風膽落。著劉嶽昭岑毓英督飭李維述等迅速攻剿。力圖掃蕩。一面飭楊玉科統軍繼進。合力圍攻。以期早日肅事。其小猛統等處賊黨。並著嚴飭官軍一律剿除。毋任久踞。川滇邊界游練。句結土匪。郭心齋在仁富鄉等處聚衆滋事。經昭通兵團會同川省防軍進剿。當將首匪擒獲。並斃餘黨數百名。地方業已肅清。辦理尙爲迅速。惟川滇連界地方。崇山密箐。路徑紛歧。賊黨此擊彼竄。難保無漏網餘匪。復行嘯聚。著吳棠劉嶽昭岑毓英飭令該地方文武舉辦團練。編查保甲。隨時認真緝捕。消患未萌。不可稍涉大意。此次在事出力文武員弁兵團。著准其附入興義府城案內。

東華錄要

卷一百十四

同治十二年

一

商務印書館印行

擇允保奏。辛丑。諭內閣。前據左宗棠奏。烏魯木齊提督成祿。前在高臺寺派捐輸。誣良爲叛。枉殺二百餘人。並虛報勝仗。籲請獎敘。請飭廷臣議罪等語。當經寄諭金順。令其兼程出關。接統成祿所部。一面傳旨將成祿革職。擄問。邊派員弁。押解來京。嗣復據御史吳可讀奏。成祿所犯情罪重大。請卽從重懲辦。本日據金順奏。已將成祿傳旨革職。擄問。派員押解赴京等語。已革提督成祿。昔派濫殺。情節極重。著卽解交刑部。聽候治罪。六月壬子。日本國使臣副島種臣。俄羅斯國使臣倭良嘎哩。美利堅國使臣鏤斐迪。英吉利國使臣威安瑪。法蘭西國使臣熱福理。和蘭國使臣費果孫。於紫光閣前瞻覲。並呈遞國書。癸丑。復設山東兗州府泉州通判。庚申。諭軍機大臣等。榮全奏。詳陳近日邊情。亟圖補救一摺。土爾扈特遊牧屢被哈薩克竊去馬匹。該蒙古未經報官。因認有原馬。卽將哈薩克馬羣趕來作質。雖有不合。而俄官聽信哈薩克一面之詞。不問曲直。大肆搶擄。將貝子固山達等拘執。赴伊。實屬非理。榮全見已行文俄國。查詢此事。卽著催令該國迅速咨覆。詳悉具奏。此事榮全務當妥爲辦理。毋任哈薩克倚勢妄行。以安蒙古。各處民團。榮全仍當設法鈴束。隨時招集安撫。俾爲我用。以輔兵力。該署將軍見擬派員赴庫爾喀喇烏蘇一帶。擇地安

營訓練。保衛地方。即著實力舉行。不得有名無實。金順著懷遵疊次諭旨。迅速出關。與景廉之軍聯絡聲勢。相機進取。以靖邊疆。乙丑。山東巡撫丁寶楨奏。按察使長庚請於陞見後。回旗補制。得旨。長庚著俟來京陞見後。賞假百日。在旗補制。丙寅。命英奎來京。以裕寬爲陝西按察使。丁卯。諭軍機大臣等。循化廳城既經收復。惟收輯難民甚多。一切善後事宜。亟應次第興辦。著左宗棠豫師飭令地方官認真經理。妥爲撫綏。以期一勞永逸。左宗棠所奏。三四月間官軍圍攻肅州。踞匪疊獲勝仗。與金順前奏情形。大略相同。見在宋慶所部提督蔣東才等營。亦已行抵肅州。偃城築壘。各營鎖圍嚴密。賊膽已寒。第窮極思竄。亦在意中。著左宗棠飭令徐占彪。宋慶督率各營。實力圍剿。務將此股賊匪就地殲除。毋得縱令他竄。致貽後患。至關外用兵糧石車駝。自應豫爲籌畫。方可師行無阻。自肅州一帶被賊蹂躪以後。籌辦一切。均屬不易。此種情形。朝廷亦所深悉。但以西路軍情緊要。未便置爲後圖。且景廉見已率隊進抵古城。後路尤須有軍策應。方可聯絡聲勢。節節進規。是以疊次嚴諭金順。剋期出關。以期迅赴戎機。茲據左宗棠奏稱。見在新穀未收。軍糧缺乏。驘駝亦值歇廠。怯熱之時。不能負重。若展遲兩月。於八月間拔隊西行。局勢似較穩。

東華錄學要 卷一百十四 同治十二年 一

商務印書館印行

慎等語。所籌亦保實情。惟白彥虎賊股。見又竄擾關外。安致玉等處情形緊急。盼兵尤切。金順仍當趕緊部署。統軍出關。相機剿辦。如一時實因糧運車駝。未能應用。或派撥數營。先行進發。以資接應之處。著金順酌度情形。妥籌辦理。金順需用糧石車駝等項。仍著左宗棠飭令該地方官速爲籌備。毋稍延誤。閏六月甲申。諭內閣。前據軍機大臣六部九卿會議。喬松年文彬丁寶楨並御史游百川所奏籌辦黃運兩河情形。當經諭令李鴻章妥籌辦法。據實詳細具奏。茲據奏稱銅瓦廂決口後。舊河身淤墊過高。歲久乾涸。無從修治。勢難挽復。淮徐故道。且於漕運無甚裨益。至借黃濟運。築隄東水。工程均無把握。與導衛濟運之法。同一難行。各等語。所奏頗爲詳盡。河流既難挽之使南。而利運又別無長策。李鴻章請仍由上海道轉運。令各督撫酌提本色若干運滬。由海船解津。其餘仍照章折解。以省運費。並隨時指撥漕折銀兩。採買接濟。著戶部通盤籌畫。妥議具奏。河流趨重山東。自應增立隄防。著即丁寶楨酌度形勢。將張秋利津一帶舊有民埝。加倍堅固。以資捍衛。其侯家林決口。見雖堵築合龍。仍恐民埝不能久恃。並著該撫於秋汛後。詳細勘估酌籌款項。將侯家林上下民埝。仿照官隄辦法。一律加高培厚。設法守護。沿河各州縣民人田地。久被淹

沒情殊可憫。即著查明分別奏請蠲緩錢糧。並將海口鹽場商運各事宜酌量變通辦理。至銅瓦廂決口以下蘭儀東明一帶地勢平衍。不可無遙隄以防泛濫。著喬松年就近察看。應如何量築隄埝。以資保護。即行悉心籌辦。准徐故道涸出舊河身。民間多有占種。該督所請酌議升科之處。著江蘇河南山東各督撫體察情形。妥籌具奏。另片奏請旨停止河運採買糧石推廣海運等語。著戶部議奏。丙戌。諭內閣。原任大學士朱鳳樓老成端謹。學問優長。由翰林洊擢正卿。疊司文柄。朕仰極後命。充上書房總師傅。簡任綸扉。管理部務。均能恪恭將事。克稱厥職。上年患病。疊經賞假調理。嗣因請開缺。准予致仕。賞食全俸。方冀調養就痊。遐齡永享。遽聞溘逝。悼惜殊深。著加恩追贈太子太保銜。賞給陀羅經被。派肅親王隆勳帶領侍衛十員。即日前往奠醊。所有任內一切處分。悉予開復。應得卹典。該衙門察例具奏。伊子主事朱其煊。著俟服闋後。以工部郎中遇缺即補。伊孫監生朱有基。著賞給舉人。一體會試。用示眷念。著臣至意。尋予祭葬。諡文端。諭劉嶽昭峯毓英奏官軍攻克騰越廳城。並各處賊巢。雲南全省肅清一摺。覽奏實深欣慰。雲南自雲州克復後。提督和耀曾督軍進攻小猛統。本年四月十五十六等日。該逆連次出撲。疊經官軍擊敗。生擒首逆僞大將軍馬應紅等。復乘勝由寨後禮拜寺攻入。殲賊多名。當將小猛統攻克。各軍進攻騰越廳城。三月初三初七等日。先後攻克烏土寨馬家村堅巢。並將城外賊營木城礮樓。概行掃蕩。直薄城下。李維述等督軍四面合圍。開挖地道。五月初三日。夜間轟陷城垣十餘處。各軍蟻附而進。該逆紛紛潰逃。官軍內外夾擊。殲除僞大司強馬汰廉等首逆二千餘賊。當將騰越廳城克復。全省一律肅清。仍著劉嶽昭峯毓英督飭各軍。將餘匪悉數剿滅。務絕根株。滇省逆匪。自咸豐六年倡亂以來。攻陷城邑。荼毒生民。十有八載。上年大理克復。巨憝伏誅後。其餘黨猶敢分踞順甯等處。負隅死抗。此次經劉嶽昭峯毓英等分飭各軍。以次攻拔。各該將士同心敵愾。迅速蕩功。深堪嘉尚。雲南巡撫岑毓英親臨前敵。調度有方。用能肅清全省。著賞加太子少保銜。該撫前經賞給副都尉世職。著加恩改爲一等輕車都尉世職。雲貴總督劉嶽昭籌備戰守。克竟全功。著賞穿黃馬褂。雲南開化鎮總兵楊玉科戰功卓著。前經賞給騎都尉世職。著加恩改爲一等輕車都尉世職。總兵李維述提督段瑞梅蔣宗漢徐聯魁均著賞給雲騎尉世職。丙申。詔戶部查各省畝捐摺捐及徵收丁漕違制者。次第奏請豁免。己亥。命刑部右侍郎廣壽赴奉天審辦案件。秋七月。己酉。

東華錄要

卷一百十四

同治十二年

三

商務印書館印行

諭軍機大臣等。金順奏攻克肅州東關。平毀賊卡一摺。肅州自合圍後。金順會商徐占彪宋慶添築礮臺。倡城轟擊。上月初六日。徐占彪督隊出賊不意。直登東城。各軍奮勇繼進。賊衆抵死抗拒。分股出城撲犯官軍營卡。冀圖牽掣各營。分投迎剿。大挫兇鋒。遂將東關攻克。並將蒲桃園賊卡平毀。悍賊悉數殲除。剿辦尙爲得手。東關攻克。城賊糧蓋將盡。已成檻獸釜魚。著左宗棠檄令徐占彪宋慶等併力環攻。嚴防賊匪衝突。迅將肅城剋期攻拔。聚而殲旃。毋稍鬆勁。肅州軍務得手。徐占彪宋慶兩軍足敷剿辦。白彥虎等股竄擾關外。勢甚猖獗。金順仍當懷遵疊次諭旨。迅帶所部兼程西進。爲景廉後路應援。毋稍遲滯。辛亥。諭軍機大臣等。劉長佑馮子材奏西隆西林踞匪悉數殲除。裁併各軍。並疊獲匪犯情形一摺。西隆西林兩屬之峯崗巖毛草坪等處賊巢。經官軍先後攻克。斃賊多名。惟該處近接黔疆。匪蹤出沒無定。難保無餘黨竄伏。仍著劉長佑等督飭該處地方文武。實力搜拏。以清餘孽。防剿越南各軍。見經馮子材簡汰挑留。分紮關內外。其鎮安歸順及各土州要隘。亦經覃遠璣派營分駐。即著檄飭該鎮道扼要嚴防。毋稍疏懈。吳逆餘黨蒙艾等。竟敢由越南潛回。勾結滋擾。雖經李獲正法。此外漏網者尙恐不少。劉長佑等仍當嚴飭沿邊各營。

東華錄要

卷一百十四

同治十二年

四

商務印書館印行

一體搜捕。務絕根株。並飭各該處地方官將善後事宜統籌全局。妥爲辦理。庚申。諭軍機大臣等。左宗棠奏攻克肅州外城情形一摺。與金順前奏大略相同。見在各軍已倡城添築營壘。併力轟擊。左宗棠又派員押解礮位。前往助剿。賊勢窮蹙。不難聚而殲旃。即著左宗棠飭令徐占彪會同宋慶。迅將肅州剋期攻拔。盡掃妖氛。毋令一名漏網。各營糧料轉運。自應按照人馬實數。覈實支銷。以免浮冒。見據左宗棠查明。除徐占彪所部有冊可稽外。宋慶馬步共作十八營。張曜馬步十四營。金順並按統城祿所部共作三十營。並將轉運章程分別籌畫。所奏甚爲詳悉。著照所議。將各該營應需糧料。照數源源接濟。毋令缺乏。經此次覈定後。各該營如有缺額。以少報多。冒領浮銷。即著該大臣隨時查明參奏。兵貴精不貴多。金順各營。自可汰弱留強。不必虛擁多營。耗軍需而無實際。著該前將軍酌度情形。從長計議。將各營歸併裁汰。查明實在數目。以便左宗棠設法供支。各省應解金順及接統成祿一軍協餉。著戶部查明。催令迅解。金順軍營。以資應用。毋得遲延。阿拉善旗採辦駝隻。意存推諉。且有擡價居奇情事。協理台吉阿布哩辦公未能踴躍。著理藩院飭令貢桑珠爾特忠迅速回旗承辦。以免貽誤。烏喇特等旗向係產駝之區。足供採買。著定安就近

飭令各該旗會同左宗棠委員盡力採辦。不准阻撓推諉。甲戌寶琦以病免。以麟爲兵部右侍郎。八月壬午。四川敘州府屬游匪滋事。官軍剿平之。戊子。召劉

嶽昭入覲。以岑毓英兼署雲貴總督。

九月己酉。

諭軍機大臣等。崇實奏剿辦賊

匪獲勝情形一摺。匪首莊洛三等在哈立套力改地方聚衆焚掠。分股圖犯朝陽縣。經崇實派令署知縣陳本植等帶隊進剿。立將股匪擊散。莊洛三率黨退回巢穴。官軍跟追圍剿。殲斃賊黨多名。賊始逃竄。該匪竄回靠邊屯。將家屬送往賓圖王旗藏匿。復被奉省官兵中途截擊。熱河馬隊焚毀賊巢。沿途追殺。擒獲悍黨屈福濱等。正法。剿辦尙爲得手。惟東荒地方遼闊。匪首莊洛三等見尙逃逸。著崇實督飭派出兵勇。及古北口練軍探蹤搜捕。都興阿亦當檄令奉省官兵會同兜剿。將首要各犯悉數殲除。以靖地方。癸丑。回逆竄偏科布多。諭署參贊大臣托倫布等嚴防。戊午。調察哈爾馬隊一千名。赴烏里雅蘇台防剿。丙寅。諭內閣。刑部奏已革烏魯木齊提督成祿押解到部。請旨辦理一摺。著軍機大臣會同刑部審訊。按律定擬具奏。冬十月壬午。丁寶楨乞假修墓。以文彬署山東巡撫。恩錫署漕運總督。甲申。以哈密固守城垣擊賊獲勝。辦事大臣文麟得旨嘉獎。賞副都統銜。戊戌。諭

東華錄要

卷一百十四 同治十二年

五

商務印書館印行

軍機大臣等。前據總理各國事務衙門奏。川省黔江縣民人毆斃法國司鐸教士。請飭查辦。當諭令魁玉等將此案詳細實情。先行具奏。並將案內正兇及從犯嚴緝務獲。訊明懲辦。茲據魁玉等奏稱。法國主教范若瑟遺教士張紫蘭潛赴黔江縣私買民房。建堂傳教。該縣民人將司鐸余克林教士戴明卿毆斃。與總理各國事務衙門前奏情形大略相同。見已擊獲正兇陳淙撥等六名。飭令西陽州知州羅亨奎等提犯研究下手正兇。稟候查辦。餘犯仍飭嚴緝。並飭涪州知州濮文昇前赴黔江。會同覆行相驗等語。此案究竟因何起釁。該將軍等並未敘明。如謂買房建堂。以致民教不和。滋生事端。該地方官事前豈毫無見聞。已獲之陳淙撥等六人。是否實係下手正兇。亦應確切根究。不得遷就了事。桂衢亨辦理不善。咎無可辭。著即行摘去頂帶。撤任。仍著魁玉吳棠懷遵前旨。將起釁實情。迅速查明具奏。並嚴究下手正兇。隨緝幫毆從犯。訊明分別懲辦。毋得一味拖延。任令該地方官含糊了事。並將見在辦理情形。隨時咨明總理各國事務衙門。毋稍延緩。己亥。諭軍機大臣等。肅州逆匪。經左宗棠與金順分督各軍會合圍攻。並各掘地道進擊。逆首馬四以勢蹙。詣營乞撫。經左宗棠等飭令呈繳爲械。點驗冊籍。九月二十三日。該大臣將逆首及各起兇

悍客回。悉數誅戮。卽於是夜克復肅城。覽奏實深欣慰。所有肅城善後及甘省一切事宜。應如何次第興辦。撫輯地方以資培養之處。著該大臣通盤籌畫。妥爲布置。前因關外軍情緊迫。疊諭金順統率所部出關。左宗棠揀派得力將弁前往助剿。茲據該大臣奏稱提督張曜夙嫻韜略。副都統額爾慶額勇幹有爲。均堪派令出關。會同剿辦。卽著知會張曜統帶嵩武全軍。額爾慶額統帶吉林黑龍江馬隊。會同金順馳往關外。迅掃賊氛。金順一軍勞乏過甚。自應略加整理。仍著該前將軍趕緊部署。卽率得勝之師。早日西進。不可過於延緩。左宗棠務將各軍糧運妥爲籌備。俾利師行。安設轉運糧臺一節。該大臣請於戶部堂官內揀員總司其事。並令選派廉幹司員攜帶帑銀出關辦理。著候旨遵行。惟糧運事宜。必須地方大吏督率。呼應方靈。卽使派員前往。仍須該大臣會同籌辦。方能有濟也。袁保恆著賞假三箇月。俾令回籍省視。所有西征糧臺事宜。著左宗棠知照袁保恆。將見辦事宜趕緊完竣。並遴派妥員暫行接管。袁保恆一俟假滿。卽行赴陝經理。毋稍遲延。以克復肅州。賞提督徐占彪雲騎尉世職。蔣東才陳春萬黃馬褂。徐升敘有差。庚子。諭內閣。昨因肅州克復。降旨將在事出力之徐占彪等。分別優獎。因思陝甘逆回擾亂。十有餘載。勢極披猖。自簡任左宗棠總督陝甘。數年以來。不辭艱苦。次第剿除。此次親臨前敵。督飭將士克復堅城。關內一律肅清。朕心實深嘉悅。自應特沛殊恩。用昭懋賞。左宗棠著以陝甘總督協辦大學士。該大臣前經賞給騎都尉世職。並著改爲一等輕車都尉世職。將軍金順督軍助剿。共奏膚功。洵爲奮勉。著開復革職處分。甲辰。諭內閣。前據左宗棠奏肅州克復。關內一律肅清。先後降旨。將左宗棠等及在事出力各員。優加獎勵。因思該省各路統兵大員。或扼要設防。或相機雕剿。同心協力。共奏膚功。允宜一體施恩。以彰勞勩。將軍金順助攻肅州。已加恩開復革職處分。著再賞還黃馬褂。花翎。清字勇號。以示鼓勵。穆圖善前署陝甘總督。統兵剿賊。懋著勤勞。此次移紮涇州。扼賊紛竄。亦屬得力。著賞給雲騎尉世職。提督宋慶駐軍陝西邊境。屢挫賊氛。迨調赴甘肅。合攻肅州。尤爲奮勇。張曜扼紮甘肅甯夏郡城。剿辦王家疇等處踞匪。地方得以安謐。近由涼州馳赴肅州。勇往可嘉。宋慶張曜均著賞戴雙眼花翎。副都統銜西甯辦事大臣豫帥會同左宗棠辦理西甯招撫事宜。復在平番防剿得力。著賞給頭品頂帶。其辦理西征糧臺之二品頂戴詹事府詹事袁保恆籌解軍餉。始終無誤。亦著賞給頭品頂戴。見在關內肅清。亟應乘此聲威。將關外各處竄匪。次第掃

除著金順督率所部迅赴古城會同景廉進剿。○圖善著即派隊赴安西敦煌玉門一帶扼紮。妥籌防剿。以壯聲援。哈密尙未解圍。張曜著與宋慶統帶所部一同馳往哈密。與文麟明春會同剿賊。以厚兵力。該將軍等務當奮迅圖功。殄除醜類。川副委任。所有出關各軍轉運糧餉。關繫緊要。著左宗棠認真督辦。源源接濟。毋任缺乏。十一月乙卯。諭內閣。朕於明年二月二十四日恭奉 慈禧端佑康頤皇太后。 慈安端裕康慶皇太后。

還宮。所有應行事宜。著各該衙門照例敬謹豫備。丙辰。命盛京工部侍郎奕慶

留京當差。調戶部右侍郎桂清爲盛京工部侍郎。己未。諭軍機大臣等。禮部奏越南使臣齎到該國王奏疏鈔錄呈覽一摺。據該國王奏稱。河陽興化諸匪巢。獨力攻剿。顧此失彼。山興宣三轄。蔓匪仍復猖獗。請飭派兵會剿等語。越南國邊地被匪竄擾。前經諭令馮子材督飭官軍出關剿辦。嗣以兵勇不宜久駐外國。且慮有騷擾情事。是以疊准劉長佑等奏。將各營陸續撤回。茲據該國王具疏籲請。朕瞻顧藩封。殊深軫念。此時粵西官軍如令出境剿匪。究於該國有無裨益。且不至別滋事端之處。著劉長佑馮子材悉心妥籌。迅速具奏。並著禮部傳令該國王知悉。以崇締爲

東華錄要

卷一百十四

同治十二年

七

商務印書館印行

戶部右侍郎。辛酉。諭軍機大臣等。劉長佑奏越南各匪肆擾。見飭粵軍防剿。並籌保衛邊境一摺。越南各匪。在宣光河陽一帶。分股擄劫。據報法國帶兵攻破越南河內省城。官多被擄。兵有傷亡。並有黃逆崇英與陳四黎大各匪乘機攻襲太原山西奸民游勇蟻附。鴟張之信。北甯見亦戒嚴。刻下越南各匪。乘機肆擾。深恐該逆假冒外國名色。或勾結爲患。必致又起釁端。粵西太鎮南甯三府。均與粵南毗連。該處止有劉玉成覃遠璣兩軍。兵力甚形單薄。見越南吏官踵營求救。自應相機防剿。以顧外藩。著瑞麟張兆棟迅即撥兵數千名。由欽州徑出關外。約會援剿。或繞赴西省南太地方。協同堵擊。並著劉長佑飭令劉玉成等軍酌度情形。認真剿辦。仍著瑞麟等查照前次奏撥之案。按月籌解餉銀二萬兩。以資接濟。粵軍於邊關內外。堵剿越南各匪。與法兵絕不相涉。著總理各國事務衙門即行照會法國使臣。轉飭鏡照。毋令別滋事端。壬戌。諭軍機大臣等。景廉奏援軍抵哈。擊賊獲勝。立解城圍。並探聞餉銀被劫各摺片。景廉所派之吉爾洪額等軍。於八月間到哈。在泥基頭地方。與賊接仗獲勝。復會同威儀營官軍。將回城收復。並攻破南湖賊營。辦理尙屬得手。惟據探白彥虎股匪。由五堡分股奔竄。並有撲犯古城之信。亟應迅速截剿。即著景廉飭

令吉爾洪額等拔隊回古。並飭派出各營奮力殲除。母任紛竄。景廉餉銀。在科布多所屬察漢通古臺。被賊搶劫。卽著咨明托倫布等派員一體詳查。哈密解圍。疊據各路奏報。文麟何以日久尙未據奏。著卽迅速奏聞。明春業經到哈。著與文麟會商。將該城防守事宜。悉心籌畫。毋稍疏虞。匪蹤飄忽靡常。烏里雅蘇台所屬諾木托羅蓋等處。已有匪蹤竄擾。仍著常順等飭令達密爾確切偵探。妥籌防剿。迅掃逆氛。所有此次剿匪出力人員及陣亡兵勇。著景廉查明分別奏請獎勵。移雲南提標右營遊擊駐蒙化廳。鶴麗鎮標右營都司駐麗江府城。劍川營都司駐喇雞鳴。臨元鎮標左營都司駐臨安府屬曲江驛。鶴麗鎮標右營右哨千總駐劍川州城。添設激江營遊擊守備各一。千總把總外委共十六。甲子。予故前任浙江提督鄭魁士祭葬。諡壯烈。庚午。諭喬松年等疏濬運河。壬申。諭內閣前據軍機大臣會同刑部審明已革烏魯木齊提督成祿罪名。比例擬以斬立決。聲明應否改爲斬監候。恭候欽定。旋因御史吳可讀奏請將成祿立正典刑。當令御前大臣大學士六部九卿再行覈議。定擬具奏。茲據該王大臣等奏稱成祿罪名。仍照原議辦理。其未經畫稿之通政使于凌辰。大理寺卿王家璧。亦據另摺陳明。均無異議。成祿著改爲斬監候。餘

均照軍機大臣等所請辦理。甲戌。諭軍機大臣等。魁玉吳棠奏蠻匪滋事。官軍剿撫兼施。地方見已靜謐。一摺。四川峨邊廳境蠻匪蠢動。經魁玉等派兵剿捕。殲擒悍目數人。該蠻衆窮蹙畏懼。先後投誠。該將軍總督擇其樸誠可靠之人。令充千百戶。設立夷兵夷約。並將建築修堡等事宜。次第舉行。辦理尙爲妥協。惟探民支蕃族衆。全在地方官撫馭得宜。魁玉吳棠務當督飭所屬將善後各事宜。妥爲籌辦。並隨時捐循防範。以杜亂萌。毋稍大意。十二月。庚辰。移浙江黃巖鎮總兵官於海門衛。爲海門鎮總兵官。改甯海左營守備一。千總二。把總四。外委三。隸海門鎮左營管轄。戊子。郭柏蔭以病免。以吳元炳爲湖北巡撫。涂宗瀛爲湖南布政使。崇福爲湖南按察使。以崇實爲刑部尙書。以賈壽慈爲左都御史。劉有銘爲刑部左侍郎。以殷兆鏞爲吏部右侍郎。宋晉爲戶部左侍郎。庚寅。諭內閣。前任陝西巡撫劉蓉。前因剿賊失利。降旨革職。茲據王文韶奏。劉蓉於本年十月間。在籍身故等語。該員前在湖南湖北四川陝西等省。曾著戰功。所有前得革職處分。著加恩開復。命工部右侍郎宜振恭辦。普祥峪萬年吉地工程。召王凱泰入覲。以李鶴年兼署福建巡撫。

甲戌。同治十三年。春正月。庚戌。諭劉坤一等嚴緝江西教匪。甲寅。諭軍機大臣。

等王文韶奏楚軍追剿丹古亂苗逸賊悉數殲除防境肅清一摺。苗匪李官保等勾結古州逆酋李公雞。於上年十月間。竄至哨刀地方。經王文韶飭提督龔繼昌等會合黔軍進剿。先後斃賊多名。並將首逆李官保等生擒正法。李公雞乘夜逃逸。復經我軍擒獲梟示。防境均已肅清。在事出力各員弁。准其彙案擇尤保奏。惟苗民性多反覆。難保不別滋事端。仍著曾璧光督飭地方官妥爲鎮撫。將善後事宜。次第興辦。毋令再生反側。王文韶當於湘黔交界一帶隨時防範。如有苗匪稍形蠢動。即當不分畛域。會籌剿辦。以遏亂萌。丙辰。命翰林院編修張英麟檢討王慶祺在弘德殿行走。丁巳。諭軍機大臣等。瑞麟張兆棟奏越南股匪。與法國兵互相攻擊。情形未定。擬請固守邊圍。相機籌辦各摺片。法南與越南構兵。踞其河內省城。股匪劉泳幅等乘機肆擾。與法兵互相攻擊。見聞法國已與越南議和。因股匪猖獗。回國添兵往剿。該國事勢紛紜。情形未定。自當扼要駐紮。固守疆圍。未便越境用兵。轉致生事。瑞麟等已檄鄭紹忠帶勇二千名。馳赴欽州附近扼紮。著飭令該總兵隨時查探。遇有越南匪徒竄至邊界。立即會同地方文武。實力堵剿。其洋面交界處所。並著認

東華錄彙要 卷一百十四 同治十二年

九

商務印書館印

眞防堵。母任竄越粵西防軍。向紮越南高平諒山二省。已由瑞麟等知照法國領事。毋得進兵侵犯。該處楚軍。亦不向河內轄境前進。免致互啓猜疑。有傷和好。著劉長佑飭令覃遠雅等遵照辦理。太鎮南甯三府。均與越南毗連。該撫當妥爲布置。以固邊防。廣東按月應協廣西餉銀二萬兩。仍著瑞麟等隨時籌措。源源接濟。毋稍推諉。辛酉。趣金順赴古城會景廉等規復烏魯木齊各城。丙寅。允常順等奏調察哈爾新兵五百名。駐科布多。撤分駐科城之吉林黑龍江官兵。回烏里雅蘇台。裁烏城原駐蒙古防兵。庚午。以黃鈺爲刑部左侍郎。二月。甲午。裁江南淮揚鎮遊擊一守備。把總各二。外委六。兵二千四百三名。丙申。諭軍機大臣等。岑毓英奏探聞越南軍務喫緊。籌辦滇省邊防一摺。越南河內省城。被法國帶兵攻破。並匪徒黃崇英等乘機攻襲太原山西。勢頗猖獗。雲南開廣臨安轄境。與越南所屬宣光等處接壤。恐有外匪闖入。句結該處回夷滋事。岑毓英見派提督李文益等馳往探明賊情。將沿途堵防事宜。豫爲布置。即著飭令該員等。會同地方官隨時認真防範。以期有備無患。越南各匪鴟張。該撫慮其假冒外國名色。滲入滇境。或捏稱滇省兵練。傷及法人。啟啓釁端。著總理各國事務衙門。照會法國使臣。轉行見駐越南之領事各官。

俾知滇省派兵防邊。係堵剿越南各匪。與法兵不相干涉。毋啓猜疑。如欲遊歷入滇。俟越南平靖。道路暢通後。方可前往。岑毓英惟當隨時加意籌畫。慎固封守。期於中外相安。以免另生枝節。另片奏巴蠻不時竄擾。擬撥隊巡防等語。著照所議。即將昭通等處標兵挑補足額。分派一半。前往金沙江外駐紮巡守。輪替更換。勤加操練。前設勇營。著即行裁撤。以復營制而固邊防。丁酉。上奉 慈安端裕康慶皇太后。

慈福端佑康頤皇太后啓鑾謁西陵。辛丑。上奉 慈安端裕康慶皇太后。

慈福端佑康頤皇太后回鑾。三月甲辰。上奉 慈安端裕康慶皇太后。

慈福端佑康頤皇太后還宮。丙午。命吏部尙書寶璽

協辦大學士。甲寅。上幸圓明園。還宮。乙卯。以倉景恬爲雲南按察使。辛

酉。追予故貴州巡撫蔣霽遠諡勤建祠。以貴州軍務肅清。予劉嶽昭會璧光周

達武優敘。提督何世華等世職。獎擢有差。予陣亡總兵官鄧仁相等祭葬世職。辛

未。諭總理各國事務衙門奏。吶嚨使臣來津。請派大臣辦理等語。已另有諭旨派

李鴻章爲全權大臣。與該國使臣會商事務矣。吶嚨國前有虐待華工之事。李鴻章

務將此事與之辯論明晰。先立專條。再議通商條約事務。本日簡派全權大臣諭旨

東華錄要 卷一百十四 同治十二年 十

商務印書館印行

一道。一併發往。如該使臣索看憑據。即著李鴻章另行恭錄。給與閱看。俟議辦事畢。此旨仍繳還軍機處備查。命欽差大臣大學士直隸總督李鴻章與吶嚨國使臣

會商事務。夏四月丁丑。大學士單懋謙因病乞休。允之。俄羅斯國使臣布策等

於紫光閣前瞻覲。戊寅。諭軍機大臣等。前據總理各國事務衙門奏。日本兵船

見泊廈門。聲稱借地操兵。並據英國使臣及南北洋大臣咨報。該國有事臺灣生番

地方。當派沈葆楨帶領輪船兵弁。以巡閱爲名。前往臺灣一帶。密爲籌辦。福建布政

使潘蔚早經陸辭出京。即著馳赴臺灣。幫同沈葆楨。將一切事宜。妥爲籌畫。會商文

煜李鶴年及提督羅大春酌量情形。相機辦理。潘蔚見在行抵何處。並著張樹聲查

明催令迅速赴閩。兼程前往。不得稍涉遲延。庚子。諭軍機大臣等。總理各國事

務衙門奏俄人久踞伊犁一摺。榮全前與俄官會議收回伊犁。迄無成說。近更覘覷

伊城附近地方。該國駐京使臣布策。經總理各國事務衙門與之剖辯。允爲行查。彼

國。其言未足深恃。若再不亟圖進取。辦理更無把握。察哈爾馬隊。計已馳抵塔城。榮

全兵力稍厚。著即將各營力加整頓。先期布置。一面與景廉各軍。聲息相通。妥爲籌

畫。毋誤事機。瑪納斯烏魯木齊等城。必須剋期收復。方可爲規復伊城進步。著左宗

棠

棠催令出關諸軍迅速西進。會同景廉籌商進剿。迅將各城踞賊次第蕩平。期與榮全聲勢聯絡。以靖邊氛。辛巳。上幸圓明園。還宮。癸未。以關內道路疏通。甘肅安敦玉三州縣。仍歸總督節制。丙戌。諭軍機大臣等。總理各國事務衙門奏。日本國兵船已赴臺灣。各國船隻亦有駛往福建洋面情事。請旨責成前派大員安速籌策一摺。據稱接李宗羲咨函內稱。日本國兵船於三月下旬。有駛進廈門海口者。有前往臺灣由琅璦地方登岸。並無阻問之人。英國水師提督亦選兵船往臺灣。迤南巡查。並聞日本購買輪船。裝載軍裝糧餉。法國及日本兵船均已抵廈。日本兵共八營。俱在臺灣東海旁起岸。欲攻生番。本月初間。始准李鶴年函稱。臺灣道稟報。二月間日本水師官同夥一人。抵琅璦柴城一帶。查看牡丹社等處形勢繪圖。並聲稱牡丹社係屬番界。彼自尋覓。在我勢難禁止等語。生番地方。久隸中國版圖。與臺灣唇齒相依。日本相距尤近。且各國均有兵船駛往。臺灣道視為番界尋覓。勢難禁止。實屬不知緩急。見在日本兵船已赴臺灣。且有登岸情事。亟應迅籌辦法。沈葆楨著授為欽差辦理臺灣等處海防兼理各國事務大臣。以重事權。所有福建鎮道等官。均歸節制。江蘇廣東沿海各口輪船。准其調遣。俾得與日本及各國按約辯論。而

於征調兵弁船隻等事。亦臻便捷。該大臣接奉前旨。計已馳赴臺灣一帶。著即體察情形。或諭以情理。或示以兵威。悉心酌度。安速辦理。並與潘蔚隨時慎密籌辦。一面會商文煜李鶴年等。督飭鎮道妥為布置。期於消息方萌。不得稍涉大意。一面將見在辦法及臺灣如何情形。迅速奏聞。除江蘇廣東沿海各輪船用款。仍由各該省撥給外。所有該大臣需用餉銀。著文煜李鶴年籌款。源源接濟。毋任缺乏。應調官兵。並著李鶴年迅速撥派。毋誤事機。宋廷春以病免。以潘鼎新為雲南布政使。己丑。陝甘總督左宗棠奏。請將陝西省延綏陝安漢中各鎮協營。仍歸總督節制。以復舊制。從之。丙申。移直隸任縣管河縣丞。改駐荷各莊。丁酉。賜陸潤庠三百三十七人進士及第出身有差。諭軍機大臣等。李鶴年奏。日本國兵船已與生番接仗。見籌防範一摺。日本並不違約回兵。已與生番接仗。即日移營進剿。該國見到輪船七隻。尙有鐵甲船及堅固兵船未到。此時釁端已開。自應先事布置。嚴密設防。以期有備無患。江蘇廣東沿海各口輪船。前已有旨准歸沈葆楨調遣。李鶴年亦擬添調直隸江蘇輪船赴閩防範。應需輪船若干隻。即著李鴻章李宗羲張樹聲瑞麟張兆棟如數發往。以壯聲威。日本被傷者。是否止係數人。至生番有無被殺被傷之人。未據該

督奏及。生番既居中國土地。卽當一視同仁。不得謂爲化外游民。恣置不顧。任其慘遭荼毒。事關海疆安危大計。未可稍涉疏虞。致生後患。著沈葆楨懷遵疊次諭旨。隨時與潘霽籌畫。會商文煜李鶴年辦理。總當消弭邊釁。豫遏詭謀。方爲不負委任。李鶴年所籌自強之策。有無把握。是否辦有端倪。不得以空言塞責。致誤事機。己亥。改江蘇蘇松鎮左營守備爲中營陸汛守備。並改補千總外委各一。五月壬寅朔。

諭瑞麟等奏越南匪徒情形分別籌辦一摺。據稱法國已與越南議和。並與越南合兵剿辦股匪。驅逐流民。該匪等有願回內地投首之人。見籌辦法等語。越南匪徒一經法國會剿。難保不奔竄邊境。著瑞麟等分飭沿邊帶兵各員。隨時偵探。嚴密設防。如竄回各匪。仍敢持械滋擾。卽著實力堵剿。毋任竄入內地。其投首之匪。尤應詳查。如實係真心悔罪。自拔來歸。卽飭令交界地方各官。妥爲收撫。不准攜帶軍器。其中有無在內地犯案之人。瑞麟等仍當分別辦理。並飭各本籍地方官嚴加管束。毋令滋生事端。如有流著難民。遷回內地者。妥爲安插。總之爲剿爲撫。該督等務須妥慎籌辦。不可稍涉輕率。致貽後患。以重邊防。壬子。上幸圓明園。還宮。諭軍機大臣等。沈葆楨等奏據報臺灣近日情形一摺。日本已分三路進攻番社。生番逃

散。遂將牡丹社等處焚燒。並欲攻龜仔丹社乘隙尋仇。意圖深入。若再不亟籌辦法。則生番更遭荼毒。沈葆楨已與潘霽起程赴臺。邀集各國領事。公評曲直。若能斂兵回國。自可消弭釁端。儻仍悍然不顧。不得遷就因循。轉誤事機。沈葆楨與潘霽相度機宜。悉心籌辦。應如何調撥官兵前往藉壯聲勢之處。著會商文煜李鶴年妥速布置。以維大局。本日有旨諭令王凱泰卽行起程回任。毋庸來京陛見。該撫回任後。著李鶴年隨事和衷商辦。以期共濟時艱。甲子。命崇實馳赴山海關查辦事件。

辛未。撥德州駐防旗兵二百名。青州一百名。河南五十名。荊州五百五十名。移補杭州駐防兵額。六月甲戌。上幸圓明園。還宮。己卯。諭軍機大臣等。沈葆楨等奏理諭倭將稍有端倪。仍遵旨加緊籌防。並請飭彭楚漢帶隊赴臺各摺片。潘霽偕道員夏獻綸等。於五月初八日馳抵琅璠。與日本中將西鄉從道反復辯論。逐條窮詰。西鄉從道理屈詞窮。旋以所用兵費無著爲言。復經潘霽據理駁斥。彼請一面致書柳原前光。一面寄信該國。暫不添兵前來。前據文煜等奏擬留羅大春駐紮廈門。當經降旨仍令迅卽渡臺。辦理淡水一帶防務。並諭李鴻章檄飭彭楚漢迅赴本任。沈葆楨等此時計可接奉前旨。所陳臺灣南北路布置情形。及令曾元福提倡鄉

團各事宜。卽著督飭該員等悉心籌辦。務臻周妥。並偵探日本情形。隨時詳悉具奏。潘霽在瓊橋時。傳各社生番頭目。至者百數十人。皆稱懇求保護。並願設官經理。永隸編氓。仍著沈葆楨等遵奉疊次諭旨。妥爲收撫。所有奏調之前澳鎮總兵吳光亮。浙江候補道劉璈。著瑞麟楊昌濬派令迅往臺郡。用資任使。閩省輪船不敷調撥。江蘇廣東沿海各口輪船。前有旨准歸沈葆楨調遣。卽著於滬局添調數號。由吳大廷督帶駛往。命前任陝甘總督楊岳斌湖北巡撫曾國荃山東巡撫閻敬銘江蘇巡撫趙德轍丁日昌浙江提督鮑超山西按察使蔣益澧兩淮鹽運使郭嵩燾來京陛見。辛卯。諭沈葆楨等奏續籌防務情形一摺。日本復到輪船一隻。裝兵二百餘人。帶有鐵練農器等件。又有輪船駛往後山一帶。意存覬覦。亟應厚集兵力。益嚴警備。提督唐定奎一軍。著李鴻章檄令星速拔隊。兼程前進。並著沈葆楨李宗義張樹聲遵奉前旨。分別飭調船隻。妥爲豫備。俾得迅到防所。以壯軍威。臺灣南北路防守事宜。均甚緊要。澎湖守備空虛。見添募勇丁一營。是否足資捍禦。沈葆楨等務當督飭張其光夏獻綸等妥籌布置。嚴密防守。北路淡水等處。前論羅大春前往督防。該提督此時當已渡臺。並著該大臣等與之會商。相機籌辦。日本遣人往句卑南社番。

東華錄學要

卷一百十四

同治十三年

十三

商務印書館印行

經沈葆楨等將該番目陳安生等招致來郡。潘霽見擬駐營鳳山。就近相度形勢。次第撫綏。惟日本既約牡丹社生番議和。並以王字社生番不肯議和。有進兵往攻之說。沈葆楨等應如何聯絡番衆之處。務宜設法妥辦。福州廈門一帶。文煜李鶴年王凱泰見在如何籌防。著卽區畫周密。詳悉奏聞。丁酉。命服闋內閣學士翁同龢仍在弘德殿行走。秋七月。乙巳。諭軍機大臣等。沈葆楨等奏臺灣南北路防守情形。請飭淮軍迅速來臺一摺。日本兵營壘聚龜山風港等處。不時游弋各莊。且有脅逼大烏萬千仔吊二社到營說和。及在茄鹿塘哨探情事。沈葆楨見飭王開俊由東港進紮枋寮。戴德祥由鳳山填紮東港。潘霽與曾元福等馳赴鳳山。招募土勇。激勵鄉團。並於海口要隘。催建兵棚。以備淮軍分紮。臺北諸路。以夏獻綸所部一營駐紮蘇澳。擬就淡蘭添募土勇兩營。以厚兵力。並開通山路。卽可分移。歧萊各處墾荒布置。尙屬周妥。卽著沈葆楨飭令派出各軍。認真防守。毋稍疏虞。並令潘霽等將生番各社。設法招徠。俾爲我用。倭人雇墨西國船隻被傷一案。並著沈葆楨文煜李鶴年王凱泰飭令夏獻綸速行辦結。仍一面招撫歧萊各處生番。剴切曉諭。毋爲利誘。省城各路海防。文煜等務當嚴密布置。見在濟安等輪船次第駛回臺灣。南北防務。略

有端倪。沈葆楨等惟當慎密防維。固不可掉以輕心。亦不宜冒昧從事。總期審度機宜。悉心籌畫。以副委任。唐定奎所帶徐州洋槍隊十三營。見在會否起程。李鴻章李宗義張樹聲飭令該提督迅速赴臺。以資得力。戊申。裁雲南琅鹽井提舉缺。改爲石膏井提舉。己酉。諭軍機大臣等。劉長佑奏見籌剿撫越南匪徒。及越南近日情形一摺。法人與越南會剿各匪之議。未可遽信。則粵軍未可遽撤。匪徒未可遽招。劉長佑所籌各情。詳審周密。實爲切中窾要。見在法人原駐河內者。漸次退出。其大小洋船。亦皆退泊左金港口。有俟涂普義來時。仍欲進紮省城。及勒令南官往勸劉泳福讓出河路之說。用意殊屬叵測。粵軍駐紮高諒。旣爲越南聲援。又自固疆圍。見在黃崇英股匪屢爲劉泳福所敗。復爲滇省開化練勇所截。機會大有可乘。劉長佑已飭徐延旭趙沃體察越南賊勢軍情。籌辦剿撫。仍著該撫隨時密授機宜。以期於事有神。粵東官軍查辦積匪。漸次肅事。即可進駐欽州。遙爲犄角。著瑞麟張兆棟會商劉長佑協力通籌。俾兩省邊防。同臻鞏固。總期安本境而綏藩服。此中大有權衡。該督撫等必能籌畫盡善也。徐延旭等到防後。如何辦理情形。著劉長佑詳悉具奏。壬子。命左宗棠大學士。仍留陝甘總督任。授烏魯木齊都統景廉爲欽

東華錄 卷一百十四 同治十三年

商務印書館印行

差大臣督辦新疆軍務。正白旗漢軍都統金順幫辦軍務。戊午。撥巴里坤戰馬三百匹赴哈密軍營。己未。諭內閣。朕於八月二十七日啓鑾。駐蹕南苑。九月初六日還宮。庚申。比利時國使臣謝惠施等三人於紫光閣前瞻覲。乙丑。諭軍機大臣等。奕榕奕艾奏甯古塔城被匪闖入。旋經收復。見在搜剿餘匪一摺。甯古塔地方。突有馬步賊匪三百餘名。分股撲城。署副都統雙壽未能抵禦。被匪闖入城內。見在雖經烏勒興阿等將賊擊退。收復城池。惟賊衆分股竄逃。難免不散而復合。刻下各處馬賊未盡剿除。儻再勾結蔓延。爲害實非淺鮮。著奕榕等咨令烏勒興阿雙壽督飭兵勇。協同派出官兵。實力搜捕。務將此股竄匪悉數殲除。毋令乘閒遠颺。復圖嘯聚。甯古塔地方緊要。該處官兵當如何嚴密防守。以免疏虞。乃賊匪僅有三百餘名。該城即行失守。是平時武備廢弛。已可概見。署副都統協領雙壽著摘去頂帶。俟回協領任後。仍帶革職留任處分。並著奕榕等責令迅將餘匪盡行殲滅。以觀後效。如再不知愧奮。即著嚴參懲辦。八月辛未朔。申諭吳棠查拏四川會匪。並嚴禁晉役苛擾積弊。壬申。諭軍機大臣等。沈葆楨等奏臺灣近日情形。力籌防務。並北路倭案辦結。屯番槍傷生番。見飭嚴辦。及閩廠輪船懇准續造各摺片。日本兵船

在後灣楓港一帶。日以蓋兵房掘濠溝豎竹圍爲事。意圖招誘番衆。恫喝村民。日久相持。情形漸怯。見在淮軍業經到臺。羅大春已抵蘇澳。夏獻綸招募楚勇。亦已成軍。澎湖地方。見借海關凌風輪船駐彼教習。閩廠六船隨同操練。防務漸臻嚴密。彼族自無隙可乘。惟中路水沙連秀姑巒一帶。爲全臺適中之區。地方最爲緊要。刻下該處社寮。竟有教堂數處。並有逃匪逋匿其間。沈葆楨等見擬募兵前往。卽著與文煜。李鶴年。王凱泰。潘霽。迅速籌商。妥爲調派。一面撫綏番衆。搜捕匪徒。一面開路設防。力求固守。安平礮臺。並著沈葆楨等設法興築。臺城倒塌千有餘丈。見經費款分修。著卽飭令周懋琦等認真經理。務期修築鞏固。電綫雖可緩圖。鐵甲船必不可少。卽使議購有成。將來仍應鳩工自造。目前尤須講求駕駛之法。沈葆楨等惟當切實籌辦。力圖自強。閩廠輪船。卽照所請。准其續行興造得力兵船。以資利用。北路倭案。已經辦結。沈葆楨等請將稅務司好博遜酌給獎勵之處。著該衙門議奏。屯番槍傷生番。亟宜速爲查辦。張其光正在下淡水一帶辦理招撫事宜。何以聞信不行馳往拏辦。迨回郡城後。復不與沈葆楨言及。實屬不知緩急。此案關繫撫番全局。豈容置若罔聞。著沈葆楨等嚴飭張其光將屯番拏獲懲辦。以安人心。儻該總兵再行辦理。顯

東華錄彙要

卷一百十四

同治十三年

十五

商務印書館印行

預。卽著沈葆楨等據實奏明。從嚴參處。調寶璽爲兵部尙書。英桂爲吏部尙書。都察院左都御史英元卒。予祭葬。諡恭毅。甲戌。調載崇爲刑部右侍郎。崇綸爲吏部右侍郎。以慶陞爲戶部右侍郎。己卯。吏部以大學士左宗棠應授何殿閣請。得旨。左宗棠著授爲東閣大學士。壬午。申諭都興阿嚴緝奉天馬賊。戊子。調黑龍江馬隊官兵五百名。助剿吉林馬賊。己丑。以興京城守尉一缺。責任繁重。命加副都統銜。著爲例。乙未。諭內閣。見在大軍陸續出關。著派欽差大臣。大學士。陝甘總督。左宗棠。督辦糧餉。轉運一切事宜。內閣學士袁保恆。著作爲幫辦。並將西征糧臺移設肅州。著袁保恆前往該州駐紮。詔各直省督撫酌裁釐局。禁種罌粟。九月壬寅。賞內閣學士松淮。副都統銜爲駐藏大臣。丁未。諭內閣。大學士兩廣總督瑞麟。老成端恪。練達勤能。歷受先朝知遇之隆。落升卿貳。入贊樞機。迨咸豐三年。特命赴直隸。天津等處。督兵剿匪。克奏膚功。朕御極以後。簡授廣州將軍。調任兩廣總督。在粵十年。練兵訓士。綏靖邊疆。辦理地方事宜。均臻妥協。旋晉綸扉。仍留總督之任。敷歷中外。懋著勤勞。前因患病。賞假調理。方冀漸次就痊。長承恩眷。茲聞溘逝。悼惜殊深。著加恩追贈太保。照大學士例賜卹。入祀賢良祠。任內一切處分。悉

予開復。應得卹典。該衙門察例具奏。准其入城治喪。其靈柩回旗時。著沿途地方官妥爲照料。伊子候選知府懷塔布。著俟服闋後。以四品京堂候補。主事佛呢音布。著賞給員外郎。花沙布哈芬布。均著俟百日孝滿後。由該旗帶領引見。用示朕篤念耆臣至意。尋予祭葬。諡文莊。以英翰爲兩廣總督。未到任前。以廣東巡撫張兆棟兼署。調吳元炳爲安徽巡撫。以翁同爵爲湖北巡撫。未到任前。以湖廣總督李瀚章兼署。己酉。諭軍機大臣等。桂清奏與京地方緊要。請添設大員鎮守一摺。奉天馬賊日多。疊經剿辦。未能淨絕根株。且時有擾及興京之事。近復有邊外賊匪聚集七八百人。窺伺邊內新兵堡地方。商賈居民。紛紛遷徙。該處地方緊要。亟應嚴密防範。以淨賊蹤。興京僅有城守尉一員。前經都興阿等奏請加副都統銜。俾資鎮攝。業經允准。見在桂清請於該處添設副都統一員。一切體制章程。暨官兵員數。均仿照金州錦州之例。自爲陵寢重地。格外加慎起見。惟添設大員。應籌經費。應否將盛京副都統移紮興京。其員缺。卽照京旗以侍郎兼任。以及陵寢官兵。應否照馬蘭泰甯兩鎮章程。責成管轄。著都興阿志和麟書繼格銘安柱清恭鏗悉心履勘。繪圖貼說。詳細妥議具奏。至添設副都統以後。城守尉自毋庸加副都統銜。或卽將此缺裁撤。並

東華錄要

卷一百十四

同治十三年

十六

商務印書館印行

著一併議奏。庚戌。調吳元炳爲江蘇巡撫。未到任前。以兩江總督李宗羲兼署。以裕祿爲安徽巡撫。紹誠爲安徽布政使。調奎爲河南按察使。乙卯。詔江西湖南湖北自明年始悉運本色漕糧。毋得奏請折徵。丙辰。諭軍機大臣等。奕榕等奏殲除匪首。塔界漸就肅清。見在剿辦姓屬金匪一摺。竄擾塔城匪首王冥誅卽王汝。控業經擒獲。正法。餘匪亦經副都統烏勒興阿搜剿殆盡。遠近山場溝內一律肅清。惟敗殘餘匪。尙在遁逃。仍須乘勢搜捕。以期淨絕根株。見在三姓所屬山場。尙有金匪聚集。亟應乘此聲威。迅行剿辦。奕榕等已添調官兵助剿。卽著奕榕奕艾咨令副都統勝安親督官兵入山搜剿。務將伏匿金匪趕緊剿洗淨盡。不准一名漏網。並著咨令烏勒興阿暫緩撤兵。仍在塔界擇要堵擊。以防金匪分竄。此次擊獲匪首及在塔境出力各員。准由奕榕等歸案擇尤保獎。癸亥。戶部左侍郎宋晉孚。予祭葬。以袁保恆爲戶部左侍郎。轉成林爲理藩院左侍郎。以蘇勒布爲理藩院右侍郎。乙丑。諭內閣。予告大學士賈楨持躬端謹。學問優長。受先朝知遇之隆。由翰林入直上書房。洊陟正卿。入贊綸扉。疊司文柄。朕仰極後派充實錄館監修總裁。優加簡畀。倚任方殷。旋以患病屢請開缺。准予致仕。賞食全俸。方冀頤養安和。長承恩眷。

眷茲聞溢逝悼惜殊深著賞給陀羅經被派載漣帶領侍衛十員卽日前往奠醊加恩晉贈大保照大學士例賜卹入祀賢良祠任內一切處分悉予開復應得卹典該衙門察例具奏靈柩回籍時並著沿途地方官妥爲照料伊子道員用河南彰德府知府賈致恩著俟服闋後以道員遇缺卽選伊孫員外郎銜主事賈孝珍著以郎中分部卽補用示朕篤念耆臣至意尋予祭葬諡文端己巳以達克丹爲理藩院額外侍郎冬十月辛未諭已革提督劉銘傳著加恩開復原官甲戌賜張鳳鳴等一百三十五人武進士及第出身有差己卯慈禧端佑康頤皇太后四旬聖壽節御慈甯宮上率王以下文武大臣暨蒙古外藩等行慶賀禮命廣科以都統遇缺題奏晉照祥御前侍衛桂祥佛佑乾清門侍衛己丑定新設甘肅固原直隸州知州爲衝繁難要缺海城縣知縣爲繁疲難要缺平遠縣知縣爲繁難中缺固原州判海城縣縣丞均爲要缺平遠海城二縣訓導典史同心城巡檢均爲簡缺壬辰諭軍機大臣等沈葆楨等奏臺灣近日情形並准軍到臺一摺日本兵船尙未退出臺灣刻下退兵章程業經定議此後海防各事宜亟須認真講求見在淮軍三起均抵澎湖應如何分紮要隘之處仍著沈葆楨等酌度情形妥爲布

東華錄擧要

卷一百十四

同治十三年

十七

商務印書館印行

置其南北開路以及郡城修築礮壘各事並著該大臣等悉心經理刺桐脚莊民已與龜紋社釋嫌尋好瓊嶠諸社均受約束其餘亟須次第清查惟入山愈深番社愈雜北路復有生番撲犯碉樓傷斃兵丁之事亟應妥爲籌辦俾番衆悉爲我用藉可自固藩籬著沈葆楨文煜李鶴年王凱泰潘霽飭令派出各員設法招徠隨時撫恤招墾事宜仍須商同羅大春認真籌畫臺郡城工業已過半安平礮臺見擬設於三鯤身地方一切工程沈葆楨等務當悉心經畫毋得畏難思阻允鮑源深奏甯丁憂提督張樹屏辦理冬防癸巳命左都御史廣籌侍郎夏同善赴陝西查辦事件己亥上不豫仍治事如常命軍機大臣李鴻藻恭代批咨章奏十一月庚子朔改甯國營爲皖南鎮標左營以原設參將與蕪采營遊擊對調添設皖南鎮標右營都司守備各一改設荻港外委一撥遊兵營荻港千總一銅陵采石汛把總二歸皖南鎮標右營轄甲辰愷親王等議奏聖躬正宜調攝每日批摺仍遵前旨暫由李鴻藻敬繕批咨清字摺件並暫由奕訢等敬繕從之己酉命寶鋆爲大學士庚戌諭軍機大臣等景廉奏籌畫邊疆軍務機宜請由甘肅遷移戶民分居奇古等處各摺片回逆分踞烏屬各城相爲犄角逆猷甚張景廉擬分路進兵會同

金順由古城直取古牧地爲一路。張曜由天山南直取吐魯番爲一路。卽添派大員赴沙山。會合沙克都林扎布錫綸等直取瑪納斯爲一路。卽著景廉金順隨時籌畫激勵將士。安速進剿。力掃賊氛。關外糧餉轉運事宜。前已有旨派左宗棠督辦。並令袁保恆暫辦。移紮肅州。疊據左宗棠袁保恆奏請撥餉銀。並籌糧運各事。左宗棠袁保恆景廉金順同辦一事。卽著隨事會商。妥籌辦理。景廉所請飭令戶部撥給庫銀六十萬兩。並嚴催各省欠餉等語。著戶部議奏。景廉派員赴烏里雅蘇台等處採辦駝隻。著理藩院知照管轄內外盟蒙古將軍大臣。傳知蒙古王公。轉飭各愛曼隨時出售。按市價官爲採買。毋許委員稍有抑勒。西路奇古等處居民稀少。田地半屬荒蕪。景廉請仿照成案。由甘肅各州縣遷移民人一千戶。分居奇古等處。以實邊地。此項遷移戶民。由官發給盤費車脚牛具籽種。趕於明春到古。俾得盡力耕作。以贍軍糧。著左宗棠體察情形。酌籌妥辦。以廣壽爲兵部尙書。魁齡爲左都御史。調恩承爲吏部左侍郎。以紹祺爲刑部左侍郎。壬子。諭軍機大臣等。沈葆楨等奏日本遵約退兵。收回草房營地方一摺。日本兵船盡數退出臺灣。其遺下營房草房板片。均經點收完竣。該處已派官軍填紮。惟琅璠一帶善後機宜。亟須悉心籌畫。妥善經

營。所有招撫生番及修城開路各事宜。仍當妥籌辦理。毋得以倭兵已退。卽形鬆懈。著沈葆楨文煜李鶴年王凱泰潘霽懷遵十月二十八日諭旨。妥爲布置。毋稍因循。沈葆楨等惟當於此時力圖自強之策。以期未雨綢繆。庶幾有備無患。甲寅。諭內閣。朕於本月遇有天花之喜。仰蒙 慈禧端裕康慶皇太后

慈禧端

佑康頤皇太后調護朕躬。無微不至。並荷慈懷曲體。俯允將內外各衙門章奏。代爲披覽裁定。朕心實深欣感。允宜崇上兩宮

皇太后徽號。以冀仰答鴻慈。於

萬一所有一切應行典禮。著該衙門敬謹辦理。癸亥。以沈秉成爲河南按察使。

十二月辛未。吏部以大學士寶鋆應定何殿閣請。得旨。李鴻章著授爲文華殿大學士。文祥著授爲武英殿大學士。寶鋆著授爲體仁閣大學士。甲戌。上疾增劇。

允李宗羲奏來年江北漕米改辦海運。李宗羲以病免。以劉坤一署兩江總督。劉秉璋署江西巡撫。上疾大漸。酉刻。崩於養心殿東暖閣。

皇太后 慈禧端佑康頤皇太后御養心殿西暖閣。召愷親王奕訢恭親王奕訥

慈安端裕康慶

訥醇親王奕譞孚郡王奕譔惠郡王奕訥貝勒載治載澂公奕謨醇前大臣伯彥訥謨帖奕劻景壽軍機大臣寶璽沈桂芬李鴻藻總管內務府大臣英桂崇綸魁齡榮

祿明善貴寶文錫弘德殿行走徐桐翁同龢王慶祺南書房行走黃鈺潘祖蔭孫貽
經徐郟張家驥入欽奉 懿旨。醇親王奕譞之子 貼黃著承繼 文宗顯皇帝
爲子。入承大統爲嗣皇帝。光緒元年三月己亥。恭上尊諡曰繼天開運受中居正
保大定功聖智誠孝信敏恭寬毅皇帝 廟號 穆宗。

東華錄要

卷一百十四

同治十三年

十九

商務印書館印行



東華錄要卷一百十四終

光緒二十九年十月首版

(每部定價洋六元)

書經
存案
翻印
必究

輯錄者

宜興汪文安

發行者

商務印書館

印刷所

商務印書館

上海鐵馬路橋北錢業會館西文昌閣隔壁

總發行所

上海
盤
街
中
市
商
務
印
書
館

